



UNIVERSITÄTS-  
BIBLIOTHEK  
PADERBORN

**Ivsti Rycqvii Canonici Gandavensis, Civis Romani, De  
Anno Secvlari Ivbileo Syntagma**

**De Rycke, Josse**

**Antverpiae, 1624**

Ivsti Rycqvii De Anno Secvlari Ivbileo Syntagma.

---

[urn:nbn:de:hbz:466:1-64507](https://nbn-resolving.org/urn:nbn:de:hbz:466:1-64507)

I V S T I  
R Y C Q V I I

D E A N N O

S E C V L A R I

I V B I L E O

S Y N T A G M A.

C A P V T I.

*Dies, Mensis, Annus Septimus sacer apud Hebraeos: item Annus Septies-septimus. Sabbatum, & Anni Sabbatici. Iudei dicti Sabbatarij. Plutarchi, Taciti, Dionis, Appionis, Lactantij de Sabbato error. Septenaria Hebraorum Ferie à calumniâ vindicata.*

**S**VMMVM ILLVD ET INEFFABILE NVMEN, cuius Natura bonitas est; consilium, Sapientia; inter cætera præclarissima instituta, quibus populum electum ad omnem religionem ac humanitatem conformavit; admirabili & arcanâ quadam ratione Sapientibus vsum videtur, cum Numerum Septenarium adeò sanctum diuinumque reddidit,

A

dit,



Scenopegia.

Lib. 3. Ars.  
910.

dit, vt pleraſque Legis cærimonias eo definierit, & omnem ferè temporum feriem eius canone ac menſurâ concluderit. De die enim Septimo Exodi xx. ita ſancitum eſt: *Memento vt diem SABBATI ſanctifices. Sex diebus operaberis, & facies omnia opera tua, SEPTIMO autem DIE SABBATVM DOMINI DEI TVI Eſt.* quod ipſum ſæpè alibi in Diuinis litteris repetitum legitur. Menſe autem Septimo, quem Romani à numero SEPTEMBREM, poſteriores Hebræi TISRI nominârunt, Feſtum *Tubarum* die eius primo; Feſtum *Expiationum*, ſeu *Propitiationis*, decimo; Feſtum *τῆς σκηνωπηγίας*, ſiue *Tabernaculorum*, decimo & quinto eius die ſolemniter celebrari iuſta. Addunt Rabbini *Encania*, ſiue *Dedicationem Templi Salomonis*, ſed quòd ea Diuinis præceptis nuſquam indieta ſit, inter arbitrarías religiones potiùs, quàm ſtatas, aut annales, habenda. Diem & Menſem conſecratum Septimus Annus excepit, non minore curâ à ſupremo Legislatore populo commendatus, & SABBATICVS proinde, ſiue *Terra Sabbathum*, ab illius ἀναπαύσει ſiue ceſſatione, nuncupatus. Illum Leuit. xxv. his verbis præceptum habemus: *Sex annis ſeres agrum tuum, & ſex annis putabis vineam, colligeſque fructus eius; Septimo autem anno Sabbathum erit Terra requietionis Domini: agrum non ſeres, & vineam non putabis, qua ſponcè gignet humus, non metes, & vvas primitiarum tuarum non colliges; quaſi vindemiam; annus enim requietionis terra eſt, ſed erunt vobis in cibum.* Hanc Terra requietionem, & ſeptennalem Sabbathiſmum, Iosephus eleganti vocabulo ἀναπαύσει τῆς γῆς appellauit: quo, ſiuxta

Gramma-



Grammaticos, otium, remissio, quies, indulgentia, significatur. Meminit Anni huius septimi eiusque ἀνέσεως Corn. Tacitus, ubi de Iudæorum Legibus ac Relligione agit; sed more suo, impie & acerbe: *Septimo die* (inquit) *otium placuisse ferunt, quia is finem laborum tulerit; deinde blandiente inertia septimum quoque annum ignavia datum.* Meminit quoque S. C. Cæsariani temporis apud Fl. Iosephum, his verbis: Τ. ΚΑΙΣΑΡ, ΑΥ- ibid. lib. 14.  
 ΤΟΚΡΑΤΩΡ ΤΟ ΔΕΥΤΕΡΟΝ, ἔστησε καὶ ἰταυτὸν ὅπως τελευτῶν ὑπὲρ τῆς ΙΕΡΟΣΟΛΥΜΙΤΩΝ πόλεως, ΙΟΠΠΗΣ ὑπεξαιρημένης, χωρὶς τῆ ἑβδομῆς ἔτους, ὃν ΣΑΒΒΑΤΙΚΟΝ ἰταυτὸν προσαγορεύουσιν, ἐπειδὴ ἐν αὐτῷ μήτε ἀπὸ τῶν δειδῶν κέρπον λαμβάνουσι, μήτε σπέρουσι. Hoc est: T. C A E S A R I M P. I T E R. statuit, ut cotannis tributum pendant Hierosolymitani pro sua ciuitate, Ioppe excepta, absque Anno septimo, quem S A B B A T I C V M nominant: quod in eo nec fructus arborum legant, nec seminent. Enimuei plurima Israelitis Anno sacro Sabbatico priuilegia concessa, quæ Moses Deuteron. c. xv. sigillatim enumerat: *Septimo* (inquit) *anno facies REMISSI- O- N E M, quæ hoc ordine celebrabitur: Cui debetur aliquid ab amico, vel proximo, ac fratre suo, repetere non poterit. A peregrino, & aduenâ exigēs, ciuem & propinquum repetendi non habebis potestatem: & omnino indigens & mendicus non erit inter vos. Fœnerabis gentibus multis, & ipse à nullo accipies mutuum. Et paucis post verbis: Cum tibi venditus fuerit frater tuus Hebraus, aut Hebraea, & sex annis seruerit tibi, in septimo anno dimittes eum librum, & quem libertate donaueris, nequaquam vacuum abire patieris, sed dabis viaticum de gregibus, & de*



4 IUSTVS RYCVIVS

Per excel-  
lentiam.

mysticorum  
plurimum.

Esayh. 1.  
Ani. c. 20.

Gen. 2.

Lib. 7. c. 19.

vid apparen-  
te semita non  
quarimus.

areâ, & de torculari tuo. Annum septimum subse-  
cutus est Annus septies septimus, κατ'ἰσοχὴν SAB-  
BATICVS, & à multiplici indulgentia, priui-  
legio, ac sanctificatione שַׁבָּת, id est, IOBE-  
LV S siue IOBELEVS dictus, quem statis  
vicibus recurrentem, & Monade ad Septem  
Annorum Hebdomadas mysticè adiectâ, in  
Quinquagesimum quemque Annum inciden-  
tem, diuinâ auctoritate celebrârunt. De cuius  
anni festiuitate ac cærimoniâ cum deinceps pro-  
lixius dicturus sim, sufficiet heic eius institutio-  
nem è Leuitici, μουσικῶν operis, capite x xv.  
adnotasse. Ait ibi Dominus: Numerabis quoque  
tibi Septem Hebdomadas annorum, id est, Septies  
septem, quæ simul faciunt annos XLIX. & clanges  
buccina mense septimo, decima die mensis, Propitia-  
tionis tempore in vniuersa terra vestra, sanctificabis-  
que Annum Quinquagesimum, & vocabis REMIS-  
SIONEM cunctis habitatoribus terra tua, ipse  
enim est IVBILLEVS. Nihil igitur mirum si à  
tam multiplici Sabbatismo SABBATARIÏ  
per contumeliam Hebræi apud profanos voca-  
rentur. Porrò venerandum SABBATI nomen  
à שַׁבָּת id est, quiescere ac laborem remittere, de-  
ducitur; mystico Diuinæ cessationis à Munda-  
næ creationis opere, in die septimâ, argumento.  
Lactantius tamen Firmianus arcano illo Numi-  
nis consilio perpenso, quo tantam SEPTENARIO  
dignitatem indidit, ab eodem numero, SEBA  
Hebræis dicto, SABBATVM formandum puta-  
uit: quòd cum ex ipsa Hebraicâ linguâ quæ ta-  
lem formationem respuit, & Scripturæ sacræ  
testimonio refellatur; nos ἐδὲ παρὺς ἀλγεῶν ἡ ἑ-  
σπέρης

ἐσπέρης



ἔφη. Ridiculus magis in SABBATI etymo Plu- Synops. 50  
9. 1.  
 tarchus, curiosus alioqui scriptor, qui aliquid suo-  
 rum διουσιωνων Iudæis affricare contendit, quasi  
 Διούσιου seu BACCHI cultores fuissent in Sabba-  
 tis, quod illius Sacerdotes Græci σαββυς vocent,  
 illosque in furorem incitatos ἀσεβειαν pati dice- Impietatem  
Xyland. vero  
en, non satis  
propterea.  
 rent. Præterea quod circa Sabbati Festum Iu-  
 dæi largiusculè poculis se inuitarent, illisque sum-  
 ma poenarum esset vsu vini interdici. Neque du-  
 bito quin & Ζεβασίου Bacchi cognomen illhic  
 posuerit, quod tamen in exemplari lacunoso, vt  
 asterisci indicant, intercidit: cuius cognomen  
 Aristophanes, eiusque Scholiastes, Orpheus in  
 Hymnis, Macrobius lib. 1. Saturn. Appul. lib. XI.  
 Metamorph. Suidas in hac voce, & alij memi-  
 nere. Sic enim dictum Liberum volunt ἀπὸ τοῦ  
 θεοῦ quo Thraces in Bacchicis vterentur, Sacra incla-  
matione.  
 θεοῦ. quod & ipsum inclamitasse Æschinem in  
 matris comitatu vlulantem Demosthenes in In-  
 uectiuâ ei obiicit. Meminit Ζεβασίου μυστηρίων vti  
 valdè inhonestorum Clemens Alexandrinus in  
 Protreptico. Meminit & Harpocraton filij ipsius  
 Liberi, Mnaseâ Patarensi auctore ZABAΣΙΟΥ  
 cognominati. Quin & Iouem aliquem hoc co-  
 gnomento cultum indicant veteres lapidum in-  
 scriptiones, & Valerius lib. 1. cùm ait: *Senatus, qui  
 Zabasi iouis cultu simulato mores Romanos inficere  
 conati sunt, domos suas repetere coegit.* M. Tullius,  
 lib. 11. de legibus, Iouem Zebasium vocat, me-  
 mor eiusdem in eo euiciendo Romanæ seuerita-  
 tis. Nec minore temeritate Plutarchus, quàm  
 SABBATI nomen tentauit, LEVITARVM appel-  
 lationem attigit, &, vt nihil fabulæ Bacchicæ à



se confictæ deesset, à Lycio vel EVIO, Bacchi cognomentis, illam repetendam putavit. Neque minùs inepta sunt quæ à Dione Cocceiano, & Cornelio Tacito, adferuntur de Sacrosancto illo die, quasi Saturni feriis dicatum Iudæi habuissent, quòd apud Græcos ac Romanos eâ die Saturnus coleretur. Ridiculum etiam, & meritò à Iosepho subsannatum, commentum Appionis, qui Hebræos sex dierum itinere confecto, peste inguinariâ correptos scribit diem septimam subsistere coactos: qui morbus Ægyptiis *Sabbatosis* diceretur. Venia tamen fortalsè aliqua danda hominibus Sacræ linguæ & Historiæ planè imperitis, cum nullibi ferè profani Scriptores magis delirârint, quàm cum in sacra & leges gentis sacræ, velut in scopulos & Acroceraunia ignari nautæ, impegerunt. Nequis igitur cum Tacito deinceps existimet Dies illos Annosq; Septimos meræ ignaviæ atque inertiae datos, audiat Hebraicum Platonem (ita meritò Philonem appello) gentis suæ institutis ac religioni patrocinantem: *Iussit (inquit) Deus, ut quicumque hac instituta recepissent, sicut in cæteris ita in hoc quoque Deum sequerentur operando per sex dies, septima verò in erqui scendo, vacandoq; contemplationi rerum, & studio Sapientia, retractando etiam cogitatione acta præterita, & rationem eorum à se reposcendo; sicubi à Legum præscriptio aberratum fuerat, ut imposterum cautiiores essent, prospicerentq; ne iterum impingerent in eadem offendicula.* Hactenus Philo. Vacabant autem Hebræi die Sabbati Læctioni, Legis ac Prophetarum, quem morem cum ex Actis Apostolicis passim, tum ex Evangelio

Lib. 37.

Hist. Lib. 5.

Lib. 1. cap.

42.

Lib. de Decal.



gelio Lucæ intelligimus, in quo CHRISTVS ipse cap. 4.  
 die Sabbathi intrasse in Synagogam apud Na-  
 zarenos dicitur, & de Isaia Propheta aliquid le-  
 gisse: atque is mos apud Hebræos in hodiernum  
 vsque diem retinetur. Vnde intelligimus diebus  
 sacris, dum corpora feriarentur, animos contem-  
 platione rerum cælestium ac studio Diuinę Phi-  
 losophiæ exercuisse, conscientiæ quoque exa-  
 men in illâ tranquillitate instituisse; atque ita  
 otium illud omni labori ac negotio fuisse præfe-  
 rendum. Eadem cautio in Annum Sabbaticum  
 fuit, de quo in Lege Mosaicâ sic præceptum ha-  
 bebimus: *Post septem annos anno Remissionis, in So-* Deuter. 15.  
*lemnitate Tabernaculorum, conuenientibus cunctis*  
*ex Israel, vt appareant in conspectu Domini Dei*  
*Tui, in loco quem elegerit Dominus, leges verba Le-*  
*gis huius coram omni Israel, audientibus eis, & in*  
*vnum omni populo congregato, tam viris quam mu-*  
*lieribus, paruulis, & aduenis qui sunt intra portas*  
*tuas, vt audientes discant, & timeant Dominum*  
*Deum vestrum, & custodiant, impleantq; omnes ser-*  
*mones Legis huius.* Hinc ergo nostri homines salu-  
 briter discant quid sibi operis incumbat, cum  
 præscripta Ecclesiæ iussu Festa celebrantes vni  
 Deo vacare, & à seruili opere cessare iuben-  
 tur. Festum autem *Tabernaculorum*, cuius Con-  
 stitutio illa meminit, & nos antè mentionem  
 feceramus, è ternis celebrioribus Hebræorum Fe-  
 stis fuit, aliter *Scenopægia*, & *Collecta Frugum* Lib. 3. de  
R. P. Heb.  
Estra lib. 2.  
c. 8.  
 (vt Sigonius putat) appellatum; septem diebus  
 continuis, cum octauo *Collectæ*, cottidianis sa-  
 crificiis peragebatur: quo multiplicato die-  
 rum numero commodius sacrorum Libro-



rum Lectio institui posset: quem legendi morem à temporibus Iosue F. Nun intermissum, Esdras post captiuitatem Babylonicam in vsum reuocari præcepit.

## CAPVTLI.

*SEPTENARIII religio amplius explicata. quare τεισφίη dictus. Eius in Sacris Hebræorum frequentia, ac Mysterium in Temporibus signandis. Pœnitentiæ Sacrum; ac Diuinæ iracundiæ interpretem nonnumquam videri.*

A Diuino  
cultu & re-  
ligione.  
Philo lib. de  
Mundi opif.



maximè  
Diuinam.

mirandas.  
Ibidem.

SEPTENARIVM ἑπτὰ τῆς εἰσβα-  
ρῆς dictū, vel dici debuisse, Sapien-  
tūm virorum opinio est. ille enim  
numerus est cuius canone ac mē-  
surâ vniuersæ penè religiones  
apud Hebræos, yti diximus, definiuntur. *δεικνύται*  
autem illum Numerum esse, vel hinc ostendi po-  
test, quòd è Ternario ac Quaternario, qui duo  
numeri admodum sacri ac diuini, compactus  
fit: quòd solus eorum qui Denario comprehen-  
duntur, neque gignat alium, neque ipse gigna-  
tur: quòd è Senario, item numero perfectissimo,  
& Monade, expressâ Dei imagine, componatur:  
vt cæteras *θαυμάσις* eius proprietates, quas è Py-  
thagoricis Philo Hebræus aliq̄ue recensent, Di-  
uinis mysteriis diuinè congruentes, transeamus.  
Sanctum ergo ac mirabilem hunc Numerum  
Diui-



Diuina Sapientia potissimum elegit, quem Sacrorum cærimoniis ac Sacri temporis periodo, immò Aeternitati illi immensæ, velut terminum metamque, circumscriberet, quare non iniuriâ *τελειοφóρῳ* à Philone, *rerum autem omnium nodus* à Cicerone, quod eo omnia compingerentur ac finirentur quâ diuina quâ humana, nuncupatus est. In Diuinis autem rebus, inter alia innumera, admiranda est, Diei, mensis, Anni Septimi ac Septies septimi sanctificatio: admirandum illud, IOBELI quinquagenarium è quadrato ipsius Septenarij & Monade ei adiunctâ confurgere, sicut ipsa Hebdomas è Senario & vnitate conflata. Vt verò ipsa Monas omnipotenti Deo sacrata est tamquam Diuinitatis simulacrum, ac Numerorum omnium Fons, vinculum, & origo; ita Septenarius, quem & ipsum Deo dicatum, ac Diuinis rebus celebrandis aptissimum diximus, summâ Mysterij perfectione copulatur. Admiranda prætereà in Diuinâ Legge (nam huc exspatiari placet) Septeni *a* dies vescendis Azymis à Paschali festiuitate decreti, *b* Septenæ Hebdomades messi faciendæ ante festum Pentecostes assignatæ, *c* Festum Scenopægiæ septenis diebus, mense Septimo, præscriptum, *d* Tabernaculi ac Templi Dedicatio eodem mense totidemque diebus, à Mose & Salomone peracta: *e* Hominis ac mulieris immundæ, *f* Homicidæ, *g* Leprosi, *h* Nazaræi, *i* Sacerdotum, Pontificis, pari dierum numero, vel lustratio vel consecratio fieri iussa. *k* In sacrorum victimis ouis, bouis, capræ primogenita sub matre custodienda per Hebdomadem, post

A 5 illam

absoluens,  
perficitur.

Pythagor.  
apud Iulian.  
Marc.

*a* Exod. 12.  
& alibi sæpè  
in S. S.  
*b* Lev. 23. &  
al.

*c* Ibid.

*d* Exod. 28.  
2. Par. 7.

*e. f. g.* Lev.  
12. 15. 21.  
Num. 12. 19.  
*h* Num. 6.  
*i* Lev. 8.

*k* Exod. 12.  
& alibi.



illam ritè sacris adhibenda. Quid verò mirabilius, quàm *l* Mosen nube tectum sex diebus, septimo de medio caliginis in monte Oreb vocatum ad Legum Tabulas à Domino accipiendas? quid magis stupendum, quàm *m* septeno Arcæ Domini circuitu per dies totidem, septem Iubilei buccinis insonantibus, muros Hierichuntis collapsos? Quid magis mysticum, quàm *n* septenis cottidiè vicibus Dauidem orâsse, *o* totidemque diebus adulterium commissum in cinere & cilicio deplorâsse? Et sanè Metanœæ ac peccatorum Nemesei obnoxium esse vel maxime hunc numerum, Septenarius Psalmorum canon, à Divino spiritu præscriptus, ostendit, cælesti iræ deprecandę saluberrimè institutus: ostendunt etiam *p* Septem illa Tempora super Nabuchodonosor, regno eiccto, herbisque instar pecorum in deserto vescenti, consummata: ostendunt quoque Denæ *q* Annorum Hebdomades, à populo Israëlitico in carcere Babylonio transactæ: quam cladem Deus Israëlitis immisit ob Sabbatimos Annorum Remissionis non ritè, neque vt præscripti fuerant, obseruatos. quæ cum sæpè alias, tum isto Leuitici loco signatè prænunciata fuisse videtur: *Tunc placebunt terra Sabbata sua cunctis diebus solitudinis sue, quando fueritis in terra hostili sabbatizabit, & requiescet in Sabbatis solitudinis sue, eo quod non requieverit in Sabbatis vestris, quando habitabatis in ea.* Quâ clade acceptâ sapientiores effecti Iudæi è Babylone reduces, coram Esdra, iurifurandi religione in obseruationem Septennalis *quiescentis*, cæterarumque Legis cærimoniarum ac Rituum se se

*l' Exod. 24.**m. Iosue 6. 3.**n Psal. 128.**o 2. Reg. 23.**p Dan. 4.**q Levit. 25. & al.**imp. 26.**Neheem. 10.*



sefe obstrinxerunt. Ostendunt denique Diuinæ  
 comminationes vltionis *in septuplum* sumendæ  
 de hominibus in delicto perseverantibus, Se-  
 ptem Annorum ⁊ Fames optioni Dauidicæ da-  
 ta, & s̄ Aegyptiis Iosephi tempore, ⁊ Iudæis sub  
 Elisæo Prophetâ diuinitus immissa: v̄ Septenna-  
 lis Hebræorum seruitus sub Madianitis, à quâ  
 per Gedeonem liberati; x̄ LXX. anno um cala-  
 mitas Tyrionum vrbi à Prophetâ prænuincia-  
 ta: & (vt veteribus nostra iungamus) Seprenna-  
 lis Pœnitentia quam in grauioribus admissis Ca-  
 nones olim Ecclesiæ Catholicæ præscribebant.  
 Idem ergo Numerus qui Indulgentiæ ac Mife-  
 rationis Diuinæ piis hominibus interpretis est, Di-  
 uinæ quoque vltionis & iustitiæ apud improbos  
 simulacrum habet: immò verò Dei ipsius simu-  
 lacrum habet, de quo per Prophetam dicitur: *Psalm. 100.*  
*Misericordiam & iustitiam cantabo tibi Domine.*  
 quamquã id vel maximum Diuinæ miserationis  
 argumentũ sit, si per Hebdomadem miseræ hu-  
 ius vitæ dignis castigationibus attriti, & à pecca-  
 torum sordibus igne calamitatum expurgati, ve-  
 ræ innocentie ac cælesti adoptioni, vnde per  
 scelera nostra excidimus, restituamur. *Quid non*  
*(inquit D. Augustinus) misericorditer præstatur*  
*hominibus à Domino Deo, à quo etiam tribula-*  
*tio beneficium est? Nam res prospera donum est*  
*consolantis, res autem aduersa donum est admo-*  
*nentis. admonentis scilicet, quàm miserando in*  
*statu versetur, quibus suppliciis facti simus di-*  
*gni, quàm mitem Dominum, quàm benignum*  
*parentem præuaricatione nostrâ offenderimus.*  
 Quemadmodum enim quilibet somno licet gra-  
 uissimo

x̄ 1. Reg. 24.

s̄ Gen. 41.  
t̄ 4 Reg. 8.  
v̄ Iud. 6.

x̄ 1. Reg. 24.

Psalm. 100.

Colum. 1. p.  
Psalm. 50.



uissimo oppressus facile euigilat, si spinâ, cultello, acu, aciculâ compungatur; ita contingit à lethargo peccatorum facilius nos experrectos cōsurgere, si calamitatum & ærumnarum punctiunculis excitemur. Quod ipsum sese exper-  
*Psal. 31<sup>o</sup>* tum Regius fatetur Propheta: *Conuersus sum in arumna mea, dum configitur spina.* Et alibi: *Tribulationem & dolorem inueni, & nomen Domini inuocaui.* Rex etiam ille, quem ferino ritu vixisse diximus, Diuinâ Nemeli admonitus sic ait: *Leuavi oculos meos in calum, & sensus redditus est mihi.* Oculos enim quos peccati culpa clauserat, poena (vt ait D. Gregorius) supplicij aperiebat. Porro (quod antè dicebamus) Numerum **SEPTENARIVM** omnem ferè temporum includere mensuram. id in mysticâ **LXX.** Hebdomadarum serie, Danieli per Angelum Domini indicatâ, manifestius apparebit: quarum initia etsi variè varij accipiant, finis tamen, Sapientissimorum virorum iudicio in metuendum **CHRISTI** iudicium, ac æternum piorum Sabbathum, verumque & illibatum **IVBILEI SECVLVM** incurrit: quod istis Prophetæ verbis non obscure significari videtur: *Consummabitur prauaricatio, & finem accipiet peccatum, & adducetur Iustitia sempiterna, & implebitur visio, & propheta, & ungetur Sanctus Sanctorum.* quibus in verbis etsi quædam ambigua sint, & quæ ad primam Christi  
*ibid. c. 9<sup>o</sup>* *ibid.* *Apparitione.* *isti in Phœnicæ ac Hierosolymæ excidium referri posse videantur; ego tamen alia sentientibus assentiri malo, quòd ferè ea Diuinæ Scripturæ consuetudo sit, cum de vtroque CHRISTI aduentu, deque Orbis ac vrbs illius exitio loquitur,*



tur, earum rerum euentum ita de industria inuoluere vt quid cui tribuendum sit aut vix, aut non tam facilè dispicias. Arguunt etiam Septenarij Chronici maiestatem quæ de Septem chiliadibus, seu *Millenariis* Annorum, à D. Ioanne in *νευφια* Apocalypsi, de quæ Septem Angelorum, Tubis insonantium, Aetatibus proferuntur. Vbi illud de Septimo Angelo notandum: *Quia Tempus non erit amplius, sed in diebus vocis Septimi Angeli, cum cæperit Tuba canere, consummabitur Mysterium Dei.* Quam Diuinissimi Scriptores methodum sequentes Christiani Chronologi, quotquot ferè in hanc diem scripserunt, Septenis Aetatibus omnem Temporum rationem absoluerunt. Eas ætates etsi non omnes iisdem Temporum intervallis metiantur, in hoc tamen ferè omnes conueniunt, vt in Septimâ Aetate Beatarum animarum IUBILEVM, Angelicis Tubis indictum, perpetuâ tranquillitate celebrandum existiment. Et sanè admirandæ illi sæculorum *ουράζει* mirè conueniunt, quæ de *ισα* *μείρη* Dei creatoris opere, & lucis Septimæ Sabbatismo, præmisimus; tum etiam illa quæ de *Se* *nûm* dierum, post extremum in Ierusalem ingressum, CHRISTI occupatione, de quæ Septimi diei quiete in Sepulcro, pij homines tradiderunt. Quantam verò *διναμιν* non in Diuinis *ποικιλασιν* modò rebus, sed in ipsis Naturæ elementis, cæli motu ac harmoniâ, in corpore, mente, ac vitâ humanis, in fortunis cuiusque ac Rerum publicarum conuersionibus, in artium denique ac Scientiarum disciplinis tradendis Septenarius habere credatur, videre est apud M. Varronem *lib. 1. c. 10.*

c. 8. 9. 10. 20.

constitutio  
ni.  
Sex-dierum.

ποικιλασιν

lib. 1. c. 10.

in



in Noctibus Agellianis. M. Tullium in Somnio Scipionis, & interpretem eius Macrobiū, Philonem etiam Hebræum in Allegoriis, ac libro περιουροποιίας; recentiores etiam, qui de Numerorum Myſteriis ſcripſerunt, permultos. Nos, ne ἐν τῷ παρέρῳ ipſum ἔργον negligamus, ad IVBILEVM reuertimur.

## C A P V T I I I.

*Etymologia IVBILEI inueſtigata. variæ Grammaticorum opiniones poſitæ; Fl. tamen IOSEPHI electa, & adſerta. Ex occaſione de IVBAL, IVBALDA, Iubilo, ἀλαλαγμῶ & celeuſmate, deq; IVBILEI orthographiâ.*



Ixi de SABBATIS populi Hebraici generatim; nunc ad illud veniam, cuius gratiâ hæc ſcriptio ſuſcepta eſt, Solemne videlicet Anni IVBILEI, quod vnde cœptum ſit, quo ritu propagatum, quomodo Chriſtiani IVBILEI typum geſſerit, DEO auxiliante, deinceps exſequemur. In primis, communi ſcribentium ritu, de ipſo Nomine quæſtio inſtituetur, de quo ſanè non leuis, neque noua, inter Sacri Idiomatis intelligentes controuerſia eſt. Cùm enim Leuit. xxv. cap. & alibi, voce iſtâ Hebraicâ יובל IOBEL exprimitur, eaque in varias admodum interpretationes duci poſſit,



fit, nihil ferè certi in tantâ opinionum varietate  
hactenus statutum. Tres quidem inter cæteras  
eximiæ sunt, quarum vnaquæque de principatu,  
virorum maximorum auctoritate, contendit.  
Vulgatissima illa, & à multis in hanc diem au-  
dè recepta, de *Tubis Arietinis*; quas ipsas Tubas,  
sive sonum earum protensio-rem ac longiorem,  
qualis rebus lætis adhiberi solet, hîc significari  
volunt: eo maximè argumento, quòd *Aries*  
Chaldeis IOBEL, Arabibus IOBELA dicatur.  
Doctissimus tamen & Illustriss. Bellarminus, què  
honoris causâ nomino, non probat hanc *ἰουβελ-  
λογίαν*, quamvis Rabbinis plerisque probatam,  
ob rationes quas primo capite eximij Operis de  
Indulgentiis publicavit. Franciscus etiam Ri-  
bera, qui de Templo ac diebus Festis Hebræo-  
rum in signe commentarium scripsit, commen-  
tum istud Rabbanicum tam à veritate abhor-  
rens esse credit, quàm quod maximè. Ridiculum  
etiam videri ait id asserere in maximâ IUBILEI  
solemnitate buccinas è cornu arietino adhibi-  
tas, iisue personantibus muros Hierocuntis pro-  
digiosè collapsos. Atque ita rem istam parum  
ex vero, immò parum *ἐν τῷ περίπλωτος*, à Iudæis  
Interpretibus confictam existimant. Altera ve-  
rò interpretatio est, quam Illustrissimus Bellar-  
minus sequitur, Anni יָבֵל IOBEL, quasi Anni  
germantis ac (vt Lucretiano verbo utar) *fru-  
giferentis*, à radice לָבַל LABAL scilicet, quod  
*frugibus abundare* Hebræorum linguâ significat:  
vt sit nimirum *Annus ille Benignitatis Domini*, *Psal. 64.*  
cuius *coronæ benedictio* tributa, iuxta promissio-  
nem Leuit. xxv. factam. *Ei dabit terra fructus  
suos,*

Lib. 5. c. 20

Psal. 64.



suos, & comedetis ad saturitatem, & habitabitis confidentes in ipsâ. quæ promissio etiam Anno Hebdomadico facta sub hac formulâ: *Dabo benedictionem meam vobis anno sexto, & faciet fructus vriam Annorum.* Et certè in Bibliis Complutensibus inter cæteras IVBILEI explicationes adducitur etiam ista, *Annus germinans, apportans.* Vnde ab eadem radice deriuatum est **יבול** IEBVL, quod fructuum omne genus Hebræis significat. Tertia demum illorum sententia est, qui voce IOBELO propriè ac peculiariter LIBERTATEM significari arbitrantur: cui Fl. Iosephus subscribit, his verbis: **Ἐν δὲ τῷ τῷ ΙΟΒΗΛΟΥ, ΕΛΕΥΘΕΡΙΑΝ ἢ σημαίνει τὸν νομῶν, συνέχουσι δὲ ἀνεξέμμετος τὸ χαρίον, καὶ ἀνεξέμμετος** Hoc est: *Instante Anno IOBELO, quæ vox LIBERTATEM significat, conueniunt in vnum agri emptor ac venditor.* Huic interpretationi, vti dixi, & Ribera fauet, permotus, vti ait, Iosephi hominis doctissimi, & suæ linguæ peritissimi, auctoritate: eiq̃ue non obscure D. Hieronymum assentiri videri. Libro II. in Isaiam, ferè sub initium: assentiri etiam LXX. Interp. qui **ἀφίεσις σημασία** reddiderunt: quâ voce *Libertas* siue *Liberatio* Græcis denotatur. Huius sententiæ astipulatorè etiam obseruo Baptistè Platinâ in vitâ BONIFACII VIII. cùm de Hebraico IVBILEO affirmet, LIBERTATIS id nomen præ se ferre tam animi quàm corporis. Ambrosium quoque Fraccum Ferentinaem in descriptis Ouidiano ritu Sacrorû Temporum Fastis,

184.

Lib. 2. An.  
c. 10.

Lib. 12.

*Porta ego ab Abramo, duce me sit nomen, & Annus,  
Et libertatis tempora Sanctus habet.*

Etsi



Etsi minus apertè quàm reliqui. Viri etiam Sacrae Linguae peritissimi, quos consului in tantâ opinionum incertitudine hanc sibi præ reliquis haud paullò certiozem videri affirmârunt. Et verò cæteræ Interpretationes iuxta aliquid Iubileam Festiuitatem exprimunt; dulce verò *Libertatis* nomen *ἡγεστὸν ἔτος* Anni Solemnis priuilegia comprehendit. De quâ Libertate Arator cecinit Christianus Poëta:

— *Nam Quinquagesimus Annus*

*Cum Iubileus adest, proprij distractio ruris*

*Antiquo donatur Hero: seruire coactis*

*Libertas amissa redit: mala debita laxat*

*Creditor, & lumen patriæ vetus aspicit exul.*

*Lib. 2. Hist. Apost.*

Quod verò ab ABRAHAMO originem Portæ Sanctæ ac Iubilei Ambrosius Fraccus reperat, respexisse illum credo, Poëtarum more, ad fabulas potiùs quàm Historias, quas à Polycrate nescio quo confictas viri etiam magni temerè in scribendo secuti. Volunt enim Annum Iubileum in Abrahamo sacratum quòd fratrem suum Loth, anno ætatis suæ quinquagesimo, ab hostibus liberauerit: vel, Anno quinquagesimo post egressum è terrâ Chaldæorum: vel, ex quo Deus ipsum fuerat allocutus: vel denique, quòd ex Astrologiæ peritiâ, in quâ Zoroastrem (vt volunt) discipulum habuit, cognouisset singulis Annorum quinquagenis ætheris intemperiem corrigi, astra ad easdem sedes relabi, & elementa expurgari. sed hisce *λεπτοτάταις λέξεσι* aliquis

*tenuissimas  
augis.*

— *credat Iudaus apella*

*Non ego.*

Sunt & aliæ etymologiæ difficillimi eius nomi-

B

nis



Andræ Ma-  
sij Fr. Costerij  
& alior.

nis quas φιλεβροῖσι certatim excogitârunt. Inter  
quas ingeniosa est quorundam & amœna à  
IVBAL, Musicorum organorum & Harmoniæ  
repertore, quod anno scilicet Remissionis Buc-  
cinæ cantus, exultantium soni, & iubila passim  
audirentur. Buccinis enim solemnibus, quas  
SCHOPHAR vocabant, Iubileum indici con-  
sueuisse mox dicam. Et quæ vnquam aliàs ma-  
gis exultandi, iubilandi, & præ lætitiâ (vt vete-  
res loquebantur) vitulandi causa, cum terra si-  
ne labore fructus produceret? cum nexi, exu-  
les, serui restituerentur? cum amissæ possessio-  
nes veris Dominis redderentur? Et verò non  
omniò displicet mihi, quod viris etiam doctis-  
simis placuisse video, ab isto IVBAL, Lamech &  
Addæ F. Latinas voces *Iubilare, Iubilum, Iubi-*  
*latum*, & his affinia, profluxisse. *Iubilare* nam-  
que sic exposuerunt D. Augustinus, & alij, vt  
propriè sit gaudium, quod verbis explicare ne-  
queas, voce aliquâ confusâ ac subitanâ testari.  
Talem vocem esse volunt *iw* vel *iy*, vnde, iuxta  
alios, Latinorum *Iubilum*; & ἀλάλ, vel ἀλαλά,  
vnde Græcorum ἀλαλάζω, & ἀλαλαγμός, *Iubila-*  
*tioni* Latinæ exactè respondentia. Quare Do-  
mina Mater (vt cum Tertulliano loquar) *Ecclesia*  
vbicumque LXX. ἀλαλάζειν, & quæ hinc com-  
posita ducuntur, in Diuinis Libris ponunt, ipsa  
in Vulgatâ Editione *IUBILARE*, cum deriuat-  
is inde vocibus, retinendum putauit. M. Varro  
& Pomp. Festus rusticorum esse putant *Iubila-*  
*re, quiritare* urbanorum: solent enim rustici *ἰπι-*  
*τῆς χαρῆς* voce gestuque vehementiùs commo-  
ueri. Quâuis obseruârim apud Poëtas non so-  
lam

Gen. 4.

Lib. de L. L.

inter gau-  
dendum.



lam vocem inconditè clamantium rusticorum, sed ad fistulam scitè canentium *συγγυμῶς* Iubila vocari. Silius id testatur Lib. XIII. de Polyphemo:

*Et lætus scopulis audiuit iubila Cyclops.*

Iubila scilicet non sua, sed à rusticanis pastoribus Siculis ad cannam emodulata. Calpurnius etiam Nemesianus in Eclogis *βουκόλος* deslens:

*Et tua mœrentes expectant iubila tauri.*

quos olim adolescens imitabar in Carmine ad N. V. Adolphum Eetveldium rusticantem:

*Iubilaq; ingeminat Faunus, lasciuit Oreas;*

*Et natat in liquidis humida Naias aquis.*

Illud quoque à me obseruatum est non semper apud Scriptores voce Iubili lætum aliquid significari, sed nonnumquam *ἰνὸς θόρυγος* aliquem inclamantis. vt apud Attium in Chrysippo:

*Io buco. quis me iubilat? vicinus Atus.*

nam cùm Atus rusticus vicinum suum voce Io inclamasset, alius respondens subiicit, *quis me iubilat, vel, iobilat?* sic enim fortè rectiùs, si hanc originationem sequimur; id est, *quis me inclamat?* Nonnumquam clamorem ac fremitum aliquem instigantis. quo sensu Appuleius, vetustatis obseruator religiosissimus, Lib. VIII. Metam. *Canes rabidos, & immanes, & quibusuis lupis, & vrsis seniores, quos ad tutelæ præsidia fuerant alumni, iubilationibus solitis, & huiusmodi vocibus, nobis inhortantur.* Vtus tamen postea obtinuit vt eximix lætitiæ exprimendæ Iubilationes constanter deseruirent. Fuere qui Berosum illum supposititium secuti à IUBALDA, fabuloso Hispaniæ Rege, voce Aramæâ (vt nugantur) à



Latro, Beca-  
no, Fr. Tara-  
gus.

letitiâ sic dicto, *Iubili* derivationem peterent. Nominis ac lætitiæ causam fuisse, quod is sacris primùm inuentis, vti Numa alter Pompilius, populos delectâset. Atque hoc nugatorium commentum viris etiam doctis persuaderi potuit. Ingeniosius Oliuerius Vredius, Brugenfis Iureconsultus, qui in litteris ad me datis *Iubilam* à *Iubeo* eo modo dici existimauit, quomodò apud Græcos κέλευσμα ἀπὸ τοῦ κέλευω, quod etiam est, *Hortor*, & *Iubeo*. nam sicut *Iubilare* restrictum ad rusticos, ita κέλευσμα ad remiges. Solebat autem cani remigibus κέλευσμα per symphonicos pueros, & per assam vocem, aut citharam: vt è Pædiano Budæus notat. κέλευσθης quoque ad eum restringitur qui celeusma canit, cum alioqui esset iussor, seu qui iubet & hortatur. Hæc fere Vredius. Sanè iubilâsse etiam Christianos olim CHRISTO in celeusmate testatur Sidonius Aruernorum Episcopus lib. I I. Epist. x.

*Curuorum hinc chorus helciariorum,*

*Responsantibus Alleluia ripis,*

*Ad CHRISTVM leuat amnicum celeusma.*

quod opifices, agricolas, viatores leuandi tædij aut laboris fallendi causâ fecisse vt iuxta *Alleluia* pium ac diuinum aliquid canerent iam alij monuerunt. Et hæc de *IUBILI* originatione, aut interpretatione, paullò diffusius, ac libentiùs, quod Ecclesiam Romanam videam neglectâ Orthographiæ Hebraicæ ratione, quæ à *IOBELO* *IOBELEVM* dici postulat, *Iubili* παρανομασίας delectatam *IUBILEVM* prætulisse. Non è vulgari imperitiâ (nam & hanc scribendi rationem

DEM



nem D. Hieronymus & alij multi probant) sed quod rei lætissimæ significandæ vocem ipso etiam sono lætam adhibendam putauerit: eamque Latinè potiùs quàm Hebraicè sonantem, vt ab omnibus Latini orbis populis eò commodiùs intelligeretur. Præter adductas vocis IOBEL significationes, illæ item sunt apud D. Hieronymum, *Annus dimittens, mutans, defluens*, in Bibliis verò Regiis etiam *Inueterascens* exponitur. Fuere nonnulli qui *principium*, *aditum*, vel *accessum* exponerent, à radice לָבַל LABAL, quod *ducere* & *adducere* esse volunt; denique qui *gratiam*, *remissionem*, *gaudium*: sed hi magis analogicè credo & περιφρασεως, quàm ex vocis ipsius vel significatione vel naturâ. Mirandum tamen quicquid interpretationis in sacra hanc vocem cadit μουκάρτες esse, & quod Anno illi Sancto per omnia conueniat. Nam & *Dimittens* erat, debita scilicet æris alieni, & seruitutes: *Mutans* etiam, conditiones nimirum ac status hominum, ex seruis liberos, ex obæratu diuites, ex egenis Dominos reddens: *Defluens* item, perpetuâ scilicet quinquaginta annorum serie è seculo in seculum dimanans: *Inueterascens*, ob instituti Antiquitatem, ab ipso ingressu in terram Chanaan perpetuò seruari iussi: Adhæc *Initium* seu *Principium* erat Nouæ Lætitiæ ac Libertatis, & Seculi Iubilei. *Aditum* verò & *accessum* præbebat exulibus in patriam, seruis ad manumissionem, pauperibus ad opulentiam, antiquis Dominis ad recuperandas possessiones. Et hæc quidem omnia in Typico Hebræorum; quæ quàm diuinè vero

Lib. de Nom.  
Heb.



CHRISTIANORVM IVBILEO conueniant in ipso operis processu dicemus.

C A P V T I V.

*Diuisio IVBILEI, eiusq; partes propositæ.  
De HEBRAICO agi cæptum: eius indi-  
cendi Ritus. Tubis indicebatur, seu potius  
Buccinis. Quid propriè Buccina, quid  
ἀνάστασις. Annus Iubileus quo anni tempore  
inceptus.*



Mensi turbidum Grāmaticæ con-  
tentionis fretum in ipso IVBILEI  
portu cymbam statuemus, vbi ad-  
spirante blandâ Gratæ ac Remis-  
sionis aurâ, fixisq; Libertatis an-  
choris, gratâ vicissitudinis temperie, ac solidâ  
voluptate, animi recreabuntur. Etenim si IVBILEI  
totius naturam ac proprietates considerare  
voluerimus, partes primùm colligamus oportet;  
quibus cognitis, atque perspectis, faciliore me-  
thodo ea quæ postmodum tradenda erunt ex-  
sequemur. IVBILEVM igitur (dabis veniam,  
Lector, communi ac receptâ Christianorum vo-  
ce utenti) partientes, in HEBRAICVM, CHRI-  
STIANVM, ac MYSTICVM trifariam diuide-  
mus. Itud nouâ distinctione in RITVALE &  
CHRONICVM; hoc item subdividendo in OR-  
DINARIVM siue STATVM, & EXTRAORDI-  
NARIVM siue INDICTIVVM; & hoc denique  
vlteriùs



ulterius in PUBLICVM & PRIVATVM partemur. De HEBRAICO RITUALI, sicut institutione primum est, cæterorumque fons & origo; ita primò nobis agendum erit: breuiter quidem & succinctè, ne in re iam toties vulgatâ putidi & inepti fuisse videamur.

Ritum indicendi Anni Iubilei Dominus ipse præscribit Leuit. xxv. cap. his verbis: *Numerabis quoque Tibi septem Hebdomadas annorum, &c. & clanges buccinâ mense septimo, decimâ die mensis, propitiationis tempore, in vniuersâ terrâ vestrâ. Sanctificabisq; Annum Quinquagesimum.* Mensem ibi Septimum *תשס טו* intellige, ab eodem numero (si modò calculi conueniant) Romanis SEPTEMBREM, Hebræis recentioribus TISRRI dictum. Alium namque Sacrum Hebræi à NISAN, vel mense MARTIO, incipiebant, quòd is Mensis, Mundi natali, & Exodo ab Ægyptiâ seruitute sacratus, mensium principatum iure reposceret. Accedebat Diuinum Imperium quo *Mensem hunc primum in mensibus anni*, ob causas puta supradictas, habere iuebantur. Exod. 13. Dies porrò mensis TISRRI decimus in Festum Propitiationis incidebat, quo Iubileum Annum indici consueuisse ex Calendario Hebræorum à Sigonio edito manifestò apparet. Xib. 3. de Rep. Hebr. Faciebat autem clangor Buccinæ à Domino imperatus ad populum exhilarandum dulci spe Nouitatis ac Libertatis: oppressos maximè, & in aliqua afflictione positos recreandos & eleuandos. Porrò Buccinas istas alias fuisse ab Argenteis Tubis, quibus Sacerdotes aliis in Sacris vterentur, ex eo patere videtur, quòd in Libro



Iesu Naue c. vi. ad discrimen dicatur, *Buccinas*, quarum vsus est in Iubileo. apud LXX. ἐπὶ τὰς κερυτίνας τῆ ἰωβήλ. Vnde multis suspicio nata Buccinas illas, quòd Hebraicè, vti putant, IOBEL, Græcè κερυτίναι dicantur, è cornu arietino confectas fuisse, blandiente mysteriorum lenocinio, & vocabuli ipsius apud Chaldæos alludente significatu: quam tamen opinionem cum Bellarmino & Riberâ suprâ reiecimus. Ego quidem corneas fuisse cum eodem Riberâ concesserim, sed è bubulo cornu, vel certè animalis cuiusquam grandioris. Bubula sanè cornua olim celebri in vsu fuisse, etiam Romæ, Dionysius ostendit Lib. ii. Antiq. τῆς, inquit, δημοτικῆς ὑπηρεταί τινες, κέρουσι βοείois ἐμβουκάνοντες, ἐπὶ τὰς ἐκκλησίας συνήγορον. Hoc est: *Plebem ministri quidam cornibus Bubulis insonantes ad concionem cogebant.* Vocabatur huiusmodi cornua propriè *Buccina*, atque ideò nouo vocabulo ἐμβουκάνειν, *Buccinâ canere* dixit, quod βουκανίζειν posterioris æui Scriptores Græci dixerunt. Propertius de primigeniâ Romanorum simplicitate, & eodem Ritu.

*Buccina cogebat priscos ad verba Quirites.*

*Buccinam* esse pastorem tubam testatur D. Hieronymus, atque ideò priscis Quiritibus pastoritiam adhuc vitam agentibus aptè conueniebat. Columella Lib. iv. Agric. *Ad sonum Buccine pecus septa repetere consuescat.* Propertius iterum:

*Nunc intra muros pastoris buccina lenti  
Cantat.*

Fuisse etiam Militarem multis Veterum testimoniis affirmat Vir omnis Antiquitatis peritissimus,

mus,



mus, Belgicæ nostræ lumen, Iustus Lipsius in Li-  
 bris de Militiâ Romanâ. Rectè ergo Vulgatus  
 Interpres *Buccinam* potiùs quàm *Tubam* posuit,  
 quòd eo vocabulo rei veritas magis exprima-  
 tur: etsi aliis in locis minùs huius rei obseruans  
 fuit; vti & LXX. qui interdum τὰς ἱερὰς σάλπιγγας,  
 interdum, κεραινας reddiderunt. quamuis  
 Suidas τὴν σάλπιγγα, ἱερατικὸν ὄργανον: *solis sacris*  
*deputatam Tubam* esse velit, qua ratione adiun-  
 ctum illud τὰς ἱερὰς frustra addidissent. Ar-  
 temidorus etiam Daldianus, qui de Sacrà Tubâ  
 aliquid nugatus est, à proposito tamen nostro  
 non planè alienum: Σαλπίζειν, αἶτ, δοκεῖν σάλπιγγι  
 τῆ ἱερᾷ, δάλας καὶ πάντας ἐν ὑπηρεσίᾳ ὄντας τῆς δαλείας  
 ἐλευθεροῖ. Id est: *Videri* [per somnium] *Sacrâ*  
*Tubâ canere seruos & omnes in ministerio aliquo*  
*constitutos libertate donat.* Rationem addit: ἰδίου  
 γὰρ ἐλευθερῶν τὸ ὄργανον. *Proprium enim Liberorum hoc*  
*instrumentum.* Vbi respexisse illum credo ad Sa-  
 ctos Græciæ Agones, in quibus Tubâ signum  
 dabatur, & soli ingenui certabant. Quod po-  
 tiori ratione de Buccinâ Iubileâ, verò τῆστε ἐλευ-  
 θερίας καὶ ἀνάσσεως σημεῖον, dicere potuisset, si He-  
 bræorum mysteria non ignorasset. Septem au-  
 tem fuisse Iubilei Buccinas, siue Tubas, ex eo-  
 dem Libro Iesu Naue intelligimus, quas, ma-  
 gnâ Septenarij celebratione, Septem Sacerdo-  
 tes, die decimo mensis Septimi, Anno Septies  
 septimo inflabant, ad Noui Solemnis denun-  
 ciationem. Illud quoque cum maximis viris  
 asserimus ab Anni Naturalis, seu Communis,  
 apud Hebræos initio, quod in Æquinoctium  
 Autumni incidebat, Solemne Iubilei ordiri  
 B 5 consue-

Lib. 4. Dic.  
10.

Lib. 1. c. 58.

Libertatis &  
Remissionis  
signo.Caietan. sup.  
Eua.  
Perev. lib. 1.  
in Gen.  
Scalig. li. 5. de  
em. Temp.  
Torniello in  
4. Mundi etc.



consueuiffe; quemadmodum Sacer eorum siue  
 Ecclesiasticus ab Æquinoctio Verno, vti dixi-  
 mus, incipere consueuerat. Iubilei verò Secu-  
 li, siue Magnæ Hebdomadis, mensurâ vniuersi  
 temporis canonem complexos alibi ostende-  
 mus. Vnde quemadmodum mensem NISAN,  
 Mundo natalem, caput & principium Men-  
 sium appellabant; ita etiam Iubileum Annum,  
 quem vnâ cum Mundo ortum fuisse crede-  
 bant; ab Adamo eum supputantes, qui veram  
 in Statu Innocentiæ *id est originem* egerat; Annorum  
 omnium Fontem ac Radicem non immeritò  
 appellâssent. Quam supputandi consuetudinem  
 secutus Nicolaus de Cusa Cardinalis ECCLE-  
 SIAE CHRISTI mensuram, siue durationem,  
 XXXIV. Iubileis inclusit: vt de ipso Petrus Bun-  
 gus libro de abditis Numerorum Mysteriis te-  
 statur. Verùm hisce aliquantisper dilatis ad Pri-  
 uilegia Annorum Quiescentium describenda  
 stilum accingemus.

*Esseb. in  
 Chron.*

CA-



## CAPVT V.

*Eius Anni privilegia ampliùs exposita. Locus  
Leuitici difficilis explicatus. Oberati apud  
Persas, Gracos, Romanos malè habiti.  
Solonis. Quenam apud Hebraeos  
seruitus. Anni Septimi & Quinquagesi-  
mi comparatio.*



Privilegia populo Dei electo Anno  
Quinquagesimo concessa, ea par-  
tim Terram ipsam, eiusque fructus;  
partim Homines, eosque variè mi-  
seros aut oppressos respiciebant.

Terræ <sup>Lev. 25.</sup> eadem data quæ Anno Septimo <sup>Lev. 25.</sup>

Sabbatario: ab omni agriculturâ cessatum: quic-  
quid sponte Terra protulisset delibatum leuiter  
aut carptum à seruo, ancillâ, aduenâ, mercena-  
rio; bestiis etiam ac iumentis in cibum data.

Prouidente benignissimo Numine, sicut dixi-  
mus, vt in Mysticâ cessatione Triennalis abun-  
dantiæ fructum tellus inarata proferret. Vineæ

iis annis non putabantur, fruges non meteban-  
tur, oliuæ ad pressuram non legebantur: om-  
nia promiscui ac liberi vsus erant: nihil diuiti-  
bus, nihil auaris Euclionibus, in penum aut

horreum recondebatur. Aureum planè sæ-  
culum renatum diceres, quando, vt fingunt  
Poëtæ,

*Mollia*



\*Add. 1. Met.

*Mollia secura peragebant otia gentes,  
Ipsa quoque immunis, rastroq<sub>3</sub> intacta, nec vllis  
Saucia vomeribus per se dabat omnia tellus:  
Contentiq<sub>3</sub> cibis nullo cogente creatis  
Arbuteos factus, montanaq<sub>3</sub> fraga legebant.*

In hac tamen rerum omnium facultate, diuite-  
que abundantia, difficultatem aliquam mouent  
Diuinæ Scripturæ interpretes, de *Vuis primitia-  
rum*, quas Leuit. xxv. Dominus colligi vetat quasi  
*vindemiam*. Nata ea difficultas ex ambiguitate  
vocis נְזִירְכָה NEZIRECHA, quæ & Nazaraos  
attonfos Domino, & *Separationem* significat:  
Vnde aliis alia huius loci interpretatio placuit.  
Mihi si sententiã proferre cõcessum inter sum-  
mos primi subsellij Senatores, dicerem ἐνσόχως  
interpretatos fuisse illos qui *Vuas separationis*  
reddiderunt. *Separare* enim hîc est priuato vsui  
aliquid in cellam aut penuarium abdere, vel vi-  
no colando referuare: quod Deus tempore ἀνί-  
σεως seuerissimè fieri vetat. LXX. non multum  
abeunt, qui εαφὸλὴν τῆ ἀγιόσματος exponunt, quod  
nimirum fruges tunc Deo sacræ essent, & ton-  
deri falce vetarentur, sicut Nazaraorum comæ,  
propter religionem. Vulgatam lectionem ita  
tuetur D. Hieronymus vt *Vua Primitiarum* sint  
quæ instar Primitiuorum Anno Sanctificatio-  
nis Deo relinquerentur. Iudicet Lector erudi-  
tus; ego meam, citra præiudicium cuiusque, ve-  
recundè sententiã protuli. Erant & hominum  
eo Anno Priuilegia, inprimis Liberorum; sed  
tenuium, & paupertatis ac indigentia, cuius gra-  
uissimum onus vulgò putatur, fasce oppresso-  
rum. His alienum æs remittebatur, mutuum non  
reddi-



redditum dimittebatur, rerumque immobilium alienatæ possessiones gratis restituiebantur. Quæ restitutio quomodo fieret, præter Diuinos Libros, perspicuè ac summatim Iosephus tradidit Lib. III. Antiq. c. x. Verba ponemus ex interpretatione Geleuiana: *Instante IOBELO, quæ vox LIBERTATEM significat, conueniunt venditor agri & emptor, computatisque fructibus, ac expensis in agrum factis, si fructus maiores fuisse compariantur recipit agrum venditor: quòd si expensæ maiores fuerint, hoc quod deest recipiēs emptor possessionem alteri cedit: sin utraque paria fuerint, possessio ad veteres Dominos reuertitur. Idem ius est & in domos quæ in vicis non munitis venduntur: diuersum verò de illis quæ intra opidorum mœnia venduntur. Quod autem hæ non pari iure venirent ea ratio fuit, vt est apud Abulensem, quia per possessiones intra Urbem non fiebat distinctio Tribuum ac familiarum, cùm opida Leuitis assignata essent ad inhabitandum; sed per villaticas mansiones, in quibus agri ac domus suum cuique Tribui discrimen faciebant. Equidem Leuitarum domus, vbicumque sitæ essent, etiam si in Iubileo redemptæ non fuissent, omni tempore redimi ac recuperari poterant: cuius rei rationem Origenes in Homiliâ singulari hac de re scriptâ, & alij multi in caput Leuitici prædictum, reddiderunt. Hinc apparet quanta indulgentiâ ac lenitate populus Iudaicus inuicem vsus sit, è Diuino præcepto, præ cæteris nationibus, apud quas *ἀνθρωποφιλία* durissimè semper habiti leguntur. Apud Persas enim infamiâ, quæ poterat esse maxima, notati: apud Athenienses,*

Perperam  
Cyrillo Ale-  
xand. ascri-  
bitur.

obseruati.

Plutarch. lib.  
de Fon.  
Demosthen.  
passim.



nienses, columnis ad ignominiam perpetuam  
*Agell. lib. 20* ἐν τῇ ἀκροπόλει, hoc est, in *Arce ciuitatis*, inscri-  
 pti: apud Romanos veteres, in nexum aut com-  
 pedes dati, aut (quod horrendum etiam dictu,  
 & cogitatu) legibus *XII. Tabularum* findi à  
 creditoribus, & in partes secari iussi. Et quidem  
 verba ipsa Legis dicam, nequis putet me com-  
 mentitiam fabulam adferre. ea talia sunt apud  
*1614.* Cæcilium I. C. TERTIIS. NUNDINIS. PAR-  
 TEIS: SECANTO. SI. PLVS. MINVSVE. SE-  
 CVERINT. SINE. FRAVDE. ESTO. Illud ergo  
 periculum incurrebatur *Tertiis Nundinis*: *Vinctis*  
*enim debitoribus* (vtidem Cæcilius hanc legem  
 explicat) *ius erat paciscendi: ac nisi pacti forent ha-*  
*bebantur in vinculis dies LX. inter eos dies trinis*  
*nundinis continuis ad Prætozem in Comitium pro-*  
*ducebantur: quantaq; pecunia indicati essent præ-*  
*dicabatur. Tertiis autem Nundinis capite pœnas da-*  
*bant, aut trans Tiberim peregrè venum ibant. Capitis*  
*pœnam intellige; quam dixi, verè horribilem,*  
*metuendam, barbaram, atrocem. Quam legem*  
*etsi mos publicus constanter, teste Quinctiliano,*  
*repudiauit; mirum tamen, immò indignum, in*  
*tam cordatâ R. P. vniquam fuisse promulga-*  
*tam. Eâ verò pœnâ cessante, aut propter eius di-*  
*ritatem in vsum numquam receptâ, vincula ta-*  
*men, nerui, compedes, ergastula in libera etiam*  
*corpora numquam sæuire desierunt. Quod ex*  
*istis M. Manlij apud Liuium verbis apparet:*  
*Acriõris quippe æris alieni stimulos esse, qui non ege-*  
*statem modò, atque ignominiam minentur, sed neruo,*  
*ac vinculo corpus liberum territent. Item è querelâ*  
*istâ coniuratorum apud Sallustium: Deos homi-*  
*nesq;*

*Ab. 6. 1*

*an bello Ca-*  
*nil*



nesq; testamur nos arma cepisse vti corpora nostra  
 ab iniuriâ tuta forent, qui miseri, egentes, violen-  
 tiâ atque crudelitate fœneratorum pleriq; patria, sed  
 omnes famâ atque fortunis expertes sumus. Et quæ  
 ibi alia sequuntur. Rara ergo Nouarum Tabu-  
 larum Romæ priuilegia, raræ æris alieni, raræ  
 fœnebrum vsurarum, in solatium miserorum aut  
 egentium, remissiones. Et si quando, vel Tribu-  
 norum rogatu, vel Principum virorum commi-  
 seratione, tale aliquid parabatur, in ambitus sus-  
 picionem plerumque venerunt; atque ideò ab  
 optimatum & ditiorum factione summis cona-  
 tibus impediti. Non minorem iniuriam ære alic-  
 no implicati apud Athenienses, ante Solonis  
*σεισάχθειον*, patiebantur, teste Laërtio: quorum  
 ipse misertus Septem talenta, ex patrimonij iure  
 sibi debita, primus remisit, cæterosq; ad par-  
 faciendum exemplo suo prouocauit. At in He-  
 braico populo præter illam, quam dixi, *κληροχρῆτων*  
*ἀποκατάστασιν*, corporum quoque libertas, & serui-  
 tutis abolitio anno Iubileo concessa. qui enim  
 vel penuriâ adacti sponte se ad mercedes oppi-  
 gnerauerant, vel qui, contribules cùm essent,  
 ob delictum seruire *in seculum* iussi erant, Liber-  
 tatem eo anno plenissimam consequabantur. In  
*seculum*, inquam, id est in proximum Iubileum,  
 nam vltra id spatium Hebræorum seruitutes ex-  
 tendi non licebat. Erat tamen aliquod Seruo-  
 rum genus qui etiam Anno Sabbatico liberta-  
 tem nanciscebantur: at si quis apud Iudices sese  
 aure perforatâ in seruitutem tradidisset, in se-  
 culum seruiebat: quo expleto, ad tribum quis-  
 que suam, & familiam, ac cognationem redibat.

legem quam  
 debita, aho  
 olebat.

rei familiaris  
 restitutione.

vide iof. 2. 7.

Exod. 21.  
 Lev. 25.  
 Deut. 15.

Mirum



Mirum verò quâ sancienti sœueritate supremus  
 Legislator hoc Mandatum publicârit, additis  
 formulis: METVITO. DEVM. TVVM. &, TI-  
 MEAT. VNVSQVISQVE. DEVM. SVVM. nè sci-  
 licet profanæ crudelitatis exempla secuti fero-  
 ciùs in libera corpora sibi addicta sœuirent. In-  
 signis etiam illa Diuinæ Benignitatis promissio,  
 si quis Mandato huic obediret: *Facite (inquit)  
 precepta mea, & iudicia custodite, & implete ea, vt  
 habitare possitis in terra absque vilo pauore, & gi-  
 gnat vobis humus fructus suos, quibus vescamini vs-  
 que ad saturitatem, nullius impetum reformidantes.*  
 Quæ iudicia Domini quamdiu custodierunt  
 Hebræi, & impleuerunt, *δικαιοπραγῆντες ὡς ἀληθῶς*  
 (vt ait de ipsis Strabo) domi felices, hostibus fo-  
 ris terrori ac venerationi fuere. Vbi verò *in viam  
 Gentium abeuntes* ea contempserunt, ac nauci  
 habuerunt; fame & pestilentia afflicti, dome-  
 sticisq̃ dissidiis attriti, mutuis vulneribus con-  
 ciderunt; aut durissimam apud Allophylos ser-  
 uitudinem seruire coacti. Quæ omnia Præceptum  
 istud *δικαιοσύνης καὶ φιλανθρωπίας μετὸν* violantibus  
 verbo Domini Propheta prænunciârat. Et hæc  
 hæctenus de Priuilegiis Anni Quinquagesimi,  
 qui cum perfectæ Remissionis esset duplici hac  
 re annum Hebdomadicum superabat: Quòd  
 Seruos omnes Hebræos manumitteret, nemine  
 excepto; & possessiones rei amissæ gratis resti-  
 tueret; quod, inter cætera, eruditè à Francisco  
 Riberâ vidimus obseruatum.

verè iustitiâ  
 solentes.

iustitiæ &  
 charitatis  
 plenum.  
 Philo.  
 hebræi. c. 34.

lib. 5. de  
 Templo.



## CAPVT VI.

*Causse instituti Anni IUBILEI. Quare requies agris Annis Sabbaticis concessa. ἡνεσις,  
sive, Intermissio Telluri necessaria.*

**V**id verò Sapiientissimum Numen permouerit vt Annos Sabbaticos, & IUBILEOS populo Iudaico præscriberet, hæ fere causæ à Diuinarum rerum Interpretibus afferri solent. Primaria hæc, vitandæ scilicet confusio Tribuum ac Familiarum, quæ ex alienatione bonorum perpetuâ, aut assiduâ contribulium seruitute, oriri potuisset. Cùm enim, ad confutandam olim eius populi perfidiam, liquidò demonstrari oporteret CHRISTVM, DOMINVM AC DEVM NOSTRVM, verum MESSIAM in lege promissum, de tribu IUDA, è stirpe DAVID, originem habuisse; tam prouidè ac sapienter, Diuino nutu per Mosem cautum videmus, vt vnique matrimonia intra suam tribum essent: portio hereditaria in terrâ Chanaan, diuisione primâ assignata, non nisi temporaneâ venditione abalienaretur: serui non nisi in proximum Iubileum seruire iuberentur, & tunc ad suam Tribum ac cognationem absoluti redirent. Quòd si confusis Familiarum ordinibus, vt alibi fieri videmus, ἀγενεαλόγητος Hebræi remansissent; difficillimum, immò ἀδύνατον negotium fuisset eam Saluatoris nostri γενεαλόγητος

Num. 36.

Genealogiarum ignari.

C

contor



Matth. c. 1.  
Luc. 6. 4.

Matth. 19.  
Marc. 10.

Psalm. 110.  
Prov. 3.

contexere, quam obseruato Temporum ac Successionum ordine in Sacro Euangelio expressam videmus. Altera institutionis huius causa ea esse videtur, quam ipse Dominus Leuit. xxv. capite, & sæpè aliàs, hisce verbis subindicat:  *Nolite affligere contribules vestros, sed timeat vnusquisque Deum suum: quia ego Dominus. Duritia cordis* scilicet in Hebraicâ gente, quam & Prophetæ persæpè, & ipse Prophetarum summus apud Euangelistam meritò eis exprobrat. Nisi enim Diuina Clementia hac ratione oppressis, egenis, seruis, exulibus, captiuis subuenisset; in suâ quisque Tribu ac Familiâ, immò in mediâ promissionis terrâ, & Pharaones & Ægyptiam carnificinam miseri inuenissent. Ad eò gens illa parum conditionis suæ memor, quâ miserissimam vniuersa, apud Ægyptios, seruitutem seruierat, durè nimis ac crudeliter aduenas & contribules suos habuisset. Porro sicut genti vniuersæ, pulcherrimo instituto, leges Modestix ac Clementix imperabantur; ita Diuitum ac Potentioris cuiusque fastus istâ ratione mitigabatur, cum sic intra Iustitix ac Lenitatis terminos cohiberi salubriter possent. Quando enim temporaneæ tantum essent emptiones, quorsum in eo superbirent quod mox dimittendum foret? cum Septimo, & Septies septimo, Anno serere ac metere prohiberentur, à quo alimentum sperarent nisi ab eo qui *dat escam timentibus se, & facit in domo impij egestatem?* cum seruos haberent mox vindicandos, quare in eos sæuirent quos pares sibi & æquales dein essent experturi? Hac igitur Lege latâ fiebat, vt moderata inter  
 supe-



superiores ac tenuiores officia essent : vt opes ac  
 nimix diuitiæ πάντων κακῶν ρίζα, iuxta Apostolum, omnium ma-  
 lorum radix.  
 præciderentur: vt luxus ac fastus, veræ ciuita-  
 tium ac Rerumpublicarum corruptelæ, subtra-  
 ctis fomentis citiùs elanguescerent : denique, vt  
 incōparabilis accepti à Deo beneficij, per quem  
 ab Aegyptiis latomus erepti fuerant, continua  
 ante oculos memoria versaretur. Quòd autem  
 fementem fieri Annis Sabbatariis Leges prohi-  
 berent, id ad conseruandam Telluris fecundita-  
 tem salubriter imperatum, ne importunis agri-  
 colarum laboribus vexata, & assiduis frugum  
 parturitionibus exhausta, generi humano alendo  
 non sufficeret. *Deus enim* (inquit Henricus, Epi-  
 scopus Ruræmondensis) *qui vniuersa hæc condi-* In Quæst.  
de Iubil.  
*dit, quiq; omnia vti propria diligit, non patitur ea*  
*indefessis atque improbis laboribus perpetuò exerce-*  
*ri.* A cuius benignitate ac Indulgentiâ quàm  
 longè dissideant humani mores idem eleganter  
 expressit: *Improbis sanè ministeriorum exactor est*  
*homo: vellet enim ministros habere ferreos aut*  
*aneos: vellet iumenta sine vllâ requie fatigare: vellet*  
*terram omni anno proscindere aratro, & colere:*  
*vellet sidera & solem sibi perpetuò lucere: & quam-*  
*uis ipse tum animi, tum corporis quietem impensè*  
*quærat, optaret tamen res vniuersas sine vllâ quiete*  
*suo ministerio addictissimas habere.* Ergo sicut ho-  
 mines fatigati Sabbato respirabant, ita Terra  
 ipsa Annis Sabbatariis. Iosephus pulchrè id  
 ostendit in Legibus Mosaicis: lib. 3. An.  
 Δι' ἑβδόμης ἔτους ἀπέσπιν  
 δίδασι τῆ γῆ ἀπό τε ἀρότης καὶ φυτείας: ὡσπερ καὶ ἀνθρώποις δι'  
 ἑβδόμης ἡμέρας τὴν ἀπὸ τῶν ἔργων πρῶτον ἀνάπαυσιν.  
 id est: *Septimo quoquo anno remissionem agris de-*  
 dit,



dit, intactoſq; aratro & plantatione eſſe iuſit, quemadmodum iam ante populo ſeptimâ quaque die remiſſionem à laboribus dederat. Quàm verò ea Remiſſio, ſiue ἀνεοις, Telluri ſubinde neceſſaria ſit, omnium ſeculorum experientia docuit. Sicut enim aſſiduis laboribus exhausti homines interpoſitâ ceſſatione vigorem accipiunt, viresq; amiſſas recuperant; ita etiam communis hominum parens, modicâ quiete respirans, τὴν οἰκίαν δύναμιν ἀνακλῶται (ait Philo) μετρί παντελῆς γῶμης, εἰ ἀρχίαι πάλιν τῆς τῶν ὁμοίων γενέσεως τροφῆς ἀφθόνως ἀπάσαις ζῶων ἰδέαις ἀναδίδετα. id eſt: ad antiquum robur virtutemq; reuertitur, ac, veluti priùs, larga ſimilium frugum incrementa omni animantium generi benigniſſimè ſuppeditat. Idem alibi ſcriptor Moſem laudat, quaſi illud premium Telluri conceſſerit vt, pro multiplici foetu ac ſexennali abundantia, quietem ſibi Anni Septimi attributam haberet. Terra quietem etiam Poëtæ agnoſcunt. vt Virgilius I. Georgicâ:

*Alternis idem tonſas ceſſare nouales,  
Et ſegnem patiere ſitu dureſcere campum.*

Et iterum ibidem:

*Sic quoque mutatis requieſcunt foetibus arua,  
Nec nulla interea eſt inarata gratia terra.*

Vbi Seruius Honoratus: Cùm multa dicat [Virgilius] remedia agrorum recreandorum, ante omnia poſuit Intermiſſionem. Tibullus eadem phraſi, ſed planè ad Hebraicum Ritum:

*Luce ſacrâ requieſcat humus, requieſcat arator,  
Et graue ſuſpenſo vomere ceſſet opus.*

Ceſſaſſe verò etiam ab opere Romanos Sacrorum Feriis eruditè, præ cæteris, oſtendit Macrobius

*Lib. quidd  
Manans ſit  
u. corrupt.*

*Lib. 1. l. 1.*



buis Libro I. Saturnal. c. XVI. quem, si opus, studiosus Antiquitatis consulet. Corollarij vice subnectam Hesiodi, antiquissimi Poëtæ, de fortunatâ Heroum sede sententiam, quibus Terram suâ sponte, ter in anno, fructum proferre sic tradidit:

Ολβιοι ήρωες, τοισι μελιδικα κερσων  
Τρις τῷ εἴς θάροντα φέρει ζείδωρο ἄρῆρα.

Lib. I.  
ἐργων ἢ  
ἡμ.

Hoc est:

O fausti Heroes, queis dulcis germina fructus  
Ter, quocumque anno, Tellus fecunda reportat.  
Idemque Vates ferreâ demum ætate ferreos  
homines enatos fingit, qui neque sibi neque  
Telluri parcerent, improbo labori, die ac nocte,  
continuò instantes.

C A P V T V I I.

IUBILEVM CHRONICVM: eo Anni sup-  
putati. Dionysia & Agones Sacri Gra-  
corum; Lustra & Agones Capitolini Ro-  
manorum: Anni Semitâ, & Sabbatici  
Hebraeorum. Seculum Iubileum. γυναῑ He-  
rodici XXV. Annorum.



Vperest altera Hebraici IUBILEI pars, quod CHRONICVM appellauimus ἀπὸ τῷ χρόνῳ, siue à Temporum in Fastis ac Monumentis Publicis distinctione. Quem Ritum apud Hebræos olim obseruatum



docuit me Eusebius Cæsariensis in Chronico, cum ad Annum Orbis conditi ∞. ∞. ita annotavit: *Principium XLI. IVBILEI secundum Hebraeos. IOBEL autem apud eos Quinquagenarius annus vocatur. Itaque iuxta supputationem eorum ab Adam, vsque ad annum presentem, sunt anni ∞. ∞.* Et iterum anno Septimo post mortem Mosis: *Principium LI. IVBILEI secundum Hebraeos.* Vnde perspicuum fit distinguendis Seculis atque Ætatibus IVBILEOS annos, tamquam Solemne maximum, à Iudæis Chronologis adhibitos. Augustinus tamen Torniellus, Annalium Scriptor, parcius, immò vix, huiusmodi IVBILEORVM ætâ vsos putat, siue ex merâ cærimoniarum suarum negligentia, siue aliis de causis quas ad primum annum ingressionis in Terram Chanaan, quartâ Mundi ætate, diffusius explicavit. Rem tamen utilem, ac magno Veteris Historiæ bono & commodo futuram, si eam Tempora supputandi consuetudinem constanter tenuissent. Eorum vicem recentiores Hebræos uti putat Iosephus Scaliger Annis *Semitâ*, qui hodiè in locum Annorum Hebdomadiorum ipsis successerunt. Sicut enim magnâ Hebdomade Anni Iubilei, ita & minutâ Anni Sabbatici in Annis distinguendis vsos vetustiores è Iosepho Historico potissimum colligitur, bella quædam & obsidiones iis annis gesta subinde obseruante. Vtriusque autem Anni Iubilei ac Sabbatici Æram, ab anno primo ingressionis in terram promissam rectius computari, paullo infrâ probabimus: etsi varij variè dissenserint. Equidem ut Hebræorum Chronologi,

Lib. 5. de om.  
Tant.



logi, de Eusebij sententiâ, tempora per IUBI-  
LEOS & SABBATICOS, ita Græcorum per  
DIONYSIA primùm, deinde per OLYMPIA-  
DES ac PYTHIADES, Sacros Agones, distinxere.  
De Dionysiis Suidæ testimoniū est in hac voce:

ἔθος ἦν Ἀθηναίων λέγειν τὰ ἔτη καὶ τὸν ὑπερπεπρωτοῦ ἀριθμὸν  
ἀπὸ τῶν Διονυσίων. Id est: *Moris fuit Atheniensibus,*

*annos & eorum numerum ducere à sacris Dionysia-*

*cis. De sacris Agonibus notius est quàm vt testi-*

*moniis firmari egeat. Hanc consuetudinem, vti*

*multa alia Græcorum, æmulati Romani Vete-*

*res Lustris primùm Censoriis, deinde Agonibus*

*siue Certaminibus Capuolinis seriem Tempo-*

*rum annotârunt. Porro IUBILEI voce Annum*

*etiam Quinquagesimum intelligi, è laudatis Eu-*

*sebij verbis, & qui eum secuti sunt Ioanne Fun-*

*gero, Georgio Crucigero, aliisq̃ue eruditissimis*

*affirmari posse videtur: neque apud Hebræos*

*modò, sed etiam Chaldæos, apud quos, voce*

*paululum mutatâ IOBILHA nominatur. Ne-*

*que Annus modò ipse, sed spatium illud quod*

*Quinquaginta Anni defluentes conficerent, ea-*

*dem voce Hebræis appellatur. Quâ ratione*

*שַׁבָּת SABATH in Diuinis litteris pro Heb-*

*domadæ cuiusque sine, & ipsâ Hebdomadâ*

*sumi peritiores obseruarunt. Inde quod ait Pha-*

*risæus, apud Lucam, iactabundus: *ἡστέρω δις τῆ**

*Σαββάτου; sic accipiendum, vt bis in Hebdo-*

*made se ieiunare gloriatur. Quod etiam est*

*apud Euangelistas, *μία σαββάτων*: sic exponunt,*

*vt primam Hebdomadæ diem intelligant: eam*

*scilicet, quæ festum SABBATI diem consequi-*

*tur. Annus quoque Semitâ, iuxta Scaligerum,*

*non*

*in Etymolog.  
in Harm. &  
Linguarum.*

*ieiuno bis in  
Sabbate.*

*una Sabbe-  
ti.*



non solum annum quemque Septimum recentioribus Hebræis, sed & ἑβδόμενον ἑβδομάδα, siue spatium Septem Annorum integrum rotundumque complectitur: quale spatium etiam SABBATVM ANNALE dictum vetustioribus Franciscus Ribera, in Rebus Sacris Hebræorum, nuper annotauit. Annus autem IUBILEVS, qui quadam ratione σάββατον σαββάτων erat; ἢ ἑβδόμενον ἑβδομάδα, tanquam vniuersi temporis plenitudinem in se continens, optimâ ratione SECVLVM in Diuinis Libris vocatur: nominatum Exodi XXI. cap. his verbis. *Quod si dixerit seruus Diligo Dominum meum, & uxorem ac liberos, non exrediar liber: offerat eum Dominus Dnis, & applicabitur ad ostium, & postes, perforabitq; aures eius subula, ET ERIT EI SERVVS IN SECVLVM.* De quo eius loci sensu ita Isidorus Lib. v. Originum: *SECVLA generationibus consistunt, & inde Secula quod sequantur. Ab euntibus enim aliis alij succedunt. Hunc quidam Quinquagesimum Annum dicunt, quem Hebræi IUBILEVM vocant. Ob hanc causam & ille Hebræus qui propter uxorem & liberos amans Dominum suum aure pertusâ seruitio subiagatus seruire in seculum iubetur, hoc est, vsque ad Annum Quinquagesimum. Vbi quid sit generationibus consistunt non adeo capio, nisi forte quatuor verè intelligantur, siue minora Secula xxv. Annorum, Centenario Seculo Magno comprehensa, iuxta opinionem Herodici Philosophi apud Censorinum; etsi, ex opinione aliorum, (quam & hîc forte Isidorus tangit.) Generatio vnaquæque centum annorum spatium, quod humanæ vitæ lon-*

Lib. 5. c. 1.



longissimum putant, atque certissimum, comprehendat. Vnde & M. Varro doctissimus omnium Togatorum: *Seculum* (inquit) *spatium annorum centum vocarunt, dictum à Sene, quod longissimum spatium senescendorum hominum id putarunt.* Lib. 5. de L. 3. Censorinus ita distinguit vt *Seculum Naturale* sit spatium humanæ vitæ longissimum partu & morte definitum; *Ciuile*, quod Centenario annorum orbe transigitur. Porro vt in *Seculo* definiendo non vna omnibus sententia est, ita neque *Aetatis* aut *Aeui* eadem vbique significatio. Ait enim Iidorus: *Aetas pleraq; dicitur &* ibidem. *pro vno anno, vt in Annalibus; & pro septem, vt hominis; & pro centum, & pro quouis tempore, quod de multis seculis instruitur. Aeuum* etiam pro humanâ vitâ, & longissimo quouis tempore, pro ipsa denique Aeternitate apud omne scriptorum genus indifferenter accipitur, & vsurpatur. Cùm ergo in Mosaica lege Bina IVBILEI secula centenario quoque Annorum gyro clauderentur, duas Legum Tabulas mysticè referentia; meritò CHRISTIANAE FELICITATIS tempore, cùm SACRUM DEI EVANGELIUM quaternis scriptum voluminibus in quatuor orbis partes propagatum est, Quaterna Gratiae ac Remissionis SECVLA singulis redeunt Centenariis, xxv. Annorum spatii definita: quo spatium, ex Herodici sententia, Orbem vnus Aetatis explemus, ac *Natura humana à sementi ad sementem reuertitur.* Verè corrupta nostra Natura Anno Seculari à sementi ad sementem reuertitur cùm relictis veteris nequitiae & impietatis operibus sementem Pœnitentiae concipit: de



Psalm. 125.

Psalm. 50.

Matth. 13.

quâ seminatione Regius Propheta: *Qui seminant in lacrymis, in exultatione metent.* cum pariter Verbi Diuini semen corde contrito & humiliato recipit, vt fructum afferat *sexagesimum ac centesimum*, Deo gratum & acceptum, in labore ac patientiâ: cum denique à sementi odij, iracundiæ, peruicaciæ, vindictæ, ad sementem Pacis, Concordiæ, Benignitatis ac Clementiæ, pessimum etiam quemque, Diuinæ Gratiæ aspirante Fauonio, perduci videmus. Quam verè admirabilem Metamorphôsin olim prædixerunt, *Isaias cap. xxxv. Latabitur deserta, & inuia, & exultabit solitudo, & florebit quasi lilium.* Et iterum: *In cubilibus in quibus prius dracones habitabant, orietur viror calami & iunci.* Et Regius Propheta Psalm. LXIV. *Benedices corona ANNI BENIGNITATIS TVAE, & campi tui replebuntur vbertate. Pinguescent speciosa deserti, & exultatione colles accingentur. Induti sunt arietes ouium, & valles abundabunt frumento.* Valles scilicet per insignem Pœnitentiam & sinceram peccatorum expiationem in conspectu Domini, & Ecclesiæ eius Sanctæ, humiliatæ: ac proinde, Diuinâ superabundante Gratiâ & Indulgentiâ, repletæ. Faxit summus ille Agricola ne in nouitiis agellis veniens inimicus homo superseminet zizania, & sementem Patrisfamilias odiosâ molitione perturbet.

Matth. 13.



## CAPVT VIII.

*IUBILEVM apud Hebraeos quando primò celebratum: item Annus Septimus Remissionis. Vtriusque Epocha inuestigata, & ratio supputandi.*



Hic verò nobis disputandum occurrit (quod magna etiam Ingenia exercuit) de Annis Sabbatico ac Iubileo quando primùm celebrati sint, de què legitimis ac veris eisdem supputandi modis. In quâ re tantus hactenus opinionum *divisio*, tanta sententiarum diuersitas fuit, vt Plautinæ illud Pœnoli iure hîc vsurpare quis possit:

*Hac quidem pol, credo, nisi Sibylla legerit  
Extricare alium arbitror posse neminem.*

Dum enim alij LXX. Interpretum sententiam secuti, alij Hebræam Chronologiam præferre maluerunt; non vnus modò aut alterius Anni, sed multorum sæpè seculorum discrimine à se inuicem dissentiunt. Itaque minutâ & exactâ de Orbis conditi Epochâ disputatione prætermisâ, à quâ incertitudo omnis nascitur; & de quâ nihil certi pronounciari posse viri eruditissimi credunt; illud tantum inquiremus quoto ingressus in Terram Promissionis anno primus Sabbaticus, quoto Iubileus, è Diuina Auctoritate, obseruatus sit. De Mundi ergo Annis in desperato,

*diuisio.*

to,



to, vti multi putant, negotio nihil affirmo; illud tamen pro certo affirmari potest populum Israëliticum, quadraginta annorum curriculo, incertis sedibus vagatum, proluxa terræ Chanaan desideria in deserto, sustinuisse. Quod cum ex variis veracissimæ Scripturæ locis, tum isto sigillatim Num. c. xiv. insigniter comprobatur: *Filij vestri erunt vagi in deserto annis quadraginta, & portabunt fornicationem vestram, donec consumantur cadauera patrum in deserto; iuxta numerum XL. dierum quibus considerastis terram. annus pro die imputabitur.* Huius etiam rei in Diuinâ Scripturâ veritatem, quæ aliis tamen <sup>etiam</sup> testimoniis non eget, ex Annorum vitæ Mosis & Aaron, eius populi Ducum, ratione Augustinus Torniellus in Annalibus Sacris argutè collegit: quem, si libuerit, videbis. Causa tantæ illhæc moræ ea est quam Diuinæ Litteræ passim, & locus è Libro Num. laudatus produnt, inobedientia eius populi ac ingratitude in DEVM commissa: parua etiam fides promissis eius sanctissimis sæpè habita, etsi à summâ Veritate nusquam fallerentur, & à manifesto rerum suarum discrimine, ærumnisque omnibus ac periculis, per continua fere Miracula, liberarentur. Excepto ergo Iosue & Chaleb nemo vltra xx. annos natus, Aegypto profectus, Iordanem transiit: Diuino Numine meritas à contumaci populo exigente pœnas, & horum pietati iusta præmia tribuente. Anno verò vltimo eius Peregrinationis, siue Erroris, in fine mensis vndecimi, quem Hebræi postmodum SEBETH appellârunt; siue, vt aliis traditum, principio insequentis ADAR, MOSES,

DEI

Foris.

ad an. Num.  
di 2583.

Num. 14.  
Ios. 14.

Ios. lib. 4.  
Aniq.  
Deut. 31. 6.  
34.



DEI iussu, in monte Abari è vitâ concessit; ætatis suæ anno CXX. qui fuit Annus Mundi, iuxta Torნიellum, ∞. ∞. ICLXXXIII. iuxta Eulebij & LXX. Interpretum sententiam, ∞. ∞. ∞. ICCCXXX. iuxta alios alius. Insequentis verò anni principio, mensis NISAN die decimâ, (cuius mensis die decimâ & quintâ ab Aegypto olim exierant) populus in terram diu desideratam, transmissis Iordane flumine, primùm intrauit. Quo ipso anno cùm IOSVE F. NVN diuinis arbitriis indicandi ISRAELIS potestatem suscepisset, annisque post aliquot prælia Domini, contra rebelles terræ incolas, feliciter præliatus esset; demum præclaris obtentis victoriis, terraque in ditionem redactâ, ad diuidendam suam cuique Tribui hæreditariam portionem animum adiecit. Itaque quidquid cis Iordanem agrorum fuit Nouem Tribubus & dimidiæ Manasse sorte diuisit: duabus aliis cum reliquo Manasse præteritis, quod ij iam antè à Mose, trans fluuium, assignatas sibi sedes haberent. Porro annus ille κληρονομία, siue, Assignationis, quem ab Exodo XLVI. Scaliger, XLVII. Torნიellus fuisse putant (nam aliorum exerrationes de industriâ præterimus) non is fuit à quo Sabbaticus ac Iubileus Anni computari coepti; sed Annus ab illo proximus, qui primus in Terrâ promissâ ad γεωργίαν, siue, agros excolendos, Israëlitas vocauit. Annus igitur SABBATICVS PRIMVS VII. à primo γεωργίας, VIII. à primo κληρονομίας, LIII. ab Exodo, XIII. ab ingressu in Terram Chananæi fuit. Eadem verò de Anno IUBILEO, (nam eandem Epocham

Iosue c. 4.

Num. 33.

agriculturas,  
diuisionis  
agrorum.

siue



sue Æram habuerunt) est ratio. Inueniendi autem illorum Æram non minima etiam difficultas est: quam alij ab Exodo, vt Lælius Zecchius; quidam à *γιοργία*, vt Scaliger; nonnulli à principatu Iosue, & ascensu in Terram Chanaan, vt Torriellus, Fungerus, & Ribera, deducunt. Mihi, si quid inter tot Lynceos, Cimmeriis veluti in tenebris, palpare permissum: posterior sententia maximè arridear: cui etiam Diuinæ Scripturæ testimonium, velut Ariadnæum filum, accedere videtur. Capite enim illo, toties laudato, Leuitici, Dominus præcipit: *Quando ingressi fueritis terram quam ego dabo vobis, Sabbatizet terra Sabbatum Domini. Clariùs Deuter. c. XXXI. Post septem annos, anno Remissionis, in Solemnitate Tabernaculorum conuenientibus cunctis ex Israel, vt appareant in conspectu Domini Dei tui, in loco quem elegerit Dominus. quibus, & sequentibus verbis, Lektionem illam Solemnem Diuinæ Legis instituit, anno Septimo repetendam: de quâ initio agebamus. quæ verba paucis antè Hebdomadis quàm ingressuri erant in terram Chananæam à Prophetâ sunt dicta. Vt dubitandum non sit quin Anno ipso *τῆς κληρονομίας*, vel, qui ab illo proximus fuit, Primus SABBATICVS sit actus. Atque ita noua terra nouis habitatoribus assignata nouas ferias in ipsâ sui assignatione celebrauit. Insigniter certè in Primo IVBILEO supputando lapsus Fungerus, Etymologici scriptor, qui eundem fuisse putat cum primo Ingressione in regna Chanaan, & quinto principatus Iosue Ducis. Nam vt alterum transeamus, in quo nullum, credo, ad stipulatore*

in voce,  
Iubilum.



latorem habet; alterum sanè concedere ei non possumus, cùm diurnâ luce sit clarius statim à morte Mosi Iosue præesse cœpisse, exequiisque illius peractis induxisse copias in Promissionis Terram, & ad obsidendam Hiericunta, transmissio flumine contendere cœpisse. Quâ ratione Annus ille qui mortem Mosi consecutus (Quadragesimus primus, vti Torniellus putat, ab Exodo) & nouæ Hæreditatis gaudia Israelicis, & eorum Duci auspicia dignitatis attulit. Quarum rerum certitudo præter ea quæ apud Torniellum adferuntur partim ex Diuinarum Litterarum monumentis, partim è Fl. Iosepho sub initium Libri V. Antiquitatum peti potest. Quâ verò ratione Anni Sabbatici ac Iubilei olim putarentur, eruditè ac perspicuè Abulensis docuit; cuius doctrinam Torniellus & Ribera, reiectis aliorum opinionibus, sequuntur. Sic namque numeratos fuisse putat vt alter alterum non contingeret, sed separatim vterque & integrè numeraretur. Sicuti enim Hebdomade vnâ Annali elapsâ incipiebat altera Hebdomas computari; ita absoluto Quinquagesimo quoque anno incipiebant alij Quinquaginta numerari. Atque ita tota temporum ratio apud Hebræos per Septenarios & Quinquagenarios commodè distingui poterat: ita tamen vt semper vterque numerus incorruptus remaneret. Alios supputandi modos diligens Lector apud nominatos Auctores, & de vtroque Anno curiosiora apud Scaligerum F. inueniet. Nos institutæ breuitatis memores, omiſſis Temporum scrupulis, rem ipsam prosequemur.

ad Ann. Mo.  
254.

quæst. 7. in  
25. l. 11.

Lib. 5. de em  
Temp.

CA.



## CAPVT IX.

*De origine CHRISTIANI IUBILEI quaesitum. antiquissimum illud videri, & ab initio nascentis Ecclesiae. Nomen IUBILEI quando assumi coeptum. Vtriusque Iubilei comparatio: Nostri Symbolum in Arcâ Diluuij.*

**V**ENIMUS ad CHRISTIANVM IUBILEVM, de cuius initiis non eadem omnibus sententia est. Quidam enim altius ea repetentes ab ipsis Ecclesiae primordiis ducere non dubitant; alij verò, mediâ quasi viâ incedentes, à LVDORVM SECVLARIVM apud Romanos intermissione, aut CONSTANTINI MAGNI, qui primus eos celebrare contempsit, Imperij temporibus; multi denique, quasi minus antiquum, ultra BONIFACII VIII. tempora non extendunt. Mihi semper ea sententia verior visa, quam nostri temporis Scriptores maximè amplexi sunt, videlicet ab ipso ECCLESIAE CHRISTIANAE principio, in Vrbe Româ, Remissiones aliquas Plenarias indictas & obseruatas fuisse, quales deinde in ius redactas BONIFACIUS VIII. promulgauit, & CLEMENS VI. IUBILEI nomine affecit. Cui sententiae stabiliendae atque firmandae illud adduci potest: olim vti solemnis ad *Apostolorum Limina*,  
singul-



singulis annis, Christianorum peregrinatio fuit, immò Præsulibus Ecclesiæ per Constitutiones Pontificias antiquissimas iniuncta; ita singulis vide Inf. c. 12. regenerationem. Annis Centesimis, ob Seculi *παλιγγενεσίαν*, Solemne aliquod fuisse quod cæteris & peregrinatio-  
 tum multitudine ac numero, & cærimoniarum sanctitate, ac Gratiarum Spiritualium elargitione, celebrius esset atque præstantius. Quemadmodum Romani veteres, præter Statas cuiusque  
 Anni Férias ac Sacrorum cærimonias, **SECVLARE SACRVM** habuerunt quod Centesimo quoque Anno, aut Centesimodecimo (vt aliis placuit) Censorim. Pal lib. 2. Herodian. Zosimus l. 2. aliq. solemniter rediret: in quo omnibus Theatris Ludi exhiberentur, omnibus Templis sacrificaretur, & ad omnia Puluinaria dona ferrentur, ac supplicationes fierent. Quem fortè morem ab impio Deorum cultu ad Veri Numinis, ac sanctissimorum Ecclesiæ Principum venerationem, transferentes Romani Pontifices, vt multa alia auertendæ Idololatriæ, salubriter in Vrbe Româ, stas Centenariis, obseruari præceperunt. Quam opinionem nostram ipsi adedò Romani Pontifices approbârunt, vt IOANNES PICARDVS, cognomento MONACHI, qui doctissimè BONIFACII VIII. de IVBILEO in Gloss. ad c. antiq. constitutionem interpretatus est, ex ipso BONIFACII ore se audiuisse testetur vnâ hanc INDVLGENTIÆ MAXIMÆ, more maiorum, Centesimo quoque anno promulgandæ rationem animum eius permouisse. Quin ipsemet BONIFACIUS in suæ Constitutionis initio satis vetustatem huius rei innuit, cùm *Antiquorum habere fidam relationem*, inquit, quòd accedentibus

D AD



AD HONORABLEM BASILICAM PRINCIPIS APOSTOLORVM DE VRBE concessæ sint magnæ Indulgentiæ & Remissiones peccatorum. ALBERICVS etiam ROSATENSIS, & ANANTIAS, antiqui iuris Pontificij Interpretes, INDVLTIAS, quales BONIFACIVS VIII. publicauerat, antiquissimis temporibus in Ecclesiâ receptas fuisse testantur: earumque rerum vetustissima Diplomata vidisse se Romæ cum illam Anno seculari ∞. CCC. L. inuiseret, ROSATENSIS scriptum reliquit. BAPTISTES insuper PLATINA, in vitâ eiusdem Pontificis, sic loquitur: *IVBILEVM quoque idem retulit Anno Millesimo trecentesimo, quo plenam delictorum omnium remissionem his præstabat qui Limina Apostolorum visitassent.* quo genere loquendi satis ostendit instituisse eum tantum Indulgentiam illam, non verò instituisse aut primum in vsum Ecclesiæ induxisse. *Referimus enim quæ iam ante nos in vfu fuerunt.* Quâ loquendi ratione vsus etiam Censorinus de *LVDIS SECVLARIBVS*, longè ante sua tempora seruatis: *Temporum, inquit, interualla quibus Ludi isti debeant referri non modo quanta fuerint retrò ignoratur; sed ne quanta quidem esse debeant scitur.* Iuxta BONIFACII testimonium (quod sanè *ἀξιόπιστον* est; primus enim *IVBILEI* Formulam Decretis addidit, eumque *eruditissimum* fuisse temporum ipsius Annales testantur) aliud quoque fide dignissimum est CLEMENTIS VIII. Pontif. verè OPT. MAX. qui in suo Diplomate *SECVLARIS IVBILEI*, ritum hunc ab initio nascentis Ecclesiæ originem duxisse asseuerat, quo accedentibus ad Basilicam Principis

in Diction.  
verbo,  
Iubileus.

fide dignum.



pis Apostolorum Priuilegia, ac Remissiones criminum vberiores, concederentur. De quo Ritu nos ipsi in processu huius Commentarij paullo diffusius quædam exsequemur. Ad fertæ à nobis sententiæ veritatem luculento exemplo etiam firmat MARTINVS NAVARRVS I. C. nobilissimus è IACOBO CARDINALE, vetusto item scriptore. Narrat enim Anno Seculari 800. CCC. ingentem multitudinem ex longinquis & diuersis regionibus confluisse in Urbem Romanam, ad sacram B. PETRI Basilicam visitandam: cuius rei causam afferebant Centesimi anni tempus, quo omnium culparum sordes abluerentur. & tunc prouectæ ætatis hominem fuisse qui recordaretur Patrem suum superiore Seculo in Urbem ad hoc solemne venisse: à quo etiam admonitus fuerat vt, si ad futuri Centesimi tempus perueniret, paterno exemplo commotus peregrinationem eam susciperet, tantique beneficij particeps fieri satageret. Addit ex eodem Nauarrus, *multos tum ex Gallis, tum ex Italis, superstites fuisse qui eandem rem meminissent.* Laudabilem senex ille pietatem, si Gallus fuit, haurire potuit à sanctissimo Francorum Rege D. LVDOVICO, qui pariter ex hac viâ celsurus, inter alia præcepta quæ Filio Heredi reliquit, hoc quoque adiunxit, auctore Gaufrido, vt Indulgentias, à Sede Apostolicâ concessas, semper expeteret studiosè. Quare non iniuriâ *ἡρεσιολόγων* quorundam commenta, & ipsius POLYDORI VERGILII (si modò ipsius est; nam Germanus quidam Polymnestor eius famam trucidauit.) *ἀπιστίας* reuicimus, qui non modò

Notab. i. de  
Iub. m. 10.

Hæreticos  
designo.

inconfide-  
rantiam.



IVBILEI STATI BONIFACIVM auctorem, sed INDVLGENTIARIi Ritus inuentorem, asserere non erubescunt. Enimuerò etsi res ipsa apud Orthodoxos antiquissima est, IVBILEI tamen nomen seriùs receptum, neque ante tempora CLEMENTIS VI. Pont. qui Annum Quinquagesimum sacrauit, vsurpatum legimus. Exemplum scilicet imitato Pontifice Anni Remissionis & Gratiae apud Hebraeos, qui Christiani IVBILEI *typum* aliquem gessisse videtur. nisi rectiùs *similitudinem* dicere conueniat; cum Typus Veteris IVBILEI in die Quinquagesimo PENTECOSTES à sacrâ DOMINI Resurrectione expletus sit: vt à doctissimo NAVARRO eruditè obseruatum in Commentario de Anno Iubileo. Fatendum tamen, cum eodem Nauarro atque aliis, non parum similitudinis inter vtrumque IVBILEVM reperiri. Quemadmodum enim in HEBRAEO terra à culturâ cessabat, & gratâ laboris intermissione fruebatur; ita ab omnibus orbis Terræ partibus in Urbem concurritur, vt ibi Christiani veram animorum quietem, à lassitudine viæ iniquitatis inueniant. Et quemadmodum in illo Æs alienum remittebatur, nexi & compediti soluebantur; ita nunc vincula criminum dirumpuntur, & chirographum decreti, contrarium nobis, per merita crucis CHRISTI, ac Sanctorum, in Asylo Romano deletur. Et sicuti exules Anno Sacro ad natalem terram ac familiam redibant, agrique veteribus possessoribus reddebantur; ita quisquis, filij prodigi instar, longè à paternâ domo profectus substantiam omnem absumpserit, in gratiam recipitur; stolâ

e. Virginitas  
de Pan. &  
Rem.

Nov. 4. 10. 1.  
et 2.

Sap. 7.

Psalm. 119.  
Col. 2.

Luc. 15.



stolâ nouâ Innocentiæ induitur; Vitulo saginato  
 S. SYNAXEOS reficitur; & in adoptionem Fi- Rom. 8.  
 liorum Dei, vnde exciderat; cælestisq̄ue Paradi-  
 si portionem Hereditariam restituitur. Meritò  
 ergo ANNUS IUBILEVS noster PLACABILIS DOMINO  
 vocabitur, in quo *Vnctus ille Domini, & San-*  
*ctus Sanctorum*, per Vicarium suum Romanum  
 Pontificem, toto orbe terrarum prædicat *Medi-* Isaie 61.  
*cinam contritis corde, captiuis indulgentiam, & clau-*  
*sis apertionem*: Meritò ob easdem causas Annus  
 LIBERTATIS, & REMISSIONIS: Meritò Annus  
 GERMINANS, ac FRUCTIVOSVS, in tam vbere Priui-  
 legiorū ac Gratiaē prouectu: Meritò deniq; Annus  
 SANCTIFICATIONIS dicitur, in quo per saluta-  
 rem Metanoëam, ac eximiaē Pietatis & charitatis  
 opera, mundati à sceleribus Christiani sancti  
 Deo suo, & accepti Sanctorum communioni  
 redduntur. Fortunati huius Anni Symbolum  
 præclarissimum inuenio in Noëi Arcâ, quæ  
 CCC. cubitos Longitudinis, L. latitudinis, xxx.  
 altitudinis habuisse memoratur. in quâ nume-  
 rus Quinquagenarius Sacræ Libertatis myste-  
 rium; Latitudo verò, cui dicatus est, *dilatatio-* Psal. 118.  
*nem cordis* apud gaudentes Christianos, siue  
*dilatanda charitatis spatia* Anno Iubileo, arcanâ D. August.  
 quadam ratione, significat. Porrò Noëi Ar-  
 cam Ecclesiæ Catholicæ Typum gessisse, extra  
 quam regnante Diluuiò nulla reperitur salus,  
 certissima Patrum auctoritas est. Nauarchus  
 illius Noëus, siue Noë, qui & fabricator, Diui- Gen. 7.  
 nis imperiis fuit, OCTAVVS, & PRÆCO IUSTITIÆ,  
 & QUIES dictus, septem sibi animabus electæ 2. Petr. 3.  
 familiæ adiunctis. An non hodie alium N O E Philolib. de  
Abrahama.



inuenisse videntur Christiani OCTAVVM VRBA-  
 NVM, PRÆCONEM IUSTITIÆ, PRÆCONEM & GRA-  
 TIÆ, Navi Ecclesiæ feliciter præfidentem: hoc  
 est, Arcæ illi Sanctissimæ præfectum, in quâ  
 septem animæ, siue vniuersus credentium Nu-  
 merus, Septenario τὸ ὀκτώηχος indice compre-  
 hensus, QUIETEM inueniunt, & in medijs tur-  
 bulenti maris fluctibus ad Portum Salutis tutò  
 diriguntur? Inuenerunt certè, eamque FELICI-  
 TATEM temporibus suis imputent, Diuinæ  
 Clementiæ gratulari quæ talem in communi  
 necessitate Orbi Patronum, Ecclesiæ suæ Præ-  
 fidem prouidit, qui non modò in fluctibus re-  
 gere, sed & ipsos componere, pacalemque oli-  
 uæ ramum extincto bellorum cataclysmo (quod  
 vouemus, & speramus) portendere possit. Cu-  
 ius Voti ἐὸς ἔρχεται versiculis nostris, veluti spon-  
 soribus, absoluam:

Vniuersitatis  
 Felix præsa-  
 gium.

Hoc Duce, qua nostri superabant crimina facti,  
 Dissugient terris: positis iam mitior armis  
 Agnoscet Latios felix Germania fascis,  
 Casareaq; aquilas: iam duri bella Batani  
 Odisse incipient: toto Furor impius orbe  
 Cedet, & ætheris viset Pax aurea regnis.

CA-



## CAPVT X.

*INDVLGENTIAE nomen Latio familia-  
re . quo hodie sensu Christianis vsurpa-  
tum . De Satisfactione, Igne Purgatorio,  
Thesauro Ecclesie , Clauium Potestate  
quedam è doctrinâ Orthodoxorum pro-  
lata.*



VM IUBILEI & INDVLGENTIARVM eadem origo sit, neque alio quàm istarum nomine olim censeren- tur, vulgoque à Scriptoribus com- munitè explicari soleant; ope- rapretium fortasse erit si, de INDVL- GENTIARVM ac REMISSIONVM apud Orthodo- xos Auctoritate, & Antiquitate, pauca in me- dium attulero. Pauca, inquam, vt in re iam sæ- piùs actâ, & à viris Magnis, Sectariorum an- tagonistis, minutissimè solidissimeque disputa- tâ. INDVLGENTIÆ nomen ( nequis sciolus aut morosus, vt barbarum & ineptum, hoc sensu, aspernetur) ab Imperatoribus ac veteribus I. C. ita vsurpatum est, vt Remissionem quamdam *κρηθολικὴν* criminum, publicæ ferè lætitiæ causâ concessam, propriè ac solemniter significaret. Vnde Titulus est in Codice Theodosiano *de Indulgentiis criminum*, in quo nominatim Lege tertiâ, vt obseruat Bellarminus, Remissio quoad pœnam Legibus debitam INDVLGENTIA voca- tur.

*l. Luc. ff. ad  
S. C. Turpil.  
c. l. Indulg.  
C. de gen.  
abol.  
generalis.*

*l. de Indulg. )  
c. 1.*



Sub Golt. in  
Thef. Anf.

ibid. c. 8.

tur. Eas condonationes **INDVLGENTIAS** etiam-  
 vocat Ammianus Marcellinus Lib. xvi. & Opta-  
 tus Mileuitanus Lib. ii. aduersus Parmen. his  
 verbis: *Tempeſtas perſecutionis peracta eſt, & deſi-  
 nita eſt, iubente Deo, Indulgentiam mittente Ma-  
 xentio.* Quare Imperatores qui huiusmodi re-  
 rum liberales eſſent, ſcribentium adulatione,  
**INDVLGENTIſſIMI PRINCIPES**, in Veteribus Mo-  
 nimentis quandoque nominantur. Hanc igitur  
 vocem mutuati inde Theologi, & I. C<sup>ſ</sup>. noſtri,  
**INDVLGENTIAM** vocauerunt, *Pœna temporanea Deo  
 ob peccata noſtra debita, extra Sacramentum Pœni-  
 tentiæ, factam relaxationem: ſic tamen vt Diuina  
 Juſtitia per applicationem Meritorum, quæ The-  
 ſauro Eccleſiæ continentur, ſatiſſiat.* Quæ deſi-  
 nitiõ eſt per ſe ſatis clara ſit, vt pote à magno illo  
 Eccleſiæ lumine Cardinale Bellarmino ferè  
 mutuata; clarior tamen fiet ſi naturam ipſius  
**SATIſFACTIONIS**, vnde rei Indulgentiariæ maxi-  
 mè pendet explicatio, breuiter expoſuerimus.  
 Duo omninò Mala eſſe fatentur Theologi quæ  
 è peccato originem ſuam ducant: hoc Maculæ,  
 ſiue *Culpæ*, illud Supplicij, vel *Pœnæ*, ipſorum  
 Scholæ appellant. In confeſſione quidem deli-  
 ctorum coram Sacerdote, Chriſti Vicario, le-  
 gitimè factâ à Maculâ, vel Culpâ, Chriſtiani  
 expurgantur; eademque operâ à pœnâ æternâ,  
 cui fortè erant obnoxij, liberantur; euenit tamen  
 ſæpiſſimè vt remiſſâ culpâ, & æterni ignis puni-  
 tione ſublata, Pœna quædam temporanea Deo  
 ſoluenda permaneat, ad quam opus ſit Satiſfa-  
 ctionis adiumento. Quæ niſi fiat in mortali hac  
 vitâ ſiue per nos, ſiue per Eccleſiam noſtro no-  
 mine;



mine; Ignis purgatorij supplicio, in alterâ, neces-  
 sariò eluenda. Et in hac quidem vitâ, in quâ  
*Tempus acceptabile est, & dies salutis*, parvâ sæpè 2. Cor. 6.  
 operâ Pœnitentiæ impensâ, Sacrificie Remissio-  
 nibus in subsidium assumptis, magnos cruciatus  
 euadimus; in alterâ verò, quæ *nouissimum qua-* Matth. 8.  
*drantem* exigit, magnis cruciatibus parua lue-  
 mus peccata, & ab iniquitatis, etiam minimæ,  
 scoriâ ad purum purgabimur, & excoquemur.  
 Quare terribiles istos Prophetarum locos in  
 eum sensum adducit Magnus Augustinus, Lib. 20. de Civ.  
c. 25.  
 Isaiaë IV. *Abluet Dominus sordes filiarum Sion, &*  
*sanguinem Ierusalem lauabit de medio eius, in spiri-*  
*tu iudicij, & in spiritu ardoris.* Malachiaë III. *Ip-*  
*se quasi ignis constans, & emundans argentum, &*  
*purgabit filios Leui, & colabit eos quasi aurum & ar-*  
*gentum.* Idè fortissimus CHRISTI testis D.  
 Cyprianus, felices eos existimabat qui acerbis-  
 simi etiam Martyrij pœnis toleratis, ignem il-  
 lum expiatorium euaderent: ac si aliquis obo-  
 lo vno numerato talentorum aliquot impensam  
 redimeret. Verba ipsius sunt è Libr. IV. Episto-  
 larum: *Aliud est longo dolore pro peccatis cruciatum*  
*emundari, & purgari diu igne; aliud peccata omnia*  
*passione purgasse.* Ignis certè illius pœnam omni-  
 bus pœnis ac suppliciis, quæ in hac vitâ tolerari  
 possint, longè grauiorem esse, atque acerbio-  
 rem, ex Veteri Ecclesiæ Traditione, & SS. Cypria-  
 no, Augustino, Gregorio, Hilario Arelatensi,  
 V. Bedâ, aliisque Ecclesiasticis Scriptoribus,  
 Theologi nostri adfirmant. Quamobrem nihil  
 mirandum si tormenti huius acerbitatem leniri  
 sibi petat Prudentius, pius & eruditus Pœta.



At mihi Tartarei satis est si nulla ministri  
 Occurrat facies, auida nec flamma gehenna  
 Deuoret hanc animam,mersam fornacibus imis;  
 Esto cauernoso, quia sic pro labe necesse est  
 Corporeâ, tristis me sorbeat ignis Auerno:  
 Saltem mitificos incendia lenta vapores  
 Exhalem, astuq; calor languente tepescat.  
 Lux immensa alios, & tempora vincla coronis  
 Glorificent; me pœna leuis clementer adurat.

lib. 4. de  
 Conf.

Seuerinus quoque Boëtius (quod nescio an ha-  
 ctenus obseruatum sit) verbis Diuinæ Philoso-  
 phiæ, magna animarum supplicia post defunctum  
 morte corpus relinqui asserit, quarum aliæ pœnali  
 acerbitate, aliæ purgatoriâ clementiâ exerceantur.  
 Vbi duo notabilia àrtibetæ consideranda sunt,  
 Magna supplicia, & Purgatoria clementia. Suppli-  
 ciorum enim magnitudo ea est in Igne, quam  
 diximus; clementia verò Dei etiam illhic, quod  
 animæ illæ consumptæ non sint, absque vllâ spe, nec  
 æternis ignibus, prout fortè meruerant, deputa-  
 tæ. Rideant hæc & subsannent substrictâ nare  
 doxnoiooqoi quidam, & argutuli (vt sibi videntur)  
 Sectarij nostri æui quasi anile delirium, aut  
 somnij interpretamenta, vel fabellam aliquam  
 (vti ludere ipsis libet) è Platonicis sublellis cõ-  
 fictam; illi, inquam,

in speciem  
 sapientes.

— qui stultitiam nauseant,

Et, vt putentur sapere, cælum vituperant.

Rideant verò miseri, subsannent, vituperent;  
 ego cum vniuersâ Ecclesiâ, quæ hanc doctri-  
 nam constanter semper tenuit, & cum talibus vi-  
 ris, bonisque omnibus, anilitatis, vel, si quid de-  
 terius est, accusari ab ipsis malo, quàm inter

Thale-



Thaletes eorum aut Solones fatuæ Sapientiæ nomine cenſeri. At ſi quis fortè ex iſto numero, Dei miſeratione, reſipſcens, & ad ſe rediens, pharmaca quæreret peſtiferæ opinioni amouendæ; is ea videat quæ è S. Scripturæ libris, Veterum Conciliorum ac Patrum auctoritate, de *Purgatorij Ignis ſupplicio*, Franciſcus Turrianus Libr. pro Canonib. Apoſtolor. iv. Boëtius Epo in Appendice Syntagmatis de Indulgentiis, Ioannes Garetius in Aſſertione ſuâ, Cardinalis Bellarminus in Controuerſiis, Gregorius Valentinia in locis Theologicis, & alij quamplurimi ſcriptores Orthodoxi tradiderunt. Huic ſupplicio euitando, vel emolliendo, *τὴν ἰγνώμοιαν* re-  
 medium ab Eccleſiâ Sanctâ proponitur: cuius præcipua opera illud Raphaelis Archangeli dictum in Hiſtoriâ Tobię complectitur: *Bona eſt Oratio, cum Ieiunio, & Eleemoſynâ*. Sicut enim auium corpora duarum remigio alarum librantur, ac ſuſum tendunt; ita Oratio, quæ inſtar Aquilæ, volucrum Reginæ, altiſſima petit, ac *eleuatio mentis in Deum eſt*, felicius ſubuolat ſi  
 duabus illis alis appoſitis ſuſtentetur, & à terrâ eleuetur. At verò cum, è vulgato Iuriſconſultorum pronun-  
 ciato, *Pœna debeat reſpondere delicto*; ſit ſæpenumerò vt grauiſſimis peccatis admiſſis vix leuiter Deo offenſo ſatiſſiat: ſiue id animi ſocordia impediatur, ſeu corporis imbecillitas, aut vitæ huiuſcè breuitas animi promptitudinem interrumpant. Manet ergo obærata Deo anima, & quamuis ob Sacramenti Pœnitentiæ virtutem æternas pœnas euadat; cæleſti tamen Gloriæ, propter adhærentem ſibi labem, adhuc  
 tranſcribi

Satisfactio-  
nis.

Bona cap. 12.

Damasc. lib. 2.  
Orth. fid. c. 14



transscribi non potest. Quorsum igitur fugiendum in tanto periculo, cuiusue tunc auxilium, aut subsidium, implorandum? MATRIS scilicet BENIGNISSIMÆ, ECCLESIAE ROMANÆ CATHOLICÆ, quæ, Filiorum inopiam aut imbecillitatem miserata, ipsa pro Filiis satisfacit, impensis incomparabilis illius Thesauri diuitiis, quem ex Sanguine Redemptoris, Deiparæ Virginis, Iustorumque omnium Meritis collectum, velut Sanctius quoddam *Aerarium*, aut *κλήροσ κληροτόν* possidet, in publicâ necessitate per Supremum Sacerdotem liberaliter dispensandum. De quo verè pretioso Thesaurò GREGORII XIII. PONT.

In Diplom.  
Anni 1575.  
Subil.

MAX. *ἢ παραγίτῃ* verba pretiosa proponam: Dominus (inquit) ac Redemptor noster IESVS CHRISTVS, qui pro ineffabili charitate suâ serui formam accipiens, acerbissimam Crucis mortem subire dignatus est, vt Deo Patri genus humanum reconciliaret, atque in sortem hereditatis æternæ vocaret; volens nostrâ plenius succurrere imbecillitati, & donum hoc pretiosissimo ipsius SANGVINE copiosius communicare; ne lapsis, post Regenerationis lauacrum, opportunum eiusdem Diuinæ Misericordiæ deesset subsidium; B. PETRO Apostolorum Principi, eiusque deinceps successoribus, suis in terris Vicarijs, sanctæ CATHOLICÆ ROMANÆ præpositis ECCLESIAE (quæ CÆTERARVM OMNIVM CAPVT, MATER, ET MAGISTRA est) potestatem dimittendi peccata plenissimam reliquit: ac THESAURÒ præterea immenso Meritorum eiusdem Passionis, cui etiam Gloriosissima semper Virginis MARIE, omniumque Sanctorum Merita accedunt, idcirco ditauit Ecclesiam, Sponsam suam: eumque prædictis B. PETRO,

TRO,



TRO, & successoribus dispensandum commisit, ut ex eo ceteri Fideles pro temporalibus pœnis, ex remissis culpis sapius remanentibus, ad satisfaciendum adiuti, ad percipiendos cœlestis Gratia fructus expeditiores redderetur. Quæ ideò liberaliùs adscripsimus quòd doctrinam de Ecclesiæ Thesauro, immensis aliorum voluminibus clausam, breuiter ac eleganter aperiant: pondus etiam habeant ab illo prolata, cuius labia custodierunt scientiam, & Malach. 2. è cuius ore, tamquam Sacerdotum Sacerdotis, ac Diuinarum rerum interpretis summi, Legem meritò requirimus. Enimuerò Thesaurum illum *immensum*, ut eum GREGORIUS appellat; *inconsumptibilem* (sicuti à CLEMENTE VI. in Cō- Extra. Vni- gen. de Pap. & Rem. stitutione illâ pulcherrimâ vocatur) solus ROMANVS PONTIFEX, tamquam DEI IN TERRIS VICARIUS, AC LEGITIMVS PETRI SVCCESOR, dispensandum, fidelibusque per Ecclesiæ Sacramenta dispertiendum; solus Ligandi atque Soluendi Potestatem primariam, clauisque regni cœlestis accepit. Quam Potestatem et si nullo non tempore Põtificalis Dignitas in cœtu Fidelium exerceat, Anno tamen illo plenæ Remissionis, ac solidæ Libertatis, Anno, inquam SACRO IUBILEO conscientiarum vincula liberalissimè soluuntur, omnisque Fons gratiarum ac cœlestium charismatum largissimè aperitur. Solis tamen credentibus aperitur; dicente oraculo illo Byzantino: PETRVS à FILIO, Chryl. in Act. Apost. *super omnes qui FILII sunt, potestatem accepit, non ut Moses in gente vnâ, sed in vniuerso terrarum orbe, istis FILII verbis: PASCE OVES MEAS. Cui Magni Augustini testimonium adiungam ex Orbe nostro* Serm. de SS. Apost.

Occi-



Occidentali: Quis plebeium Piscatorem [de PETRO loquitur] facile crederet Principem Regibus obsistere, Reges sanctificare, Regnis omnibus imperare, Mundum franare legibus, Dæmones calcare sub pedibus, iubere virtutibus, calum hominibus aperire cum veller, claudere cum placeret: immortale regnum conuersis donare, negare peruersis: merita Mundi cognoscere, culpas & crimina hominibus relaxare! O inestimabilis, o immensa potestas! hominem in terrâ positum tenere calum! ecce ad nutum PETRI Diuini Verbi claustra patefcunt. accepit enim claves regni calorum à CHRISTO vt, solutis vinculis delictorum, aperiret credentibus cælum. Age igitur quisquis pius, quisquis Orthodoxus, qui cathedra Petri communionem sociaris, inestimabili hoc bono fruiere, Deo gratus esto. Tu verò quem, veteri & inextricabili nexu, vel criminum compedes obstrictum tenent, vel impietatis aut Hæreseon laquei præfocant, & strangulant; excute iniquitatis iugum, & ad *arbitrium* Romanam confugiens, Diuinâ si fortè miseratione liberatus, iubilum illud Dauidicum incine: *Anima nostra sicut passer erepta est, de laqueo venantium. Laqueus contritus est, & nos liberati sumus. Adiutorium nostrum in nomine Domini, qui fecit calum & terram. Adiuua, o Magne Deus, cæli & terræ formator, cordium reformator; ac Votum hoc miseris istis prospera & fortuna.*

Hieronym. ad  
Dam.

immunitatem.

Psalm. 115.

C A-



## CAPVT XI.

*Antiquitas INDVLGENTIARVM ac REMISSIONVM amplius adfertur. Discrimen inter has non rectè positum. Martyrum Libelli Lapsis dati. Quid fuerit Pacem exorare ab Ecclesiâ. INDVLGENTIAE olim variè appellatae. STATIONES GREGORIANAE, sed GREGORIO fortè antiquiores.*

**I**NDVLGENTIARVM vsus, quem Sectarij ferè omnes nostri æui, vt nouitium & nuper natum commentum, explodunt, iam ab ipsis Ecclesiæ incunabulis constanter in eâ viguisse ex probatis S. Scripturæ testimonijs, & Sacris Maiorum Traditionibus, constat. Nam (vt ea prætermittam, quæ ex Veteris etiam Testamenti Libris, & Historiâ Euangelicâ, isthuc spectantia afferuntur) de Corinthio incestuoso apertum D. Paulli testimonium est, cui Indulgentiam ipsius delicti, citra plenam tamen satisfactionem, meritis suis & Ecclesiæ ei applicatis, misericorditer concessisse declarat. Verba Apolloli sunt hæc: *Cui autem aliquid donastis, & ego: nam ego, quod donavi, si quid donavi, propter vos, in personâ Christi, vt non circumueniamur à satanâ.* Atque hanc esse Doctoris  
gen-

1. cor. 5.



gentium in isto loco sententiam Primasius, Theodoretus, D. Thomas Aquinas, & Orthodoxi quamplurimi affirmant. quorum vestigiis <sup>2. de Ind. c. 3.</sup> insistens doctissimus Bellarminus, nihil ait eorum quæ ad Indulgentiam consequendam à Theologis desiderantur, in poenitente Corinthio, defuisse: quæ qualia sint commodè apud ipsum videbuntur. Neque isti tantum aliquid indultum ab Apostolo, sed & plurimis aliis similem Remissionem factam subindicant illa in <sup>2. col. 4.</sup> Epistolâ ad Colossenses: *Qui nunc gaudeo in passionibus pro vobis, & adimpleo ea quæ desunt passionum Christi in carne meâ, pro corpore eius, quod est Ecclesia.* Quem locum, etsi paulò obscuriorem, sic illustrant Theologi, vt nonnullis qui apud Colossenses, siue alibi, in corpore Christi Mystico, quod est Ecclesia, positi nondum plenè pro peccatis suis Deum per Poenitentiae opera placâssent, aliquid de poenarum suarum meritis Apostolus adiecisse se dicat, modo, quem vocant, *supererogationis*; ea quæ desunt passionum Christi, id est, corporis Christi, siue quorundam eius corporis membrorum, supplens ipse Passionum suarum vinculis, ac Martyrio pro Christi nomine & honore tolerato. Neque aliam huius loci interpretationem edidit vir doctissimus ac religiosissimus Antuerpiensium Antistes Ioannes Malderus, in libello *Orthodoxæ Institutionis*, quem Typis Plantinianis, linguâ Belgicâ, nuperrimè euulgavit: eumque vel vnicum Paullinum locum comprobando Indulgentiarum Thesauro in Ecclesiâ sufficere, olim etiam putavit V. C. Boëtius Epo Antecessor

<sup>Synt. de Indulg.</sup>

tecessor



tecessor Academiæ Regiæ Duacenæ. Quâ in re magis audiendum eum puto quàm in discrimine illo quod inter *Indulgentiam* ac *Remissionem* posuit, ingeniosè magis fortalsè ac subtiliter, quàm verè: cùm sacri nostri DD. ἀδιαφόρως vtraque voce vtantur, & nihil inter hæc interesse à doctissimo Nauarro etiam demonstratum sit: solâ differentiâ, quâ Genus à Specie differre solet, exceptâ. Post Apostolorum tempora Tertullianus, qui proximè ea attigit, Martyres suo æuo Lapsis Indulgentiam elargiri consueuisse, suppletes instar Paulli, quod deerat *Passionum corporis Christi*, in passione suâ, hisce verbis affirmat: *Pax vestra* [Martyres] *bellum est illi* [Diabolo scilicet] *Quam pacem quidam in Ecclesiâ non habentes à Martyribus in carcere exorare consueverunt.* quo in loco *Pacem exorare* nihil aliud est, teste Pamelio, ac Rhenano, quàm *postulare recipi in ius communionis*, vnde metu persecutionum infirmi & instabiles quidam exciderant; simulque veniam sui delicti, per Martyrum preces ac merita, impetratam vouere. Solebant autem Episcopi, Martyrum rogatu impulsî, quem Libello deprecatorio exponebant, cum istiusmodi hominibus mitiùs & indulgentiùs agere, totamque iniunctam Pœnitentiam, aut magnam eius partem, ab humeris eorum auferre: quod è D. Cypriani Martyris & Episcopi sanctissimi Epistolis passim apparet. Quâ in re cùm Martyres facilè se exorari paterentur, atque hinc disciplinæ Ecclesiasticæ seueritas collabi videretur, his verbis suauiter ab eodem Cypriano admoniti sunt, ac cautiores effecti: *Ideo peto vt eos, quos*

indifferenter.

Comm. de Iub  
Nor. 2.Lib. ad Mart.  
c. 1.Lib. 3. ep. 15.  
c. 17. lib. 5.  
ep. 4. c. alibi.

E ipsi



ipsi videtis, & nostis, quorum Pœnitentiam Satisfac-  
 tioni proximam conspiciatis, designetis nominatim li-  
 bello, & sic ad nos fidei ac disciplinae congruentes lit-  
 teras dirigatis. Duo scilicet caueri à Martyribus  
 præcipiens, ne ignotos sibi commendarent, aut  
 non satis perspectos; tum ne pœnarum suarum  
 merita quibusuis tribuendo eos, quò minus pro  
 seipsis aliquatenus satisfacerent, securos nimium  
 redderent, ac in Pœnitentiæ opere negligentes.  
 Petebant autem præcipuè Martyres pro Lapsis  
 (sic appellabant eos qui minus in Fidei Profes-  
 sione Persecutionum tempore constantes fue-  
 rant) quòd eorum erat, teste D. Cypriano, gra-  
 uissimum & extremum delictum; atque ideò non  
 nisi maximis meritis, ac iustitiæ operibus, qua-  
 lia apud Martyres erant, delendum ac condo-  
 nandum. Pacem ergo istam, per Libellos Mar-  
 tyrum impetratam, ad vsum Indulgentiarum  
 iam tum in Ecclesiâ receptum pertinuisse, is  
 quem nominavi, Pamelius, cum Bellarmino,  
 Maldero, atque aliis constanter tradunt. Hoc  
 etiam ampliùs à Bellarmino adiungitur: Episco-  
 pos dare solitos Indulgentiam ad preces Martyrum  
 non solum vt Martyres honorarent, & ad consum-  
 mandum Martyrium accēderent; sed etiam quia vi-  
 derent merita Martyrum posse communicari cum  
 Pœnitentibus, & acceptari Passiones eorum pro Sa-  
 tisfactione, qua Lapsis pœnitentibus deerat: atque  
 ita veterem Ecclesiam ad Thesaurum etiam respe-  
 xisse cum Indulgentias daret. Quam tamen doctri-  
 nam Tertullianus, in Hæresim Montani lapsus,  
 ita repudiauit, vt in libro de Pudicitia planè ne-  
 gârit quod antea in Parænesi ad Martyres piè



ac iustè affirmauerat, insolentia quædam animalia imitatus, qui lac ab vberibus propriis expressum impactâ calce proturbant, ac in cœnum effundunt. Iacobus Seuertius, qui nuperrimè contra Atheos & Hæreticos scripsit, putat ab eodem Tertulliano sub nomine *Veniæ & Secundæ Pœnitentiæ* Indulgentias nostras intelligi, quæ Apostolico Seculo *Misericordiæ* dicerentur. Dicit autem *Secundam Pœnitentiam*, quod non circa culpam peccati, eiusque Sacramentalem absolutionem; sed circa eius pœnam, post exomologesin, relictam, condonandam ac remittendam, versetur. *Veniæ* certè nomen in hac re etiam posteri vsurpârunt, & *Indulgere* idem esse quandoque quod *veniam dare*, Nonius item Marcellus obseruauit. Tertullianicum æuum subsequuta sunt antiquissima Concilia, NICAENVM I. OECUMENICVM, ANCYRANVM, NEOCAESARENSE, CARTHAGINIENSE, LAODICE-  
 NVM & AGATHENSE Prouincialia, in quibus Episcopis facultas conceditur Pœnitentiam iniunctam per Indulgentias relaxandi. Quod in Nicæni can. XI. siue, vt aliâ editione, XII. dicitur, *aliquid humanius de serîo Pœnitentibus cogitare*. Ad inferioris æui Concilia CLAROMONTANVM, LATERANENSIA duo, LVGDVNENSE, SALEGVNSTADIENSE siue MÔGVNTINVM, VIENNENSE, CONSTANTIENSE, BASILEENSE & TRIDENTINVM non descendo, quòd *ἀντιδικῶν* aduersariorum nostrorum mos sit ad expressum Dei Verbum, si quando vrgentur, aut antiquissimi cuiusque æui monumenta velle confugere. sic tamen vt dum ab his conuincuntur, vñdecumque rapien-

c. 20 de Hæres.  
sect. 10. §. 20ἀντιδικῶν  
aduersariorum.



tes, ea iterum damnent: quod in suum sensum,  
quo iure, quaque iniuriâ, detorqueant: at,

*Quo teneas vultus mutantem Protea nodos?*  
quâ vel arte vel astu stringas illum, qui

principio leo  
fit coruice  
iubatâ, inde  
draco, &  
panthera fe-  
rox, & mox  
aper ingens.  
Hinc hinc in  
Laticem,  
hinc formam  
capit arboris  
alta;  
Er. Putean.

in addition.  
ad Tertull.  
existat etiam  
apud Gratiâ.

πρώτιστα λέων γίνεται ἢ γίνεσθαι,

Αὐτὰρ ἔπειτα δράκων, καὶ πάρδαλις, ἠδὲ μέγας οὐς.

Τίνετο δ' ὕγρον ὕδωρ, καὶ δένδρον ὑψιπέτηλον;

Antiquissimæ autem eius consuetudinis, quâ vel  
à Concilio, vel à Romano Pontifice, Episcopis  
facultas indulgendi publicè Pœnitentibus con-  
ceditur, præclarum est Monumentum in Episto-  
la NICOLAI I. sanctissimi & religiosissimi  
Pontificis, quam fide Rhenani, vt eam in vetu-  
stis membranis inuenit, describimus:

NICOLAVS EPISCOPVS  
SERVVS SERVORVM DEI  
REVERENDISS. ET SANCTISS.  
RATHOLDO EPISCOPO  
S. ARGENTORATENSIS  
ECCLESIAE.



*D*um vniuersis Mundi partibus creden-  
tium agmina PRINCIPIS APO-  
STOLORVM Liminibus properant,  
quidam Vir nomine N. venit V.B.  
Epistolam gerens, quam nostro contu-  
lit Praesulatu. cuius paginam perlegentes, Matri-  
cidam illum esse cognouimus. quo facto multis fle-  
tibus contristati sumus, lacrymisq; profusis valdè  
doluimus. Idcirco præcipimus, & Patrum Almo-  
rum censuris statuimus, vt sub Pœnitentiæ iugo  
permaneat, ita vt per vnum annum Ecclesiam  
non



non ingrediatur; sed ante fores Basilicæ orans ac deprecans Deum perseueret, qualiter tanto eripiatur piaculo. Completo verò anni curriculo introeundi in Ecclesiam licentiam habeat, tamen inier audientes stet, & nondum cōmunicet. Completo autem trium annorum curriculo sacræ communionis illi gratia concedatur. Oblationes verò non offerat, nisi postquam aliorum septem annorum curricula expleantur. In his autem omnibus annis atque temporibus carnem non manducet, nec vinum bibere præsumat, exceptis festis diebus atque Dominicis, & à Pascha vsque ad Pentecosten. Et quocumque ire voluerit, nullo vehiculo deducatur, sed pedibus proficiscatur: arma non sumat, nisi contra Paganos. Ieiunet autem tres dies per Hebdomadam vsque ad vesperam. A propriâ quidem ac legitimâ suâ coniuge non separetur, nè fornicationis voragine corruat: quod nolumus, nec optamus. Si autem ante trium annorum cursum finis vitæ illius adpropinquauerit, corporis & sanguinis D. N. IESV CHRISTI particeps fiat: si autem; vt suprâ statuimus, cuncta efficiantur. Tamen si illius conuersationem, & lacrymarum fontem, in omnibus videritis floridis actionibus, & optimis operibus, pullulare, HUMANIVS CIRCA EVM SOLLICITVDO VESTRA PERVIGIL APPAREAT, mitisq; omnibus demonstretur. Optamus Vos in CHRISTO bene valere.

In quâ equidem Epistolâ, & Solemnis ad Urbem Peregrinatio, & Casuum (quos vocant) grauiorum Summo Pontifici reseruatio, & veteris in enormi delicto Pœnitentiæ rigor, & relaxandi eam, si opus Episcopo visum, per Indul-

al. nè fiat,  
optamus.

al. conuersio-  
nem.



gentiam Ritus tamquam in speculo summatim spectanda exhibentur. Notanda etiam illhic formula: *Humanius erga Pœnitentem apparere;* non absimilis illi quam è Concilio Nicæno citavi: *Humanius aliquid de Pœnitente cogitare.* Ut Relaxatio vel Remissio huiusmodi etiam *Humanitatis* nomen habuisse videri possit, quemadmodum olim *Venia, Misericordia, Pacis,* quo sensu *Humanitas Diritiei* opponitur, siue Rigori illi, qui à Pœnitente vsque ad extremum quadrantem satisfieri pro admisis petit: qualis olim Rigor in Canonibus Pœnitentialibus, primigenio Ecclesiæ tempore seruatis, præscribitur. Successere primigeniis illis temporibus **STATIONES**, ab institutore Pontifice, **GREGORIANÆ** dictæ, quas ille vocabulo iam olim apud Christianos recepto sic appellari decreuit, dum sacro Ieiuniorum tempore stantem populum in Basilicis Martyrum detinet, Deoque ad eorum Memorias supplicantem, largis Priuilegiis ac Remissionibus exornat. Nisi fortè, iuxta Theologorum nobilium sententiam, antiquior hic Ritus sit, à **LEONE** scilicet **I.** siue **MAGNO**, profectus, quem primùm huiusmodi supplicationes ordinasse scribunt, quas **GREGORIVS** deinde solemnius & apertius indixerit, nomine **STATIONVM** indito. Idque eò verosimilius mihi videtur, quòd nonnulla Apostolicis temporibus instituta ad Pontifices auctores relata sint, ob eam maximè causam, quòd ipsi decretis suis ea firmavissent; ne à Sectariis, qui Ecclesiasticas Traditiones contaminare solebant, vitiarentur, aut in contrarium decernerentur. **CLEMENS** etiã **VI.**  
à non-

in 4. Sent.  
Dist. 10.  
Nauar. cōm.  
de Iub.

Bevon. ad  
Gen. 132.



à nonnullis Anni IVBILEI institutor est habi-  
 tus, ob nomen ei Anno datum, etsi res ipsa, vti  
 probauimus, longè antiquior est, atque vetu-  
 stior. PONTIFICES deinde alij, iustis legitimis-  
 que de causis, quà in ipsà Vrbe, quà Orbe vni-  
 uerso, studia Christianorum, ac pia eorum offi-  
 cia, fauore benigno profecuti, sacros INDVL-  
 GENTIARVM Thesauros, in hanc vsque diem, li-  
 beraliter effuderunt: quorum seriem per ætates  
 accuratè distinctam apud Baronium, Bellarmi-  
 num, Seuertium atque alios, curiosus Lector vi-  
 debit. Meritò igitur Concilium Oecumenicum  
 Tridentinum, singulari Dei Opt. Max. benefi-  
 cio ætati nostræ concessum, de Indulgentiis sic  
 loquitur: *Cùm potestas conferendi Indulgentias à* sess. 25. de  
Ind.  
 CHRISTO Ecclesiæ concessa sit, atque huiusmodi po-  
 testate diuinitus sibi tradita ANTIQVISSIMIS ET-  
 IAM TEMPORIBVS illà vsa fuerit, Sacrosancta Sy-  
 nodus INDVLGENTIARVM VSVM CHRISTIANO PO-  
 PVLO MAXIME SALVTAREM, & SACROR. CON-  
 CILIOR. AVCTORITATE PROBATVM in Ecclesiâ  
 esse retinendum docet & precipit: eosq; Anathemate  
 damnat, qui aut inutiles esse asserunt, vel eas conce-  
 dendi in Ecclesiâ potestatem esse negant. Viderint  
 illi qui negant, qui (vt D. Cypriani verbis vtar)  
 post diuinum iudicium, post populi suffragium, post Epist. 8.  
 coëpiscoporum consensum, Iudices se non iam  
 Concilij, sed Dei, faciunt. Deum enim ipsum  
 contemnit, qui eum in Concilio iustorum, & con- Psal. 110.  
 gregatione Sacerdotū, loquentem contemnit. In  
 Ierusalem namque, in Ecclesiâ suâ vnicâ & ele-  
 ctâ, supremus ille Rex, quouis Rege sapientior,  
 constituit Leuitas, & Sacerdotes, & Principes fami- 2. Pet. 1. 10.  
 liarum



liarum ex Israel, vt iudicium & caussam Domini iudicent vniuersis habitatoribus eius. Tu quisquis es, ô Sectarie, time Dei iudicia, qui iudicem eius Ecclesiam audire contempstisti.

## C A P V T X I I.

*INDVLGENTIAE* omni æuo piè peregrinantibus data. Peregrinationum apud Orthodoxos *Vetustas*: quæ Hierosolymas, & in Vrbe[m] semper celeberrima. *Hæc olim Annua fuit*; vti *Præsentatio ad Limina per Episcopos facta*: quid in eâ deinde mutatum.



Purimas esse caussas INDVLGENTIA-  
RVM concedendarum nemo igno-  
rat. Inter has non minima à Scri-  
ptoribus adferri solet, *Peregrinatio*  
ad Loca Sancta ac Religiosa: quod  
ab omni æuo receptum sit, siue ad Sepulcrum  
Redemptoris nostri Hierosolymas, siue ad Prin-  
cipum Apostolorum Limina in Vrbe, siue ad di-  
uersorum Martyrum aut sanctorum hominum  
Memorias aliis in locis proficisci. Atque eas ait  
Indulgentias Innocentius legitimè, non tamen  
planè gratuitò concedi, cùm labor itineris iis  
adiunctus sit, plurimaque itinerum incommoda  
& pericula necessariò exantlanda. Quem labo-  
rem ac religionis feruorem in populo Christia-  
no magis excitantes Romani Pontifices, quâ  
transma-

In Appara-  
tu, ad c. de  
Pap. & Rem.



transmarinæ profectio ad Sacra Syriæ loca, quâ in cæteras Orbis partes, ad Reliquias Diuorum venerandas, peregrè proficiscentibus, larga Indulgentiarum priuilegia concesserunt: immò grauissimum fulmen in eos destrinxerunt, qui Apostolorum Limina, seu aliorum Sanctorum Oratoria, visentes peregrinos capere, seu, rebus quas ferrent spoliare, tentauissent. Hic verò Aristarchos nostros, τὸς, inquam, ἰεροδούτους, insurgentes videre videor, & totum istud ad Loca Sacra peregrinandi genus petulanti splene ridentes: aut potiùs conuerso pollice, quasi in Ludo aliquo Gladiatorio, damnantes. Quapropter nonnulla, quæ de isto Orthodoxæ Ecclesiæ Ritu in aduersaria mea conieci aduersariis nostris proponam, vt his conspectis si fortè resipiscant: & nostros homines sui in peregrinando suscepti laboris minùs pigeat, aut pœniteat. Et inprimis (Peregrinationibus Hebraicæ gentis prætermittis, quas iam alij attigerunt) SALVATORIS nostri exemplum, purissimæque VIRGINIS, eius Parentis, & Sancti IOSEPH ac discipulorum, Hierosolymas ad Encæniam & diem festum profectorum, Orthodoxis omnibus adeò, valide patrocinator, vt vel hoc solo omnia Hæreticorum sibila extingui, omnes in aduersum conatus infringi videantur. Præluxerunt etiam piæ huic consuetudini Tres illi Magi Orientales, diuino sidere per longinquum iter ducti vt venirent cum muneribus adorare eum, in Bethleem, qui natus esset Rex Iudæorum. Hoc item docuisse videntur illi, quorum fides ac religio, in Euangelio & Actis, laudata, qui

c. si quis Rom.  
mix. & c.  
si quis peregr.  
24.2.3.

Zac. 8.  
Ioan. 10.

Matth. 2.

Marc. 6.  
Actor. 5.



ad CHRISTVM, in vicos ac ciuitates, quas introibat, ad Apostolos Hierosolymas, cum ægrotis suis atque infirmis, profecti, mercedem sanitatis, velut Pietatis suæ ἀντίδοτον, retulerunt. Quin Pios omnes, classico velut cantato, ad hoc Religionis studium adhortatus est insignis CHRISTI Buccinator Isaias, cum multis antè seculis *Sepulcrum eius futurum gloriosum*, accurrentium scilicet multitudine, præcinuit. Rex item Prophetes, cum nomine peregrinantium Christianorum insonuit: *Adorabimus in loco ubi steterunt pedes eius*. Ipse etiam Saluator non aliã ex causã, abiturus ad Patrem, impressa in monte Oliuarum pedum suorum reliquit vestigia, quàm vt Fideles ad ea amplectenda, veneranda, adoranda, impensius excitarentur, & vehementius inflammarentur. Quã in re Religiosissimi Principis CONSTANTINI, & AVGVSTÆ Matris HELENÆ, pietas emicuit, dum expurgato à Gentilitiã superstitione Sepulturæ & Passionis CHRISTI loco, ædificatisque illhic Oratoriis, Christianos populos ad loca illa frequentanda magis ac magis excitârunt. Quanta autem ea frequentia fuerit, quantusque ad sanctissima loca confluxus, B. Hieronymus, eorum inquilinus, testatur, Epistolâ ad Marcellam: *Longum esset, inquit, per singulas etates currere, qui Episcoporum, qui Martyrum, qui eloquentium in doctrinã Ecclesiasticã virorum venerint Hierosolymam: putantes minus habere scientia, nec summam, vt dicitur, manum accepisse virtutum, nisi in illis locis CHRISTVM adorassent, in quibus primum Euangelium de patibulo Crucis conruscauerat*. Neque post ea tempora ardor Christianorum

610.

Psalm. 135.

Enseb. de Vic.  
Const. lib. 3.  
Ruffin. lib. 1.  
97.



stianorum imminutus est, inuitante maximè Sa-  
 crorum Priuilegiorum, à Summis Pontificibus  
 illhic concessorum, magnitudine; donec, meritis  
 nostris ita exigentibus, Loca illa in Turcarum,  
 immanissimorum Christiani nominis hostium  
 ditionem venere, ac difficillimam eam peregri-  
 nationem reddidere. Mirandum tamen, & Ri-  
 tum hunc calumniantibus meritò obiiciendum,  
 quod de SELYMO ac SOLYMANNO, Mahumeta-  
 nis Principibus memoriæ pròditur, eos scilicet  
 Sepulcrum Domini honorificè habuisse, & ad  
 eius ornatum ac custodiam, multa aureorum  
 millia benignè contulisse. De isto hoc ampliùs  
 addit Theuetus, cùm Ægyptiacâ expeditione  
 susceptâ Iudæam pertransiret, non munificum  
 modò sacratissimo Loco fuisse, sed in eo orâsse,  
 ac vota concepisse. Quid potuit ampliùs Theo-  
 dosius aliquis vel Constantinus? Audiant hæc,  
 & erubescant Pseudo-Christiani quidam, sacris  
 Peregrinationibus & Reliquiarum venerationi  
 infensi: ac, de Menandri præcepto, *ἀπ' ἐχθρῶν*  
*μαρτύρων* veræ Sapientiæ fauere, eiusque Ritus  
 & instituta comprobare. Post TERRAM illam  
 verè SANCTAM à Christianis appellatam, &  
 omni æuo, dum licuit, religiosissimè visitatam;  
 non est locus, quem peregrinando magis adie-  
 rint, aut studiosiùs & ardentius exquisierint,  
 quàm sacra APOSTOLORVM PRINCIPVM LIMINA  
 in Vrbe ROMA. illa Reges, illa Principes, illa  
 Patriarchæ, illa Episcopi, omnis denique pio-  
 rum sexus, ætas ac conditio, omni item æuo, re-  
 ligiosissimè frequentârunt. Cuius religionis uti  
 suo æuo antiquioris D. meminit Augustinus in  
 Psalm.

*Iovius lib. 12.  
 Histor.*

*lib. 6. Casim.  
 6. 7.*

*ab hostibus  
 discant.*



Psalm. LXXXVI. *Olim, inquit, Principes seculi ad Urbem Romam venerunt non ad Templum Imperatoris sed ad Memoriam Piscatoris. Neque tamen, cum ipse viueret, eam omiffam testatur his verbis: Nunc ad Memoriam Piscatoris flectuntur genua Imperatoris: ibi radiant gemme diadematis, vbi fulgent beneficia Piscatoris. Epistolâ item XLII. Videtis & Imperij eminentissimum culmen ad sepulcrum Piscatoris PETRI, submisso diademate, supplicare. Sanè Prudentius, Christianus Poëta, qui sub Theodosij Magni liberis vixit, aduersus Symmachum, ita gloriatur:*

— curru, paucis Tarpeia in rupe relictis,  
Ad sincera virum penetralia NAZAREORVM,  
Atque ad APOSTOLICOS Euandria Curia fontes.

Vbi per Euandriam Curiam, Viros Senatorios ac Patricios in vrbe Româ intelligit, iam tum CHRISTO addictos, & Apostolicis tumulis supplices. Notissima sunt enim quæ de Arcadium ante Lunam matorum. *προσελήτων* antiquissimâ origine, & Euandri eorum Regis in Italiam appulsu, Veteres commenti sunt: vnde Nobilitatis suæ initia plerique Romanorum Principum repetebant. Solemnem quoque illam, omni æuo, Principum viro- rum apud APOSTOLORVM PRINCIPES orandi consuetudinem D. Ioannes Chrysostomus sæpè & facundè descripsit: cuius verba, defectu Græci codicis, ex Interprete adscribere cogor. Hom. 1. in ep. 2. ad Cor. Ait igitur. Nam & ille ipse purpurâ indutus peregrè proficiscitur Sepulcra illa complexurus, & fastu deposito contingit Sanctos, rogans vt sibi apud Deum patrocinentur: & tabernaculorum opificem [PAVL- LVM] & piscatorem [PETRVM] Patronos etiam *mortuos*



mortuos deprecatur ille diademate coronatus. Et ite-  
 rum: Nam qui ducebantur, qui contempti erant & <sup>Hom. ad Gensil.</sup>  
 vincti, ubi defuncti sunt, Regibus ipsis erant magis  
 venerandi. Etiam ROMÆ, quæ Urbium est Rega-  
 lissima, relictis omnibus ad sepulcra Piscatoris &  
 Pellionis currunt & Reges, & Præsides, & Milites.  
 Et his similia <sup>χρυσόν</sup> illud <sup>αύρου</sup> persæpè alibi. <sup>aureum es.</sup>  
 Quinimò quodam in loco sanctè adfirmat se,  
 nisi impeditus multis curis, & Ecclesiasticis fun-  
 ctionibus fuisset, & si per valetudinem imbecil-  
 lem licuisset, nihil in mundo eum cohibiturum  
 à suscipiendâ profectioe Romanâ, vt catenas  
 illas & carceres quibus Princeps Apostolorum  
**PETRVS**, & delictum suum **PAVLLVS**, constricti  
 ac detenti fuerant, inspiciendi ac contrectandi,  
 quod toties ardentissimè optauerat, facultas da-  
 retur. Eam Principum virorum pietatem imitati  
 cæteri, & exemplo incitati, frequentes ad Vr-  
 bem Sacram venerunt, instante maximè DD.  
**APOSTOLORVM** Natali, quo tempore cotannis  
 innumera hominum multitudo Romam conflu-  
 xit: atque ideò solemne illud *dies festus Orbis*  
*terrarum* à D. Chrysofomo, ob insignia conue- <sup>ibidem</sup>  
 nientium studia, vocatum. Quem solemnem  
 morem, quoad vixit, religiosè tenuit D. Paulli-  
 nus Nolanus, nec viæ retardatus labore, nec gra-  
 uioris per id tempus Romani cæli periculum re-  
 formidans. Testatur ipse de se in Epistolâ ad  
 Episcopum Delphinum: Deinde nos ipsos Romæ, <sup>Epist. 16.</sup>  
 cum solemni consuetudine ad Beatorum Apostolo-  
 rum Natalem venissemus, tam blandè quàm honori-  
 ficè excepit. de ANASTASIO Romano Pontifice  
 loquitur, cuius benevolentiam expertus fuerat.

Et



Epist. 13.

Scribitur Vita  
S. Paulini.Distinct. 9 3.  
o. iuxta.

Lib. 1. ep. 70.

Baron. ad an-  
num 1081.Acta Vita  
hys.

Et in Epistolâ ad Sulpicium Seuerum: *Tempus ante meridiem [Romæ scilicet] in votis nostris, quorum curâ veneramus, per APOSTOLORVM & Martyrum sacras Memorias consumentes.* Interdum tamen festum illum diem præuenit circa Idus Maias Romam profectus, vt ex Epistolâ illâ, quam ad D. Augustinum inde reuersus scripsit, videri potest. Nisi fortè tunc Romam iuerit, vt Decreto Pontificio satisfaceret, quo *Episcopi omnes Apostolica Sedis ordinationi subiacentes, qui propinqui essent, annuè circa id tempus Principum Apostolorum Liminibus presentari iuebantur: qui verò de longinquo, iuxta chirographum suum id implere.* Atque ideò *vel per se, vel per certum nuncium* (vt Gregorius id statutum interpretatur) cotannis sese ad Sacra Limina præsentibus offerebant. quod etiam iureiurando, cum ad Cathedram admitterentur, sese impleturos sanctè promittebant. Quare non iniusta illa increpatio à GREGORIO VII. religiosissimo ac generosissimo Pontifice, Archiepiscopo Rothomagensi facta, quòd distulisset ipse inuisere sacra Limina, cum tamen ab ipsis Mundi finibus studerent annuè, tam mulieres quàm viri, ad ea venire. Idem Pontifex Lanfrancum, Archiepiscopum Cantuariensem, similis cessationis arguit Romam veniendi, cum (inquit) *multi longè remoti, licet corpore inualidi & infirmi, & à lectulis vix valentes surgere, ad eadem Limina vehiculis properarent.* Tepescente verò paullatim primigenio Christianorum feruore, & remittente se Præsulum pietate, longiora Visitationi illi spatia laxata. nam & ipse Gregorius Magnus, seuerus aliàs Pontifex, Siciliae Episcopis



pis qui ad Triennium conuenire solebant, quin-  
 quennio semel in Urbem venire indulfit. Sixtus  
 autem V. nuperâ Constitutione, quâ morem il-  
 lum pænè iam oblitteratum solemniter reuoca-  
 uit, eos ad antiquum Triennium cum cæteris  
 Italiæ reduxit: reliquis in Orbe Christiano po-  
 sitis, quarti, quinti, & decimi quinti anni redi-  
 tu, pro locorum vicinitate aut longinquitate, præ-  
 scripto. Nostris ergo temporibus *Præsentatio* il-  
 la, antiquis dicta, *Visitatio Liminum Apostolicorum*  
 dicitur: nouitiâ quidem phrasi, sed quæ ab an-  
 tiquissimo Ritu profluxit Liminum in Basilicis  
 Martyrum, per Christianos supplices, osculo  
 adorandorum. de quo Ritu copiosè vir doctissi-  
 mus Heribertus Rosvveydus S. I. ad D. PAUL-  
 LINVM NOLANVM, & Baronius Cardinalis ad  
 diem XIIX. Nouemb. in Martyrologio Roma-  
 no: quos operæpretium erit videre. Ut in viam  
 reuertamur (quamquam illa scribendo vix de-  
 uiauiimus) NICOLAUS I. Pont. in egregiâ illâ  
 ad MICHAELEM PALAEOLOGVM Imp. Con-  
 stantinopolitanum Epistolâ, tantam se Pontifice  
 peregrinorum multitudinem, causâ Apostolicæ  
 intercessionis, in Urbem venisse scribit, *vt Vrbs*  
 ROMA ( ea verba sunt) *cunctas in se dignosceretur*  
*continere nationes*. Et in aliâ ad Episcopum Ar-  
 gentoratensem, pleniùs antè descriptâ, *Ex vni-*  
*uersis Mundi partibus*, suo tempore, *credentium*  
*agmina* ad eandem intercessionem, pariter *pro-*  
*perâsse*, fatetur. Quæ frequentia an ad Festum  
 Apostolorum diem, de quo priùs agebam; an ad  
 Solemne aliud in Urbem concurrerit, haud per-  
 inde adfirmauerim. Certè nullo æuo aut tem-  
 pore

in Notis ad  
 Carm. XXI.



pore Christianorum studia in hac re defuisse, innumera Scriptorum testimonia declarant: sed paucula nobis, Veritati ac Pietati stabiliendæ, adduxisse suffecerit. Piis enim in hoc argumento vel tantillum fat est; Impiis, & ab omni religione alienis nec plena testimoniorum *fora* a satisfaciant. Meritò ergo ab Aurelio Cassiodoro de Sepulcris Apostolicis dictum est: *Confessiones illas, quas videre Vniuersitas appetit, in suis finibus Roma felicior habere promeruit.* Et à magno Chrysoftomo: *Seruorum CHRISTI* [sic Apostolos vocat] *splendida esse in Vrbe Regiâ Monimēta: non ædificiorum modò altitudine, & cultu, sed conuenientium vndique studio ac feruore.* Atque hic fuit Maiorum nostrorum feruor, ea sacræ Urbis frequentandæ desideria, quæ noui quidam *Eunomiani*, aut *Vigilantiani*, quo spiritu damnare audeant, ipsi viderint; mihi cum coetu Fidelium vniuerso, cum omni Vetustate, cum Ecclesiâ Romanâ Apostolicâ credere & sentire libet quod à *μελιγρότῳ* illo BERNARDO assertum est in Panegyri Principum Apostolorum: *Si in terrâ adhuc positi* [iidem APOSTOLI] *omnia poterant non quidem in se, sed in CHRISTO; quid non poterunt hodie viuentes in æternâ felicitate cum ipso? Mortales adhuc, & morituri, imperium Vitæ & Mortis videbantur habere, solo nimirum verbo mortificantes viuos, & mortuos suscitantes; quantò magis nunc cùm honorati sunt nimis, nimis confortatus est Principatus eorum? In quo melle nunc desino, & Tibi, quisquis es, ita sentire, ita credere *ἐκ βαθέων ψυχῆς* voueo, & exopto.*

Augustin. de  
Eccel. doz. m.  
6.73.

melliflue.

ex intimo  
animo.



## CAPVT XIII.

*Binis istis Peregrinationibus Tertia diuinitus adiuncta ad Ædem Lauretanam: ea hic meritò recensita. Admirandum illum locum & Gentibus cunctis, non vnâ ex causâ, venerandum esse.*



Acrum illud Romanæ Purpuræ columen, & Ecclesiæ Mediolanensis sanctissimus Antistes CAROLVS, in eâ Epistolâ quâ Dicesanos suos omni ope ac studio, ad visendam Anno Seculari Urbem Sacram, cohortatus est, inter cætera quibus Peregrinationem illam suscepturos paternâ sollicitudine informat ac dirigit, hoc quoque pium ac religiosum consilium iis dedit, vt, si qua in itinere illo Loca alia sanctitate celebria se offerrent, ad ea declinare orandi causâ non grauarentur. Sed præstat alterum illum nostri seculi AMBROSIVM suismet verbis id commendantem audire: *Quòd si in ipso itinere vicini fueritis alicui Templo quadam religione celebri, quale est Templum B. MARIAE LAVRETANAE, aut aliud, etiamsi paululum à rectâ viâ vobis diuertendum foret, ac longiori etiam eundum; nolite perdere occasionem visitandi huiusmodi Tempora, vt ibi consiteamini, & denuò communicetis, ad consolandum, & corroborandum vos spiritualiter in sanctâ hac peregrinatione. Quibus equidem*

F

dem



dem in verbis iure mentionem facit celeberrimi illius, ac toto orbe nobilissimi, TEMPLI PARTHENII LAVRETANI: quod eò studiosius omnes ad Urbem, Iubilei causâ, proficiscentes inuisere debent, quò magis illud cæteris omnibus in Orbe Templis, religione ac sanctimoniâ præstantibus, vel æquandum nouerint, vel præferendum. Quid enim sanctius, aut religiosius, esse potest Cubiculo illo lateritio, marmoreis vndique sepimenis clauso, in quo ipse DEI FILIUS, de SPIRITV SANCTO conceptus in utero Virgineo, atque educatus, magnam puerilis ætatulæ partem exegit? in quo ipsa VIRGO ΘΕΟΤΟΚΟΣ natalem hausit spiritum, & veluti *Aurora consurgens*, tenebricoso Mundo *Iustitia Solem* paritura, materno primùm è thalamo prodiit? Meritò te, ô cubiculum beatissimum, meritò vos, ô Lares fortunati, cum elegantissimo Mureto alloquor:

Horat. Tur-  
sellin. in Hist.  
Lauret.

In Cæm. ad  
Virg. Lauret.

*Quanam igitur Regum sedes, quæ Tempia per orbem*

*Huc se ausint conferre loco? ter, & amplius, omnes*

*Ante alias felix Piceni litoris ora,*

*Cui Solymos spectare domi, cui munere Diuum*

*Fas calcare domi est pedibus vestigia CHRISTI!*

*Munere certè Numinis incomparabili id Occidenti nostro datum vt ab ipsâ vsque Palæstinâ, ab altero Solis cardine, Angelicis manibus, sacra illa deueheretur in Italiam sarcina, sanctius longè ac præsentius Salutis nostræ pignus futurum, quàm olim vel Troiana illa Palladia, vel Iouis Cretæi fabulosum antrum, aut Tarpeia Romuli*



Romuli casa, vel quicquid superstitiosi pignoris  
 ad tutelam Imperij Antiquitas habuit, vel quasi  
 Numinis cuiusquam ortu nobile ad veneratio-  
 nem custodiuit. Hanc ego sacratissimi Loci  
 maiestatem coram admiratus olim, simul etiam  
 prodigiosæ illius *μετοικησιως* consideratione velut *migrationis,*  
*ιθυσιαζων* effectus, inter alia, quæ Voti reus de *numine in-*  
**VIRGINE LAVRETANA** scribebam, *spiratus.*  
 hæc cæcini:

O DIVA, gratum qua nemus Hadria

Præfens ad vndas, finibus Italis,

Regis, beato vecta cursu

Romulea super orbe gentis;

Tunc cum feroci compede barbarus

Gentes Eoas, & validus Seytha,

Præsit merentis; te per auras

Sidereæ rapuere currus.

O quale monstrum! sedibus erutam

Præscis, auno sed profugam solo,

Discors Eous, & receptam

Ausonia stupuere filia.

Te, quisquis æquor nauita proximum

Velis gubernat, sollicito colit.

Per transtra voto: te Lacena

Omnibus antetulit gemellis,

Quæcunque Ponto naus in aspero

Deprænsa fleuit: te Dominam maris

Fractæ Latinorum carina

Incolumes didicere nuper.

Te Sarmatarum progenies feris

Canit sub antris: te procul agnitans

Belga, & Britannus, in remotis

Oceani coluere ripis;



*Abominati ne furis premi  
Sinus Draconis, quem Tibi subditum  
Per vasta colla sibilanti  
Vidimus infremuisse linguâ.*

Quod si cuiquam non displicuerit hic impetus, & si tanti esse putauerit, cætera huius Poëmat-  
tis in Lyricorum nostrorum carminum fronte  
posita inueniet. Inuitabit ergo piè peregrinan-  
tem, & ad se trahet, LAVRETANÆ AEDIS fan-  
ctitas; inuitabit etiam cælestium beneficiorum  
magnitudo; quæ si vllò terrarum loco, illhic  
certè à Diuinâ Benignitate liberalissimè dis-  
pensantur. Corpore infirmus es? medicinam  
dabit VIRGO: animo anxius? solatium & iucun-  
ditatem afferet: conscientiam pavidus? dulcem  
suggeret in amaritudine salutarî lætitiâ: in pe-  
riculis constitutus? terrâ, aut mari, trepidus, ac  
pænè de salute desperans? salutem dabit MA-  
RIA, Libertatem, Vitam, ac quicquid petere  
cum fiduciâ audes, præbebit MARIA. Et quot  
illa mortalibus iam olim, ac nuper hæc præbue-  
rit, ipsi sacri parietes donariis votiuis onusti, ip-  
sa Templi atria Tabellis *in xapitulis* circumue-  
stita, aut potius ipse Orbis vniuersus, tantorum  
benefactorum conscius, inclamat & testificatur.  
Sunt verò pij viri ac facundi, qui, ad DEI ac  
DEIPARÆ VIRGINIS gloriam, immortalibus  
scriptis ista prodiderunt; vt necessum non  
sit iis commemorandis prolixius inhærere; quod  
tamen in alio Carmine Votiuo, penes me, te-  
stimonium est, summatim Beneficia Virginea  
perstringens, veniam fortè suâ breuitate mere-  
bitur, ac fauorem:

*Astrifera*

*gratulariis.*



*Astriferæ REGINA domus, genitrixq; Tonantis,*  
*Innuba concepto Numine facta Parens,*  
*Quam super æthereas Superiorum exercitus arces*  
*Euectam æternâ laude salutat Heram;*  
*Mille Tibi Ausonium radiant delubra per orbem,*  
*Mille Tibi accendunt thura Sabæa foci;*  
*Sed LAVRETANIS Tua maxima gloria Templis,*  
*PICAENAQVE micæ maximus Aede fauor.*  
*Id sacris fixæ muris pictaq; Tabellæ,*  
*Donaq; Virgineis multa docent adytis,*  
*Quam multis, pia DIVA, adsis; facilemq; vocatu*  
*Sentiat in trepido vir mulierq; malo:*  
*Ille inter medios flammarum constitit igneis,*  
*Nec potuit iussu flamma nocere Tuo:*  
*Deuotâsq; Tibi consecratâsq; rosarum*  
*In morem tantum est lambere visa comas:*  
*Iste, procellosis dum naufragus errat in vndis,*  
*Depinxit Voti signa secunda sui:*  
*Seu fuit in præceps furibundo raptus ab amne,*  
*Pertentans dubio cæca profunda solo.*  
*Est quoque qui, fato Phrygium Astyanacta secutus,*  
*Testatur precibus se superesse Tuis:*  
*Est quoque qui, Duce Te, cacas vitasse latronum*  
*Insidias potuit, terrificâsq; manus:*  
*Atque aliquis crudi fugiens Busiridis aras*  
*Virgineam haud frustra sæpè vocavit opem.*  
*Vixit hic horrendum transfixus corpora ferro,*  
*Atque Tibi est Vitæ debitor ipse suæ:*  
*Ille alacri delapsus equo sine vulnere surgit,*  
*Fractâq; non vlllo membra dolore leuat.*  
*Sed quid ego obtritosq; rotis, tauriq; ferocis*  
*Cornibus excussos sidera ad alta loquar?*  
*Quid referam muris appensas, VIRGO, catenas,*  
F 3
Quas



Quas posuit sauo liber ab hoste reus?  
 Quid fractos laqueos, elisaq; vincula narrem,  
 Armaque in innocuos noxia stricta viros?  
 Quid numerem Geticis erepta Tropaea manipulis,  
 Fixaq; ad augustum barbara signa tholum,  
 Dum MARIAE auspicio se vincere credidit hostem  
 Martia, sed Marti non bene fisa, cohors?  
 Quid? quam multa tuo Mater sit munere facta,  
 Cui gemere in sterili contigit ante thoro?  
 Quid morbi genus omne, luemq; febresq; malignas,  
 Vincere quas medica non potuere manus,  
 Auxilio victas tanto, pulsasq; clientum  
 Corporibus, vacuas non habuisse preces?  
 Quid memorem triplicis damnatas pollice fusi,  
 Ex Erebo, iussas saepe redire animas,  
 Nequicquam nigrâ circumfrendente cateruâ;  
 Nequicquam infernâ multa mouente Styge?  
 Omnia Natura sanctas superantia leges,  
 Omnia victuro digna furore cani?  
 Dignissima certè æternis Ingeniis in ÆTERNA  
 VIRGINE materia, & iam nobiles aliquot Mu-  
 sarum *ἡρώδης* laudabiliter hanc operam præ-  
 stiterunt. Optem sanè esse, & optaui diu, qui  
 tot Rosas, Lilia, Violas in fertum vnum com-  
 pingat, & LAVRETANAE VIRGINI consecret  
 suauius longè spiraturum quàm vel odorati Ci-  
 liciaë nimbi, aut fragrantès Arabū messes, Thea-  
 tris effusæ; vel omnia Assyriaë mercis cinna-  
 ma in Phœnicis vnus pyram constipata. Quis  
 igitur ille tam ignauus erit, ac vecors, qui Sacra-  
 tissimi loci vel maiestate, vel beneficentiâ, non  
 commotus (si facilè potest, immò si vllâ ratione  
 potest) non accurret illicò ad tantum præsi-  
 dium?

desideri.



dium? non sibi propitiam VIRGINEM, non fa-  
 uentem VIRGINIS FILIVM, in hoc terrestri  
 uti cælo, reddere conabitur? Quis etiam non  
 putet hanc sibi diuinitus velut legem impositam  
 ut IVBILEVM aditurus LAVRETVM declinet,  
 cum eodem ferè tempore & IVBILEVM solen-  
 niter indictum sit à BONIFACIO IIX. & Lau-  
 retana cellula in Italiam delata? Euoluite An-  
 nales, perquirite testes, & veritatem huius rei  
 compertam habebitis. Parum itaque mihi fecis-  
 se videbitur qui, cum liceat, LAVRETVM non  
 adibit. immò non omnia mihi fecisse videbitur  
 qui, etiam cum non liceat, LAVRETANAM VIR-  
 GINEM de itinere non salutarit.

## CAPVT XIV.

*Quinam Pontifices, & quando, IUBI-  
 LEVM celebrârunt. BONIFACII VIII.  
 Solemne maximum fuisse: eius de FLO-  
 RENTINA R. P. vaticinium. D. AN-  
 TONINI de Pontifice isto iudicium.  
 CLEMENTIS & VRBANI SECTOR.  
 circa tempus IVBILEI decreta. Numeri  
 L. & XXXIII. dignitas indicata.*



Sicut Græcis ante tempora Olym-  
 piadis Iphitææ Temporum ratio  
 obscura fuit, atque inde æuum  
 illud fluxit quod *isopixis* appellâ-  
 runt, à maiore rerum gestarum

*Mc. Pavo  
 apud Censor-  
 rio.*



BONIFACIUS VIII.  
Anno 1300.

S. Antonis.  
in Chron. p. 3.  
Iaco. Cardin.

in Chronico  
Fr. Longi Co-  
violani.

E. Platina  
Paul. Amil.  
Tuscani.

Matth. Pal-  
mer, in Chron.

certitudine; ita in re nostrâ **IUBILEA**, ante **BONIFACII VIII. PONT. MAX.** æuam, non adeò exploratum est qui Pontificum Romanorum, aut quando, Solemne istud celebrauerint, aut quibus adeò cærimoniis in eo celebrando sint vsi. Ipse **BONIFACIUS** primùm solemnem **IUBILEI** obseruationem in ius redegit, maximoque Sacrorum apparatu, & incredibili ex omnibus Orbis partibus multitudinis concursu, illud ipsum peregit Anno Christiano, iuxta calculos **Dionysij Exigui**, **CIO. CCC.** In quâ celebritate illud admirandum ab illius æui Scriptoribus memoratur, *ducenta hominum peregrinorum millia*, vnaquaque ferè sacri Anni die, Romæ numerata. Addit ampliùs Platina, tantam eo anno multitudinem confluisse, *vt vix incedere per Urbem, amplam quidem & vastam, liceret.* Neque tantæ pascendæ multitudini Diuina Benignitas defuit. admirabilem namque ac prodigiosam eo anno Annonæ copiam in Vrbe & Italiâ conspectam obseruauit Iacobus Cardinalis, qui & Solemne illud vidit, & oculatâ fide, quæ vidit, posteritati mandauit. Venit tum inter cæteros illustres Viros ad Urbem **CAROLVS VALLESIUS**, **PHILIPPI** Francorum Regis frater, **BALDVINI IMP. CONSTANTINOPOLITANI** gener, honorificè à Pontifice exceptus, & mox pietatis eius causâ Tusciæ præfecturâ donatus. **XII.** quoque Legationes, à diuersis Principibus ac Rebuspublicis ad **BONIFACIUM** missæ, ipsum Annum cohonestârunt: in queis præclarum **FLORENTINORVM** studium enituit. Fertur subinde Pontifex, cùm in celebri Præsulorum con-

fessu



fessu peroraret, Legationum istarum Titulos  
 recensuisse, & cum ad Florentinos ventum es-  
 set, in hanc vocem prorupisse: *In gloriam FLO-*  
*RENTINI nominis affirmo in gubernatione orbis ter-*  
*rarum FLORENTINOS aliud elementum fore.* Quod  
 Vaticinium à D. quoque ANTONINO, sanctissimo in christo, 1585  
 Florentinorum Antistite, obseruatum, rei postea  
 veritas comprobauit. Exinde namque vna Flo-  
 rentina ciuitas tot Illustres Ingenij ac Pietatis  
 laude viros, tot militari laude florentes, tot Prin-  
 cipes & Heroës Orbi dedit, quot vix alibi Pro-  
 uinciæ vniuersæ. Vel illud quàm magnificum est  
 (vt cætera eius ornamenta taceam) quatuor, in-  
 tra vnus ferè seculi spatium, PONTIFICES  
 MAXIMOS Ciues suos habuisse: LEONES sci-  
 licet duos X. & XI. CLEMENTEM VII. &  
 quem hodie in cathedrâ PEBRI sedentem ve-  
 neramus, VRBANVM VIII. Viderint alij quomo-  
 dò vaticinium istud BONIFACII interpretandum  
 putent; ego diuinitus inspiratum id pronuntiâs-  
 se credo, quod, SVMMO GENERIS HVMANI  
 BONO, in SACRATISSIMORVM PRINCIPVM TE-  
 TRADE videmus impletum. Cæterùm Pontifi-  
 cem BONIFACIVM etsi amarè scriptores quidam  
 vellicent, idem Antoninus (quod miratus sum)  
*hominem prudentem, ac litteratum, magni animi,*  
*Zelatorem magnum, & conseruatorem Iurium Ec-*  
*clesiæ appellat.* cuius testimonium, vt hominis  
 sanctissimi & integerrimi, cum, vt par est, ma-  
 gni apud omnes fieri debeat; miror apud quos-  
 dam minus fidei inuenisse, quàm Scriptorum  
 aliorum calumnias, in gratiam Principum &  
 Regum, sacrosanctæ Pontificum maiestati ni-  
 misquam



misquam sæpè obtreçantium. BONIFACII si qua  
fuere (& fuerant certè) vitia non excuso; tantà  
tamen acerbitate detecta doleo: neque vllum  
ferè, sancto illo viro excepto, existisse qui, quas  
ille virtutes eximias, & vitiis fortè superiores, ha-  
buit in aspectum produceret; miror ac indignor:  
reliquis, instar maledicti Cham, solam Parentis  
sui foeditatem nudauisse contentis.

CLEMENS  
VI. Anno  
1350.

Plac. in eius  
vna.

In c. vnaigen.  
des.

Centenarium BONIFACII Solemne CLEMENS  
VI. excepit, qui in Annum ab exacto illo Quin-  
quagesimum, IVBILEI nomine, primus Indul-  
gentiam publicauit: vt ipsius Diploma etiam-  
num superstes, & Decretis insertum, fidem fa-  
cit. Causas contracti IVBILEI, præter Roma-  
ni Populi preces quas Auenione positus accepit;  
duas potissimum habuit, exemplum Legis Ve-  
teris quæ Annum Quinquagesimum sacrauit;  
& Humanæ Vitæ breuitatem, *per quam pauci,  
multorum respectu, ad annum centesimum valeam  
peruenire.* Notatu certè digna videntur illa quæ  
de Numeri Quinquagenarij dignitate in suâ  
Constitutione promulgauit: Nos autem attenden-  
tes quòd ANNVS QVINQVAGESIMVS in Lege Mosai-  
câ (quam non venit Dominus soluere, sed spiritali-  
ter adimplere) IVBILEVS remissionis, & gaudij;  
sacerq; dierum numerus, quo Lege fit remissio, cen-  
sebatur: quodq; ipse QVINQVAGENARIVS NUMERVS  
in Testamentis, Veteri quidem, ex Legis datione;  
Nouo, ex visibili SPIRITVS SANCTI in Discipulos  
missione, per quem datur peccatorum remissio, sin-  
gulariter honoratur: quodq; huic plura & grandia  
Diuinarum adaptantur mysteria Scripturarum, &c.  
Mysteria autem nonnulla Quinquagenario in  
Scri-



Scripturis attributa versibus decantantur apud  
Aratorem, II. Histor. Apostolicæ:

*Lege sacer Numerus delicta resoluit, vt olim*

*Diluit in toto David sua crimina Psalmo:*

*Contractusq; fugat, nam quinquagesimus annus*

*Cum IUBILEVS adest proprij distractio ruris*

*Antiquo donatur hero: seruire coactis*

*Libertas amissa redit: mala debita laxat*

*Creditor, & limen Patriæ vetus aspicit exul.*

*Quinquaginta etiam cubitis distenditur Arca*

*Quæ depressa vadis, atque a quore tuta, salutem*

*Sub numero Pietatis agit, seruataq; crescit*

*Per spatij parcentis opem, quia CHRISTVS vbiq;*

*Condidit Ecclesiam, veniâ fabricante capacem,*

*Quæ sic cœpta fretis latissima funditur aruis.*

De IUBILEI CLEMENTINI solemnitate par-  
cius à Scriptoribus traditur, quòd circa ea tem-  
pora pestis adeò sæua, triennio continuo, Ita-  
liam deuastauerit, vt (Auctore Platinâ) *vix de-*  
*cimus quisque ex millesimo homine supersuerit.*  
Crederes illam sanctissimo eo tempore negle-  
ctis diuinis Ritibus barbarè inter se confligen-  
tem, ac diutino bello collisam, iustas impietatis  
suæ poenas exsoluere.

Ter vno Seculo (quod mirere) in IUBILEO  
indicendo variatum est. nam quem BONIFA-  
CIVS VIII. Anno centesimo, more maiorum,  
& CLEMENS VI. quinquagesimo quoque re-  
deunte celebrandum decreuerant; cum VRBA-  
NVS VI. PONT. MAX. trium & triginta anno-  
rum spatio definierat, & in Annum eius seculi  
x c. publicauerat. Numeri mysterium fuit,  
quòd totidem annis, & paullò ampliùs, CHRI-  
STVM

*in Clem. 6.  
Tassellin. 10  
comp.*

*Onuphy. 6  
add. ad Plat.*



S. Car. Bor-  
rom. in ep. ad  
Mediol.  
Bonius ad  
Ann. sup.  
D. Reg. 5.

STVM MESSIAM vixisse vetus Ecclesiæ tradi-  
tio est. Eumque Numerum, non absque Typo  
venturi de semine suo MESSIAE, Rex olim  
David sacrauerat, cum pari annorum numero  
super Iudam & Israël Hierosolymis regnavit.  
Contraheudo Iubileo eadem, quæ in CLEMEN-  
TE, causa; paternus ac Pius Pontificis in Ec-  
clesiam adfectus, ne tam salubre humani gene-  
ris bonum tantis temporum spatiis differretur.  
Olim namque dum vitiorum minus erat &  
amplius Poenitentiae impensum, minus periculi  
in dilatione visum; crescentibus ætate morbis  
crebrioribus remediis opportunum vti fuit. Ita-  
que eum Annum indictum successor BONI-  
FACIVS peregit, tantâ peregrinorum affluente  
multitudine, vt numerum omnem excedere vi-  
deretur. Quæ multitudo eò copiosior fuit quòd  
visitantis cognatam suam DEIPARAE festiui-  
tas ab VRBANO concepta, & à BONIFACIO  
honorifico Diplomate confirmata, magnificæ-  
que anno Sacro Romæ auspicanda, plurimos  
mortales exciuisset.

Bon. ibid.



## CAPVT XV.

*Tria Seculi Millesimi Quadringentesimi IUBILEA sub BONIFACIO IX. NICOLAIO V. & SIXTO IV. Pont. Maxx. acta. De IUBILEI Orthographiâ iterum, & Numero XXV. nonnihil intermissum.*

**B**ONIFACIUS IX. Pont. Max. qui ex decreto VRBANI VI. decessoris sui, IUBILEVM decennio antè, uti dixi, celebrauerat; idem quoque Seculo Nouo CIO. cccc. more maiorum, solemnî cærimoniâ, peregit. In quo frequentissimum piorum ex omni gente hominum confluxum Scriptores illius æui annotârunt. Gallicæ maximè gentis studia laudata, quam etsi Regium edictum, malignorum suggestu publicatum, domi subsistere compelleret, ingenti tamen numero, & in his illustres multi, & eximij, Romam aduenerunt. Mediolanensibus & Pragensibus uti intra moenia sua id agerent, ob legitimas causas, Pontificio Priuilegio concessum.

Subinde MARTINVS V. è familiâ COLVMNENSIVM insignis Pontifex, Annum Solemnem ∞. cccc. xxxiii. iuxta præscriptum VRBANI celebrâsse fertur. Magnus mortalium numerus accurrit, tantaque rerum copia & tranquil-

BONIFACIUS IX.  
iterum Anno  
1400.

Onuph. ep  
Chron.  
Blond. in Dec.  
Aco. Silu. in  
comp.  
Annal. Eccl.  
Ant.

MARTINVS V.  
Anno 1423.



Onuph. in  
Chron.  
Giaccon. in  
eius vita.

A. Naghmalma-  
keus de In-  
bil. c. 5.

NICO-  
LAUS V.  
Anno 1450.

tranquillitas fuisse traditur, vt promissam illam diuinitus IOBELO Hebraico felicitatem adæquasse videri possit. Miror qui recens Annalium scriptor biennio post hoc Solemne factum putet, cum calculi ratio exigat, ab Anno xc. prioris seculi computando, vt in hunc annum incidat: eoque Anno in Chronico Romanorum Pontificum, ab Onuphrio edito, rectè annotetur. Falsi etiam quidam è mendoso eius Chronici exemplari qui xxxvi. Anni Iubileum ab VRBANO institutum, & à MARTINO peractum credunt.

Celebratio vtroque isto Annus Secularis Quinquagesimus NICOLAI V. quo tanta multitudo in Urbem venit, quanta nunquam antea. FEDERICVS etiam CAESAR inaugurandus, cum Augustâ coniuge, & LADISLAO Pannoniæ Rege, eodem aduenisse fertur; nequid ad summam festiuitatem aut magnificentiam deesset. Quibus porro cærimoniis in Urbem recepti sint, quibusue inaugurati, in eo Libro fusè describitur quem *de Ritibus* R. E. Christophorus Marcellus LEONI x. Pont. dicauit. Qui auctor in Anni ratione cum Turfellino conuenit: Platina biennio post id factum mauult: qui & casum illum lacrymabilem describit, quò in ponte Vaticano è consternatione subitâ compressâ multitudine ducenti homines, cum iumentis aliquot, suffocati; multi etiam à lateribus pontis in flumen deiecti, periere. Eodem anno Pontifex BERNARDINVM SEBENSEM è Franciscanâ Familiâ Diuorum Factis adscripsit, vt in NICOLAI Epitaphio notatum habetur his verbis:

T. 1176



Tum BERNARDINO statuit sua sacra SE-  
NENSI,

*Sancta IVBILEI tempora dum celebrat.*

In Platinæ exemplaribus sic vulgò habetur: sed in exemplo eiusdē Epitaphij alio, quod à Iacobo Villerio I. C. accepi, IOBELÆI habebatur. quæ *ἰοβελῆος* et si Fl. Iosepho in Antiquitatibus, D. Hieronymo in Epistolâ ad Galatas, Nauarro, Riberæ, aliisque viris eruditissimis probetur; vsus tamen (vt præmissi) Ecclesiæ alteram pro-  
bavit, quòd res omnium rerum lætissima iubi-  
lanti voce aptius significaretur. Neque etiam  
adeò necessarium est vt deriuata vocabula pri-  
migenij sui elementa sic incorrupta seruent, vt  
non aliquid *εὐφωρίας* causâ interdum conce-  
datur. Mira NICOLAI Principis diligentia in  
viis Italiæ tutandis peregrinantium commodo,  
mira pietas in Supplicationibus anno Sacro ob-  
eundis, mira in annonâ curandâ sollicitudo ab  
Historicis describitur: vt quantum Doctrinæ  
laude, ac Doctorum virorum suscepto patroci-  
nio, paucos sibi in summis Infulis pares habuit;  
ita Pietate ac vitæ probitate non minùs com-  
mendari, ac velut in exemplum proponi, me-  
reatur.

Successit Solemne SIXTI IV. Pontificis  
item egregij, xxv. pòst Anno, qui eius Seculi  
LXXV. fuit, celebratum. Is decreto PAVLLI  
II. Veneti primus obsecutus, Seculum Nouum  
quinque præuertit quinquenniis. Meliùs Chri-  
stianæ R. P. consuli arbitratus si PAVLLINÆ  
iussioni obediretur, xxv. quoque Anno IVBILEO  
redeunte; quòd vnus hominis ætas ter  
illum

SIXTUS IV.  
Anno 1475.



illum *Felicem* attingere posset, in iuuentute nimirum, virili ætate, & senectute. Eam ergo Constitutionem ipse nouo Diplomate, quod Pontificio Iuri insertum legitur, sanctiùs confirmavit: quare multis visus hanc ipse consuetudinem induxisse potiùs, quàm nouo Edicto confirmasse. Quod verò ad Numerum attinet *Quinctum* & *Vigesimum* (nam *Numeros* in re sacrâ non parui faciendos *D. testatur Isidorus*; & quicquid perfectum esset *Numero constare* Pythagorici asseruerunt) is, inter cæteros, à *Mysteriorum Diuinorum* magnitudine multum dignitatis ac sanctitatis accepit. Non defuerunt enim qui *xxv.* die mensis *NISAN*, quem nobis *MARTIVM* esse arbitrantur, Mundi γενεσιν factam assererent: etsi alij *Æquinoctio Autumnali* eam potiùs attribuant: quorum disputationes huc adferre neque nostri instituti, neque otij est. Illud tamen obiter affirmem Naturam ipsam, occultâ quâdam συμπάθεια, Vernam quasi originem testari, quòd ad diem *vii. Kal. Aprileis* Sol primùm diem longiorem nocte producat: quòd vigor plantis, fructicibus, arboribus, animantibus eo tempore redeat: quòd plurimæ nationes *Anni* inde Epocham quasi à temporum radice, desumere instituerunt. Eâ etiam die, quam diximus, *Romani exordium lætitiæ* siue *HILARIA* celebrabant, ob iucundam atque lætam rerum omnium γενεσιν: cum, vt cecinit eximius Poëta, natali etiam Verno fauens,

*Parturit almus ager, Zephyriq; tepentibus auris  
Laxant arua sinus, superest tener omnibus humor.*

Qui

*xxv. de Pas.  
& Rem.*

*Alb. 3. Orig.*

*diffentio.  
Tornellus ad  
ann. Mundi  
@544.*

*Macrobi. l.  
Sat. 6. 27.*

*id.*



Qui Mos ad Persas hodie transiisse videtur, apud quos festus dies Verno tempore celebratur, regali sanè pompâ, NEVRVZ ipsorum linguâ appellatus: quasi *νεφελικον* diceret, aut *Novum Diem*. Eadem Martij die primum hominem è limo terræ creatum D. credidit Athanasius; atque ideò SALVATOREM nostrum CHRISTVM eâ die conceptum, XXV. Decembris natum, iterum XXV. Martij passum, eademque die, summo Mundi tempore, ad iudicandum humanum genus rediturum. De mense ergo Principe Anni Sacri, in ver incidente, meritò præceptum: *Mensis hic [NISAN] vobis principium mensum, primus erit in mensibus anni*. Nimirum quod diem illum dierum principem, cum pluribus Mysteriis aliis, in se contineret. Numerum certè XXV. Pythagorici, quòd Tetragónus esset, in pretio habuerunt, magnamque vim ad humanæ vitæ ætates distinguendas, animumque virtutibus ac religione imbuendum, habere censuerunt. Vnde Herodicus Philosophus, apud Censorinum, *veritas* quas Zenon XXX. Annorum spatio absoluerat, XXV. circumscripsit: *Orbe illo circumacto humanam Naturam à sementi ad sementem reuerti arbitratus*. Polycrates autem, nescio quis, Abrahamo Patriarchæ persuasum fuisse ait, idque Zoroastrem ab ipso didicisse, Quinquagesimo quoque anno Periodum Magnam peragi, siderumque omnium *ἀπὸ τοῦ ἀστέρος*, & elementorum expurgationem hinc sequi: cuius rei fides auctori relicta sit. Meritò igitur in illum Numerum qui & humanæ vitæ commodus, ac Naturæ utilis, & Mysteriorum

Ferdin. Lopez  
l. 2. Ker. nd. 6.

quest. 17. ad  
Annoebum.

Exod. 12.



riorum magnitudine sacer atque perfectus esset, sapientissimi Pontifices SACRVM REMISSIO-  
NIS ANNUM retulerunt: Sapientiam illam cæ-  
lestem, cuius vices in terris gerunt, prouidè imi-  
tati, quæ, sui ipsius testimonio, *omnia in Numero,*  
*& Pondere, & Mensurâ disposuit,* & disposita  
æquabili ac perpetuo tenore gubernat & regit.  
Ut ad SIXTVM redeamus, is eo Anno, quem  
dixi, SACRVM IVBILEVM frequentantibus Vr-  
bem populis, ac FERDINANDO Neapolitano-  
rum Rege eò aduentante, celebrauit. Illi Ponti-  
fex, pietatis causâ, loca lautia in Palatio præ-  
buit, annuumque censum, quem Romanæ Ec-  
clesiæ pendebat, remisit. Eodem Anno, quòd  
Deus Romanis Sacris faueret, ingentem cladem  
Othomannico populo, à Stephano Moldaviæ  
Duce, illatam, ex Annalibus Turcicis Leoncla-  
uij Miræus noster in Chronico obseruauit.

Sap. 11.

Platina.  
Horat. Turci.

C A P V T X V I

ALEXANDRI VI. CLEMENTIS VII.  
IVLII III. GREGORII XIII. &  
CLEMENTIS VIII. PONTIFF. An-  
ni Seculares. *Quæ in iis memoratu digna  
summatim expressa. Pulchra instantis  
IUBILEI spes.*

ALEXAN-  
DER VI.  
Anno 1500.



Vnum ALEXANDRI VI.  
Sacerdotium Anno Principe  
CIO. IO. & Solemni IVBILEO  
redeunte nobilitatum est. Quo  
anno tantus vniuersarum gen-  
tium



etium concursus ad Urbem fuit, ut (Velleij in suppl. Ga-  
guini. Aquensis verba sunt) ab eâ, cuius magnitudini Or-  
bis olim impar fuerat, agrè caperentur. Quin &  
omniò Urbe capi multitudinem non potuif-  
se credit, nisi barbaro & inhumano Mediola-  
nensis Ducis facto, aureum numum in singula  
Gallorum capita exigentis, plurimorum Pietas  
fuisset retardata. Cui tamen malo benignè Plat. in Al. 6  
Pontifex succurrit, delictorum veniâ his, qui-  
bus venire integrum non fuerat, per Diploma-  
ta concessâ. Solennem hunc Christianæ Pieta-  
tis annum Natalis CAROLI V. IMP. AVG. in  
Metropoli Flandriæ GANDAVO, & Brasiliani Mir. in Chron.  
Orbis detectio, celebriorem reddiderunt.

CLEMENTI VII. PONT. MAX. idem an-  
nus celebritatem IUBILEAM, & principium  
Dignitatis attulit: quintus enim & Vigintus  
nominati seculi fuit. Quo anno cum horren-  
dorum tumultus, Luthero classicum canen-  
te, in Germaniâ; CAESARIS etiam ac FRAN-  
CISCI Regis bella in Italiâ & Galliâ desæui-  
rent; omniaque peregrinantibus infesta essent,  
rariora exterorum agmina in Urbe conspecta  
sunt. Eoque magis quod iam tum Lutherus sa-  
cristico ore in sacros Ecclesiæ Ritus, & potesta-  
tem Romani Pontificis, debacchatus, quam-  
plurimos à veteri Religionis feruore, ac legiti-  
mis maiorum institutis, auertisset. Quâ tamen  
ætate à Mexicano Rege, sacris tunc primùm Ofor. Hist.  
Orient. lib. 2.  
nostris initiato, & Æthiopiæ Imperatore, missi  
ad CLEMENTEM Legati, multum Ecclesiæ Ro-  
manæ Orthodoxæ, & Apostolicæ Sedi, orna-  
menti ac dignitatis attulerunt.



IVLIVS III.  
Anno 1550.

Eadem felicitate IVLIVS III. ( si Onuphrio credimus ) Pontificias infulas à Solemni IVBILEO, ( quod è Decreto PAVLLINO, in Annum CIO. IO. I. incidebat ) auspicatus, die S. MATTHIAE APOSTOLO Sacrà, apertis, veteri instituto, quatuor Portis ei Solemni initia fecit: eademque, anno vertente, Epiphaniæ die sub vesperam, magnâ cærimoniæ pompâ clausit. Conuenere tunc ad Urbem frequentia populorum, sed ferè Italicorum, examina: quòd Lutherana contagio iam non latis Germaniæ campis clausa, sed vlteriùs euagata, finitimos quoque populos, sacro velut igni, afflâisset ac infecisset. Neque tamen Pontificiæ Maiestati sua dignitas defuit: nam eodem anno innumeri Principum ac Rerumpublicarum Legati ad obedientiam, de more, præstandam; Armeniæ quoque maioris & Assyriæ Patriarchæ, qui se cum Ecclesiâ Romanâ coniungerent, in Urbem venerunt. DEO OPT. MAX. Ecclesiæ defensore, damnum quod Germanica tabes intulerat, in aliis Mundi finibus, nouo Fidei incremento resarciante, ac restaurante. CONCILIUM etiam OECVMENICVM, Tridenti inchoatum, quo velut fulmine Hæreses nostrorum temporum magnâ ex parte profligatæ sunt; sub id tempus non parum promotum pio Pontificis studio, Annales testantur.

Onuphr. in  
eius Vita.  
Maffeijs Hist.  
T. 4. lib. 8.  
Zurvell.

GREGO-  
RIVS XIII.  
Anno 1575.

Post IVLIVM proximè GREGORIUS XIII. religiosissimus Pontifex, statas IVBILEI cærimonias indixit. Non alius ferè Sacer Annus fecundior Virtutum, aut illustrior Pontificiâ Liberalitate fuit. Neque id mirandum in eo Principe,

cipe,



cipe, quem & vitæ sanctitas eximium, & munificentia orbi vniuerso conspicuum demonstra-  
uit. Quantum ipse in Pietatis opera impen-  
derit Statua ei posita declarat, cuius Basi inscri-  
ptum est: SESTERTIVM. OCTINGENTIES. SINGVLARI. BENEFICENTIA. AB. EO. IN-  
EGENOS. DISTRIBUTVM. Quam summam  
pænè incredibilem, eò fide digniorem omnes  
æstimabunt, quòd è rationibus publicis accura-  
tè collecta, & præclaro æternæ gloriæ Moni-  
mento à S. P. Q. R. in Capitolio consecrata sit.  
Anno illo, (quem aduenientium studio & sa-  
crorum religione ac magnificentia eximium  
fuisse, qui spectauerunt, commemorant;) CA-  
ROLVS, Belgicus Princeps, Iuliacensium Ducis  
filius primogenius, in Vrbe Sacrà, summo om-  
nium mœrore, ac præsertim Pontificis, qui pa-  
ternâ eum beneuolentiâ complexus fuerat; ad  
cælites emigravit. Dispari longè fato, sed pari  
tempore, Matthæus Flaccus Illyricus Belgicæ  
& Germaniæ pestis (vt iurè eum Miræus ap-  
pellat) peste Francofurti diem obiit. diceret vi-  
rulentum ingenium Annum istum, Pius omni-  
bus vtilem atque salutarem, cùm diutiùs ferre  
non posset, effugere voluisse.

*Bavon. Ann.  
Tom. 2.  
Stapleton. de  
Magn. Rom.  
Eccles. lib. 2.*

*Steph. Pighius  
Herc. Prodi-  
cio.*

*Miræus in  
Chron.*

Pontificatum CLEMENTIS VIII. ALDO-  
BRANDINI Annus Secularis ∞. 1000. magis  
illustrem reddidit. Quo tantus, pietatis ergò, vn-  
dique concursus fuit, vt in vno ad Pontem Si-  
xtinum Xenodochio quatuordecim hospitem  
millia, in singulos pænè dies, numerata cen-  
seantur. Iis alendis ipse Pontifex è Sacro Ærario  
millenos aureos cottidiè elargitus est. Supp lica-

*CLEMENS  
VIII. Anno  
1600.*



tiones diuersarum gentium sumptuosissimæ ac numerosissimæ toto anno habitæ : adeò vt viginti septem hominum millia in iis conspecta, & recensita ferantur. Fama eius Solemnis adeò apud omnes peruagata est, vt Principes etiam non pauci, maximi stemmatis, etsi Calvinianâ aut Lutheranâ superstitione implicati, ad illud coràm spectandum, & admirandum, accurrerint. Et certè spectatu & admiratu digna fuit quâ Principum Ciuiumque Romanorū insignis & verè Christiana in exteros omnes beneuolentia ac benignitas; quâ ipsius Pontificis, Tempa cum Purpuratorum cœtu obeuntis, & Deo pro Salute Publicâ cum lacrymis supplicantis, pauperes etiam peregrinos communi mensæ adhibentis, iisque ministrantis, aliaque religiosa opera, saluberrimo exemplo, facientis, pietas ac sollicitudo. Cuius Pontificis Memoriam vti augustam sanctamque Christiani omnes meritò semper habebunt; ita gratias DEO agere conuenit immortales qui Nouo Seculari Nouum Pontificem prouidit, OCTAVI pariter cognomine dictum, iisque meritis ac virtutibus quæ Muneri & cognomento isti conueniant, insigniter exornatū. Sicuti enim in Ogdoade *novъ селіаща* est, eoque Numero summa Beatitudinis ac Sanctitatis continetur; meritò is quem Dignitas S A N C T I S S I M V M, Virtus BEATISSIMVM facit, V R B A N V S O C T A V V S, ANNO S A N C T O S A N C T O R V M C O M M V N I O N I præsidens, ea de se Religionis exempla pollicetur, quæ verecundia ipsius exprimi non finit; vita autem purè & innocenter

cubica foli-  
ditas.

in



in hanc vsque diem acta, ab vniuersis iubet  
exspectari.

## CAPVT XVII.

ANNI SOLENNIS ROMANI *indictio.*

*Quando ea fieri solita. Ex occasione de  
IVBILEO MYSTICO triplici actum.*

*Typus Hebræorum in Secundo Mystico  
expletus. IVBILEVM MAGNVM, vel  
SABBATVM SABBATORVM.*



Sicuti Remissionis Annus apud  
Hebræos die festo Propitiationis  
Anni Noni supra Quadragesi-  
mum, clangore buccinarum, &  
præconio septem Sacerdotum,  
indicebatur; ita apud Christianos die post so-  
lenne Paschæ Quadragesimo, qui ASCENSIONI  
CHRISTI sacer est, publicari, & in futurum an-  
num è *Porticu Vaticanâ* proclamari solet. Atque  
ita hoc ipso Anno *CIO. IOO. XXIV.* in Vrbe  
factum, datis ad me litteris Vir clarissimæ eru-  
ditionis ac Virtutis IOANNES BAPT. LAVRVS,  
VRBANO VIII. PONT. à cubiculis, significa-  
uit. Quæ res, vti reliqua Sacratissimi Solennis,  
neque Mysterio, neque religione caret. Vt enim  
CHRISTVS in cælum ascendens, Morte, Dæmo-  
ne, Mundo triumphatis, *captiuam duxit captiui-*  
*tatem, dedit dona hominibus;* ita Romanus Ponti-  
fex, Vicariâ eius potestatem gerens, LIBERTATEM

*Ephes. 4.*



à vinculis iniquitatis, & DONA cælestis Indulgentiæ, cum vniuersâ Fidelium Societate benignissimè impertienda, prænunciat. Hic est enim Annus ille Diuinæ Misericordie, ac Beneficentiæ, de quo per Regem Prophetam dicitur: *Benedices corona anni Benignitatis tuæ, & campi tui replebuntur vbertate. Pinguescent speciosa deserti, & exultatione colles accingentur.* Et per Ieremiam cap. XXXI. *Propitiabor iniquitati eorum, & peccati eorum non memorabor amplius.* Merito certè illo tempore publicatur in Vrbe I V B I L E V M, quò olim primùm in Ecclesiæ primordiis denunciatum, & expletâ Veteris Testamenti Figurâ celebratum est. Quod vt distinctiùs, quisquis hæc leget, intelligat; Triplicis I V B I L E I M Y S T I C I, à nobis obseruati, explicationem proponam. Primum est Sacrosanctum illud (à quo tamquam Fonte cætera omnia profluxerunt) à Prophetis Buccinatoribus, & D. IOANNE BAPTISTA qui *Vox clamantis in deserto*; ab Angelis *pacem* in Bethleem annunciantibus, & ab ipso Prophetarum summo CHRISTO SALVATORE, cum Sabbatho in Synagogam introisset, indictum: & ab eo qui indixerat in Arâ crucis, vbi *Chirographum* damnationis nostræ suffixum est cruci, misericorditer consummatum. Formula verò, quâ in eo indicendo vsum refert DOMINVM Lucas, talis est in Isaiæ vaticinio: *Spiritus Domini super me, eò quòd unxerit Dominus me, ad annunciandum mansuetis misit me, vt mederer contritis corde, & predicarem captiuis Indulgentiam, & clausis apertionem; vt predicarem Annū placabilem Domino, & diē vltionis Deo nostro.*

Annum

*psalm. 64.*

*Luc. 3.*

*Ioann. 1.*

*Luc. 2.*

*ibid. 4.*

*coloss. 2.*



Annum certè Placabilem prædicauit Dominus  
 Ecclesiæ Sponsæ suæ dilectæ; Diem Vltionis Sy-  
 nagogæ quæ ipsum repudiauit. Annum Placa-  
 bilem Orthodoxis omnibus intra fines Ecclesiæ  
 consistentibus; Diem Vltionis ab Ecclesiâ Ca-  
 tholicâ, & doctrinâ eius ac communione, re-  
 motis. Annum Placabilem Christianis, occasio-  
 ne tantâ vtentibus, & cum verâ cordis contri-  
 tione ac gratiarum actione illud celebrantibus;  
 Diem Vltionis *cessantibus conuerti ad Dominum* Matth. 24.  
*Deum suum,* & cum inutili seruo dormientibus,  
 aut in crapulâ & luxu *diem salutis,* & *tempus* 2. Cor. 6.  
*acceptabile,* transigentibus. Quem verò fructum  
 Ecclesiæ è cruce CHRISTI, & huius impletionis  
 Mysterij perceperit, eleganter ac piè admodum  
 dicitur apud Stephanum Vinandum Pighium:  
 CHRISTVS Seruator noster IUBILEVM & Gratia In Excerpto  
de Iubil. apud  
Fr. Sthozzum.  
*verum Annum, à Iudeis ex Lege per figuram ce-*  
*lebratum nobis attulit, & simul per Euangelium an-*  
*nunciavit mansuetis, hoc est spiritu pauperibus, vt*  
*D. Hieronymus Propheta verba interpretatur. Mis-*  
*sus ad sananda vulnera contritorū, & vt predicaret*  
*captiuis, peccatorūq; seruis Libertatem, clausis aper-*  
*tionem, vel vinculis solutionem. Hic Legis aboleuit*  
*obligationes, & reliqua vetera. Hic primi Parentis*  
*crimine genus humanum, infestissimi hostis seruitu-*  
*ti mancipatum, suâ morte liberauit, peccatorum*  
*vincula soluit, clausos in barathro Patres antiquos à*  
*morte resurgens eduxit, apertaq; cæli portâ Beati-*  
*tudinis Aeternæ thesauros patefecit. Hereditatem*  
*amissam, & felices Paradisi possessiones, caelestemq;*  
*Patriam exulibus nobis, ad eum redeuntibus, beni-*  
*gnè restituit. Alterum è IUBILEIS MYSTICIS*  
 G 5 est



*Psalm. 46.*

est illud, quod à CHRISTO ad Patrem *ascendente in Iubilo, & voce tubæ* pariter indictum, die post Resurrectionem suam quadragesimo, qui ASCENSIONIS memoriâ celebris est; & in die sacro Pentecostes per missionem SPIRITVS SANCTI in discipulos, qui dies post illam Quinquagesimus fuit, impletum. Sicut enim Annus Quinquagesimus IOBELVS erat, uti sæpè diximus, Hebræis; ita dies Quinquagesimus à Paschate SABBATICVS erat, cum post vnde-quinquaginta dierum labores manipulus Primitiarum, in Festo Pentecostes, siue Hebdomadatum, Deo dicabatur. Vnde eruditè apud D. GREGORIUM in Hymnis dicitur:

*Solennis vrgebat dies,  
Quo MYSTICO SEPTEMPlici  
Orbis volutus SEPTIES  
Signat beata tempora.*

Et apud D. HILARIUM Pictaviensem:

*Patrata sunt hæc mysticè  
Paschæ peracto tempore,  
Sacro dierum numero,  
Quo Lege fit Remissio.*

In Manipulos igitur illos Ecclesiæ Præmetiuos, sicut quondam in Patrum hostias, ignis cælestis descendit: non ille quidem ultionis aut vindictæ; sed consolationis, pacis, indulgentiæ, sanctificationis, & gratiæ: qui non modò ipsorum Discipulorum corda suavi flammâ combussit; sed eas statim foras scintillas proiecit, vnde hominum circiter tria millia ad PETRI concionem, veluti facem quamdam Paracleticam, ad moti fidei ardore succenderentur. De cuius

Mysterij

*Act. 2.*



Myſterij præſtantiâ ſic ferè præſtantiffimus ille  
 Doctor: *Venit die PENTECOSTES SPIRITVS S.*  
*in centum viginti homines congregatos, in quibus &*  
 APOSTOLI omnes erant: qui illo adimpleti, cum lin-  
 guis omnium gentium loquerentur, plures ex iis qui  
 aderant ſtupèfacti [concionante PETRO, & testi-  
 monium Reſurrectionis DOMINI perhibente]  
 compuncti corde conuerſi ſunt, & tanti ſanguinis,  
 tam impiè atque immaniter fuſi, INDVLGENTIAM  
 perceperunt, ipſo redempti ſanguine quem fuderunt.  
 CHRISTI enim SANGVIS ſic IN REMISSIONEM  
 PECCATORVM OMNIVM fuſus eſt, vt ipſum etiam  
 peccatum poſſet delere quo fuſus eſt. Hactenus D.  
 AVGVSTINVS: qui meritò verbis INDVLGENTIÆ  
 & REMISSIONIS in Myſterio hoc interpretan-  
 do vſus. Eo namq̃ue Myſterio perfecto Veteris  
 IUBILEI Typum expletum fuiſſe (non vt Caieta-  
 nus, & alij opinantur, in ſtato ſiue Ordinario ho-  
 dierno) cum doctiſſimo & acutiſſimo Nauarro  
 antè aſſeruimus. Atque hinc credo Ritum illum  
 in Eccleſiam Romanam introductum, quo IUBI-  
 LILEVS ANNVS in Vaticano propylæo antè  
 promulgatus in Lateranenſi Baſilicâ ipſo Pen-  
 tecoſtes denuò publicatur: totius ferè Urbis  
 Collegiis, Sodalitiis, & *ſecularis* (vt hoc etiam  
 anno ſeruatum) aſſiſtentibus. Pulchrâ etiam ra-  
 tione eadem Eccleſia, CHRISTI Sponſa, IUBI-  
 LILEVM eâ luce primùm indicit, quâ ipſe Sponſus  
 è terris abiturus illud Diſcipulis ſuis publicauit:  
 hoc eſt, *Spiritum Libertatis*, in quo clamamus  
*Abba pater*, breui mittendi promiſſionem fecit.  
 Tertium ac poſtremum IUBILEORVM MYSTICO-  
 RVM eſt, quod in voce Archangeli, & in voce Tuba,

Auguſtin.  
 Tractatu 74.  
 in 1028.

Rom. 8.

1. Theſſ. 4.

peractâ



peractâ rerum humanarum Hebdomadâ pro-  
 clamandum Christiani omnes expectant : cum  
 scilicet ECCLESIAE MILITANTIS laboribus ex-  
 pletis, & peregrinatione laboriosæ huius vitæ  
 decursâ, aperientur Portæ Triumphales ÆTER-  
 NÆ IERUSALEM, & intromittentur ad Nuptias  
 agni, qui de potestatibus tenebrarum harum, ac spi-  
 ritualibus nequitia, super aspidem & basiliscum am-  
 bulantes, triumphare meruerint, & in horrendo  
 Tribunali vocem illam optatissimam audire:  
 Venite benedicti Patris mei, accipite Regnum quod  
 paratum est vobis à constitutione Mundi. Quod ip-  
 sum Regnum, vel SABBATVM, vel IVBILEVM MA-  
 GNUM, meliori iure quis possit appellare, quàm  
 illud quod in Veteri Lege SABBATON SAB-  
 BATON, Mysticâ, futuri in requie beatorum  
 æterni Sabbatismi, signatione celebrârunt. De  
 quâ verè desiderabili requie dictum est à Gen-  
 tium Doctore : Itaque relinquitur Sabbatismus  
 populo Dei. Qui enim ingressus est in requiem eius,  
 etiam ipse requieuit ab operibus suis, sicut à suis  
 Deus. Et à D. Ioanne in Mysticâ Apocalypsi:  
 Amodò iam dicit Spiritus ut requiescant à laboribus  
 suis: opera enim illorum sequuntur illos. Sequuntur  
 illos non ad onerationem, sed ad remuneratio-  
 nem : labores enim manuum suarum beati mandu-  
 cabunt, & quæ hîc seminauerint in lacrymis, ibi  
 in exultatione metent. Atqui ista *ωρεὶ νευσικῶν ἰοβῆν*  
*δαίτων* dicta sufficiant.

Apoc. 19.

Ephes. 6.

Psalm. 4.

Matth. 10.

1. Hebr. 4.

c. 14.

Psalm. 127.

Psalm. 125.



## CAPVT XIIX.

*Ritus aperiendæ PORTÆ SANCTÆ,  
eiusq; Rei Symbola, ac Mystera. Votum  
pro Salute R. P. Christianæ.*

**I**ndicto iam IUBILEO (quod Se-  
de vacante Pontificiâ, etiam à  
Cardinale Ostiensi indici fas est)  
initium eius Solennis ab apertione  
PORTÆ SANCTÆ sumitur. Sic au-  
tem vocatur in Vaticano Templo Porta illa,  
quæ muro lateritio à Pontifice finito Anno I-  
BILEO clausa, Crucis signaculo, certisq; qui-  
buldam cærimoniis consecrata, non nisi Anno  
proximo Sacro ab eodem recludi solet. Pari  
cognomento sunt illæ, & eidem Ritui subser-  
uientes, quæ aliis in Ædibus per Cardinales  
Symmystas eadem horâ patefiunt. In Æde vi-  
delicet D. PAVLLI, vltâ Ostiensi; in Constanti-  
nianâ, SALVATORIS; in Exquilinâ; D. VIRGI-  
NIS ad Niues. Atque ita Quaternarius Nume-  
rus pulcherrimo huic Ritui dicatus: de quo mox  
ampliùs dicemus. Potiori autem ratione Quat-  
tuor hæ Portæ, per quas ad DIVINÆ MISERA-  
TIONIS ac CLEMENTIÆ adyta introitur, SAN-  
CTITATIS nomen sibi vindicant, quàm *Muri ac  
Portæ ciuitatum*, quas idèò SANCTAS esse I. C.  
arbitrati sunt quòd pœna capitis legibus sancita  
esset in eos, qui violare auderent. quâ lege Re-  
mus,

*Hel. Zacchini.  
c. 4. de Indulge.*

*Seephan. Pir-  
ghius in Ex-  
cerpto de Ind.*

*I. Sanctum.  
8. & 9. & L. f.  
quis. ff. de reg.  
diuis.*



*Idem, lib. 1.  
Ouid. 4. Fast.  
Florus c. 1.  
Lucan. lib. 1.*

mus, Romuli frater, quod vallum à fratre in  
condendâ Vrbe positum, quasi irridens, trans-  
siliisset, necatus est. atque ita (si Dls placet)  
*Sancti illi*

*Fraterno primùm maduerunt sanguine Muri.*

*Psalm. 50.*

Si ergo quiddam religionis ac sanctitatis affer-  
re illis potuit periculum effusi sanguinis, &  
pœnæ; quantò magis amabilis Clementiæ titu-  
lus *Sacrofanctas* eas *Portas* efficiet, per quas pœ-  
na euaditur æterna, & de sanguinibus liberan-  
tur omnes illi qui *DEVM salutis suæ* fideliter  
per illas ingressi salutauerint? Quàm Sacræ  
erunt ac Religiosæ *Porta Sion*, *Portæ cælestis*

*Psalm. 86.*

*Afyli* in *Arce Romanâ*, quas *Dominus* diligendas  
propofuit *super omnia tabernacula Iacob*? Magis  
certè crescet earum in religiosis animis Sancti-  
monia opinio, si Ritus, quo aperiri illæ solita,  
è *Stephano Pighio Solennis Gregoriani* inspe-  
ctore, breuiter indicauero. Eius verba hæc sunt  
in eruditissimo libello *Italicae Peregrinationis*:

*Herculeus  
Prodicium  
inscripsit.*

*Non otiosum videbitur quòd orando pulsandoq; Gra-  
tiæ cælestis Portas aperiri posse carimonis [Ponti-  
fex] demonstrat, dum omnibus ordinibus sacris sti-  
patus, maximâ cum pompâ, Portam Basilicæ D. PE-  
TRI, Apostolorum Principis, in Vaticano, semper  
alioquin muro lateritio clausam, Anni illius initio,  
precibus & malleo recludit, atque per eandem Cru-  
cis Sacrosanctæ signum Triumphale, cereaq; bene-  
dicta, S. SPIRITVS lucem mentes illuminantem, ac  
diuini amoris flammam corda succendentem, infert,  
populi multitudine ingenti subsequente. Porrò Mal-  
leus ille (quod Pighio omissum) triplici ictu in  
*Portam Sanctam* à Sacerdote Sanctissimo inflig-  
gitur:*



DE ANNO IUBILEO. III

gitur: quo Christianis indicari solet, non languidas quasdam aut remissas ad Remissionem scelerum consequendam preces adhiberi oportere; sed vehementes, calidas, frequentes: quod *regnum calorum violenti rapiant*, & vim Deo in- Matth. 11.  
 ferre, citra tamen importunitatis periculum, à Diuinâ Sapientiâ edocti sumus. Ternus etiam ictus præter Sacratissimæ Trinitatis mysterium, à quo *omne datum optimum, & omne donum perfe-* Jacob. 1.  
*ctum*; triplex illud Gaudium non obscure significat quo Cælum, Terra, & Ignis Purgatorij loca Anno Sacro adueniente meritissimo exultant. In Cælo namque gaudium est beatis illis mentibus *super tot peccatoribus saluari Pœni-* Mat. 18.  
*tentiæ* lauacro lustrandis & expiandis. In Terrâ ipsis peccatoribus, seu *peccati seruis*, quorum instat redemptio. In igne Purgatorio, cum animæ illhïc detentæ vi supplicationum & precum, quæ Anno illo Sacro toto passim Orbe funduntur, à grauissimis incendiis ad *Torrentem æternæ Voluptatis* se perducendas sperant. Psalms. 35.  
 Enimverò Gaudio illi in terris participando tres necessariae sunt Pœnitentiæ functiones, *Confessio, Contritio, Satisfactio*. Satisfacimus etiam per tria Pietatis opera in Diuinis Libris præcipuè Tobie pva. serim 12.  
 commendata, *Ieiunium, Orationem, Eleemosynam*; quæ & peccati foeditatem extinguunt, & Portum cælestis Regiæ, *in quam* nihil immundum aut *coinquinatum* ingreditur, pœnitentibus aper- Aper. 21.  
 riunt. Portæ igitur Sacræ quattuor eodem tempore, diuersis in *Ædibus*, incipiente IUBILEO, patefiunt: pridie scilicet *ñs deo parvitas* seu Dominici Natalis. Quod tempus potissimum delectum



2. Lucidus de  
die Pass.  
Dom. c. 3.  
Ioann. 12.

Incarnatione.

644.

lectum est, vel quòd plerique Christiani, Anni principium hinc sumant Dionysij Exigui methodum secuti; vel quòd à CHRISTO, qui ostium & ianua vitæ est intromitti ad illam speremus; vel quòd eius in terram descensu, & *εισαγωγῆς*, omnis Libertatis ac Remissionis gratia ad nos deriuata sit. Neque mysterio caret in CHRISTI, D. VIRGINIS, & APOSTOLORVM Templis hanc cærimoniam fieri, cùm iuxta Filium Sacratissima Virgo etiam *Porta Cæli* sit, per portam illam *clausam Principi* apud Ezechielem signata, per quam solus Dominus Deus Israel ingreditur. Apostoli etiam, maximè illorum Principes PETRVS & PAVLLVS, Portæ fuerunt, per quas omnis credentium multitudo in Ouile Dominicum introit. De quibus Portis, piè magis quàm eleganter, quondã cecinit Venantius Fortunatus.

*Italiae Mundiq; caput quos ROMA retentat,  
Vrbs vel Alexandri, aut Antiochenus ager,  
Quos Oriens, Occasus habet, quos Africa, & Arctos,  
Quosq; sepultat humus, cingit & Oceanus;  
Natio, gens, populus, regiones, agmina, Reges,  
Vndiq; currentes ad noua dona Patris;  
Aethiopes, Thraces, Arabes, Dacus, Indus, Alanus,  
Aurora & Vesper, Persa, Britannus adest:  
Intrantes in regna Dei, pietate redempti,  
Gaudia visuri Regis in arce poli:  
Quos recipit sacra Porta PETRI, quos ianua  
PAVLLI,  
Postis ad ANDREAE limen Achaia patet.  
MATTTHEVS Aethiopes, Ephesinos valua IOAN  
NIS,  
Et quem quisquis amat hunc sua Porta regit.  
Eas*



Eas etiam Portas è *singulis margaritis* fabricatas, in circuitu cælestis Hierusalem, duodenario numero vidisse se testatur in suâ Pathmicâ visione D. Ioannes Apostolus: & in his *Angelos duodecim* Apoc. 21. velut custodes appositos, & *nomina inscripta, quæ essent nomina duodecim Tribuum filiorum Israel.* Consuetudinis verò receptæ est Anno Solenni per solam Portam Sacram in Templâ ingredi, quòd non alia ad Salutem pateat via, nisi ea quam CHRISTVS Redēptor N. Beatissima eius Parens, & Sanctissimi Religionis nostræ Principes, in vnâ ac verâ Ecclesiâ Romanâ Catholicâ, quæ in semitas erroris numquam declinavit; extra quam, velut olim in Diluuiò, extra ARCAM NOE, nulla salus reperitur; primi ostenderunt. Anno autem elapso, eadem ferè die quâ apertæ fuerunt, solenni Ritu, nouis tamen cærimoniis, occluduntur. De quibus Cærimoniis aliquid parco attingere, quòd arbitrariæ potius sint, quàm certæ vel conceptæ, vt ab iis quæ apud Nauarrum & alios de his adferuntur, intelligi datur. Illud tamen Theologi per occlusionem Sacræ Portæ significari volunt, eum qui ad cælestia Regna per IUBILEI Gratiâ admissus sit, stabili eorundem possessione fruiturum, neque vniquam illa amissurum, aut inde egressurum. Illud etiam, dum hîc viuimus seriò viuendum nobis esse, neque vllam Salutis acquirendæ occasionem negligendam; ne (quod olim de gente Phrygiâ dictum) serò sapiamus: aut durum illud cum fatuis Virginibus *ἄνευ αὐτῶν* audire cogamur, *Nescio vos: serâ cælestis Misericordiæ, ad surdas ac inanes preces, in perpetuum*

*Mart. Nauar.  
in fine Con-  
de Iubil.  
Ecl. Zecchini  
ibid.*

*Mart. 25.*

H tuum



114 IUSTVS RYCVIVS

tuum obfirmatâ. Voto finiendum hoc caput  
est, & inter religiosissimas cærimonias PRO  
SALVTE R. P. CHRISTIANÆ solennis Formula  
concienda:

FAXIT. DEVS. OPT. MAX.  
PACIFICATOR. ÆTERNVS  
SICVT  
OLIM. IN. PROFANA. RELIGIONE  
PACE. TERRA. MARIQ. PARTA.  
AVGVSTVS. IMP.  
IANI. GEMINI. PORTAS. CLVSIT.  
I T A  
VRBANVS. OCTAVVS  
RELLIGIOSISS. PONTIFEX  
DISSIDIIS. PRINCIP. CHRISTIANOR.  
COMPOSITIS. HOSTIB. ECCLES. ET  
IMPERII. ROM. PERDVELLIB. TOTO  
ORBE. TERRAR. DEBELLATIS  
NOVI. SECVLI. PORTAS  
FELICITER  
APERIAT. ET OBSIGNET.

CA-



## CAPVT XIII.

*Quenam Basilicæ Anno Sacro visitandæ:  
earum Elogia ac Tituli. Quaternario re-  
ligiosam, in Vrbe, περίοδον absolui. Diui-  
num eum Numerum esse, atque ideò Diui-  
nis rebus meritò accommodatum.*



Vaternis in Basilicis, quarum præcipua est VATICANA, τὰς ἱερὰς πύλας aperiri diximus; quæ cærimonia illhic fieri consuevit, quod eæ, præ cæteris, à Pontificibus delectæ sint, quibus adeundis, pieque inuisendis, Triginta diebus Romani ciues; quindecim exteri & peregrini, iis que continuis vel interpolatis, occupari iubeantur. Solas Basilicas APOSTOLORVM PRINCIPVM, ad Remissionem hanc consequendam, inuisere antiqui præcepti fuit; mox duæ aliæ adiectæ sunt, legitimis de causis, & Mysticâ Quaternarij Numeri in re sacra commendatione. Constantinianam D. SALVATORIS IN LATERANO CLEMENS VI. D. VIRGINIS AD NIVES, in Esquilis, posteriores Pontifices addi statuerunt. LATERANENSIS Ecclesiæ elogium, quod in Diplomate Clementino legitur, operæpretium fuerit adscribere: cum ad ipsius dignitatem augendam maximè conducatur, & causas eas exponat, quibus à Pontifice cæteris prælata sit ad piorum

Sacras P. 622.



hominum frequentationem . Id verò tale est: **LATERANENSEM ECCLESIAM**, quam inlyta recordationis **CONSTANTINVS**, postquam per **B. SILVESTRVM** (sicut per eosdem **APOSTOLOS**, **DEO** reuelante, cognouit) renatus fonte Baptismatis fuerat, & à contagio Lepræ mundatus, in honorem **SALVATORIS** construxisse; quamq; idem **B. SILVESTER**, nouo Sanctificationis, & Chrismationis genere, dedicasse legitur; & in cuius Ecclesiæ parietibus præfati **SALVATORIS** imago depicta primùm toti **Populo Rom.** visibiliter apparuit, deuotius visitanda: quam ex his & aliis, certis & rationalibus causis, vt ipsa Ecclesia pariter **INDVLGENTIÆ** prædictæ priuilegio decoretur; & deuotus ab eodem **SALVATORE**, qui in præfatis **APOSTOLIS** [**PETRO & PAVLLO**] mirabilis prædicatur, eorū precibus & meritis **Indulgentiæ** mereatur percipere largitatē; in hoc cõsumus venerandam. Honorifica etiã sunt quæ de eadem **Basilicâ** apud **Petrum Cardinalem Damianum**, & **Episcopum Portuensem**, scribuntur his verbis: **Lateranensis Ecclesia**, sicut **SALVATORIS** est insignita vocabulo, qui nimirum est caput omnium electorum; ita **Mater**, & quidam apex & vertex, omnium per **Orbem Ecclesiarum**. Idem in Epistolâ ad **Cadaloum**, eandem **Sanctam Sanctorum**, & **Ecclesiam Ecclesiarum** vocat. Vt iure optimo vnâ cum **Apostolorum Basilicis** visitari iussa sit, quo veteri Priuilegio, vnâ cum ipsis, omnium, per totum orbem, **Ecclesiarum principatum** obtinuit. Variis autem, vario tempore, nominibus eandem appellatam reperimus. Nam & **LATERANENSIS** dicta, à veteribus fundi possessoribus **LATERANIS**, quos egregias heic ades habuisse

in epist. ad  
Card. S. R. R.



buisse è Satyrico Aquinate notum; & CONSTANTINIANA, à conditore August. heic baptizato; & D. IOANNIS, ab eius βαπτιστηρια, binisque sacellis SS. BAPTISTÆ & EVANGELISTÆ quondam adiunctis; & Basilica IULII, è Baronianâ opinione; denique SALVATORIS, ab admirandâ Diuinæ faciei in pariete depictæ, coram Populo vniuerso, φανερώσει. Vulgò certè D. IOANNIS IN LATERANO nomen possidet. Neque id adeò nuper ei datum, aut natum esse, apud Bedam videre est, qui in Chronologiâ ad annum Mundi C. D. CC. LIX. hæc scribit: CONSTANTINVS fecit Romæ, vbi baptizatus est, Basilicam B. IOANNIS BAPTISTÆ, quæ appellata est CONSTANTINIANA. Item Basilicam B. PETRO in Templo Apollinis, necnon & B. PAVLLO, corpus viriusque ere Cyprio circumdans. & quæ ibi sequuntur. Opinio autem Baronij de nomine Basilica Iulia, vereor vt satis fida aut firma sit. Baptistes enim Platina, qui è Veteribus Monumentis priorum Pontificum vitas descripsit, in BONIFACIO PRIMO Basilicam Constantinianam à Iuliâ diuersam ponit: quem, si libuerit, videbis. Facit ad Ecclesiæ huius dignitatem eximiû illud Priuilegium, quo præ omnibus Urbis & Orbis Templis dotata est; nimirum Sedem Episcopalem ROMANI PONTIFICIS, qui EPISCOPORVM est EPISCOPVS, in eâ collocatam. Vnde, veteri consuetudine, amplissimo Purpuratorum ordine, & dignissimo quoque Romanæ Ciuitatis comitante, electus Pontifex eò deuchi solet, vt illhîc Nouæ Dignitatis insignia capiat. Quanti verò Sacræ suppellectilis thesauri, quanta

in Martyrol.  
ad diē 9. Nov.

apparitione.



Reliquiarum *κειμήλια*, cū in hac, tum in reliquis Urbis Dominæ, ac præsertim Septem illis celebratissimis Ecclesiis contineantur, si quis nosse exactius voluerit, ij Scriptores adeundi sunt, qui de Re sacrâ Urbanâ peculiare commentarios ediderunt.

APOSTOLORVM Basilicæ, PETRI in Vaticano, PAVLLI in viâ quâ Ostiam itur (quarum ex Bedâ meminimus) loca illa sunt, quæ, vt Cassiodorus ait, *videre Vniuersitas appetit*, ROMA in suis finibus habere promeruit. Has Apostolorum Tropæa Caius vetustissimus Theologus dixit, quod illhic, de Tyrannide & Superstitione debellatis, velut æterna Victoriæ suæ Monumenta Heroes illi fixissent. Quem imitatus D. Hieronymus ita loquitur in Epistolâ ad Marcellam: *Est ibi [Romæ] sancta Ecclesia, sunt Tropæa Apostolorum & Martyrum*. De hac victoriâ etiam pulchrè Historia Apostolica Aratoris:

*Dignaq; materies PETRI PAVLLIQVE corona  
Caesareas superare minas, & in arce Tyranni  
Pandere iura poli, summumq; in agone Tribunal  
Vincere: ne titulos paruos contingeret hostis.*

Confessiones olim dictæ, & Memoria, ac Martyria Apostolorum, quod in his Ædibus sacrosancta *λείψανος*, & venerandos cineres contineret. Ad hos cineres olim, atque hodie, ex vltimis etiam Orbis finibus Votivæ peregrinationes susceptæ: hosce visitantibus omni æuo magna priuilegia concessa: ad hos Regum ac Principum donaria sumptuosissima trāsmissa: hos Reges ipsi ac Principes deposito in terram diademate proni adorârunt: hisce CONSTANTINVS IMP. duodecim  
terre



terre cophinos propriis humeris gestavit: ad  
 hoster, summâ cum religione, CAROLVS MA-  
 GNVS AVG. profectus est: hósce tantâ cum de-  
 missione coluerunt olim Christiani vniuersi, vt  
 eos accessuri supplices in limine procumberent,  
 & osculo ei impacto sacrum puluerem deliba-  
 rent. Hanc insignem maiorum nostrorum pic-  
 tatem nemo meliùs laudabit, quàm qui imitabi-  
 tur; nemo certius cognoscet, quàm qui nouis  
 exemplis exprimere tentabit. Atque vtinam!  
 vtinam! exprimant, & imitentur permulti, vt  
 hoc Mundi senio ostendamus nondum omnem  
 elanguisse Virtutem; & cum ingenti nostro bo-  
 no APOSTOLICI vim PATROCINII, quâ pu-  
 blicè, quâ priuatim, experiamur! Cæterum BA-  
 SILICAE VATICANAE amplitudinem, magni-  
 ficentiam, *ἄρχιτεκτονικὴν*, opulentiam, describere  
 velle non institutæ breuitatis, sed maximi &  
 longissimi Commentarij opus esset. Ergo de his  
 (quod olim de Vrbe Carthaginiensi non nemo  
 dixit) *silere præstat, quàm pauca dicere.* VATICANI  
 enim TEMPLI maiestas vt Ingenia omnia supe-  
 rat, ita etiam stili nostri angustiam maior est. Ne-  
 que immeritò Persarum Legati, quos ad PAUL-  
 LVM V. PONT. missos Romæ spectauit, dixisse fe-  
 runtur: *Non id humanarum manuum, sed summi*  
*Architecti DEI sibi opus videri.* Erit tamen for-  
 tasse aliquis *ἄξιός τῃ δόξης* qui pro dignitate dignus populo.  
 eius facundum calamum stringat, & omnia Ve-  
 terum Ædificia, Tempia, Theatra, Amphithea-  
 tra, Mausolæa vni Vaticanæ Magnificentiæ ce-  
 dere debere, immortalibus Ingenij sui moni-  
 mentis, ostendet.



Optimo etiam iure à PAVLLO II. & SIXTO IV. Pontificibus illud Templum Supplicationibus adiectum est, quod D. VIRGINI in Esquilis, prodigiola Niue designato Templi loco, dedicatum est: ne Patrocinio Virginis destituerentur, qui VIRGINIS FILIVM eiúsque Vicarios APOSTOLOS, ac PRÆCURSOREM, in suis Templis propitiare studuissent. Hæc est enim vnica, quæ *Refugium Peccatorum, Auxilium CHRISTIANORVM, Consolatrix afflictorum, Salus infirmorum, Ianua celi, Virgo Potens, ac Clemens, Causa nostra letitia,* per vniuersum terrarum orbem, veris ac conceptis formulis, cottidiè decantatur. Isto ergo Asylo omnibus patefacto, non parum Sacræ Visitationi dignitatis est additum: Pontificibus ordinem Solenniū precū in Ecclesiâ Catholicâ secutis, in quâ prius CHRISTI DOMINI, vt veri Dei, dein Sacratissimæ VIRGINIS, IOANNIS BAPTISTÆ, & SS. Apostolorum PETRI ac PAVLLI, mox reliquorum Diuorum, ex ordine, nomina recitantur. Hanc quoque Basilicam variè quondam appellatam obseruat Baronius: LIBERTI scilicet, à LIBERIO Pont. quem iuxta *Linie macellum*, in V. Urbis Regione eam condidisse tradunt; SIXTINA, vel SIXTIANA, à SIXTO III. (vt alij malunt) Auctore; AD NIVES, ob Niuium miraculum in summis Augusti caloribus illhæc compertum; AD PRÆSEPE, ob pretiosissimū illud pignus è Sacris Palæstinæ locis in hæc Ædē delatum, in quo CHRISTVS infantulus à Virgine reclinatus mysteriū Redemptionis nostræ mirabiliter inchoauit. In quas Redēptoris nostri cunas olim adolescens hoc Epigrammate ludebam:

Semi-

v. Quatmadm.  
ext. de Pæp.  
& Rem.

in Martyrol.  
Rom. ad diem  
s. Aug.



*Semiruto in tecto, glacialis mense Decembris,  
 Quà riget hiberno saucia gutta gelu,  
 Vilia sidereis implet præsepia membris,  
 Cui quondam angustæ sidera molis erant.  
 Sidera, sidereusq; orbis, stupuere deorsum  
 Labentem; atque oculis vix habuere fidem.  
 Quid potuit maius? ligno prostratus inani  
 Ingemit Arctæas plus valuisse niues.  
 Nata salus ligno: gemino Syria inclytæ ligno,  
 Quæ dederat cunas, & dedit illa crucem.*

Inclytæ etiam verè & augusta Vrbs Domina tanto ditata thesauro, longèque fortunatior quàm Vrbs mea Natalis GANDAVVM, CAROLI QVINCTI Imperatoris Maximi cunas, prodigij aut miraculi instar, hospitibus ostentare consueta. Hodie Ædes illa B. MARIAE MAIORIS dicitur, siue ab imagine eius Virginis à D. LVCA depictâ, ibique religiosè adseruatâ; seu, quòd cæteris Parthenicis Templis dignitate ac sanctitate præfulgeat. Pulcherrimâ certè ratione à Pontificibus decretum est; vt populi ex omni Terrarum parte collecti, indictâ, *Quaternarij Numeri* supplicatione, qui religionis plenus, Naturæque vniuersæ est index, ad Pietatis exercitia ardentius inflammarentur. Quòd si religionem eius respicimus, Ternarium imprimis & Vnitatem in se continet, Diuinæ Trinitatis Vniusque Diuinitatis certissimum simulacrum: & in Tetrabiblo Euangelicâ, ac τετραβιβλος Dei nomine mirabiliter consecratus est. Adhæc in quaterno Paradisi flumine, quatuor Animalibus ab Ezechiele conspectis, quatuor Animarum post hanc vitam receptaculis,



totidemq; CRVCIS SALVTARIS protensis lineis, Myſterium ſuum explicat. Prætereà in Quatuor Animi Virtutibus, quas *Cardinales* vocant, in quatuor *IVBILIS* Seculo quoque Centenario redeuntibus, & in quatuor Baſilicis ſacro durate tempore viſitandis, plurimum dignitatis accipit. Index autem Vniuerſi Quaternarius apud Sapientes dicitur, quòd Denarij virtutem, qui

*τῷ ὁμόπλευτος* Symbolum eſt, atque adeò Naturæ totius imaginem in ſe contineat. ſi enim I. II. III. IIII. Numeros, quibus Quaternarius conflatur, deſcripſeris, eoſque ad ſe inuicẽ recto ordine collegeris, Denarius exſurget, vt *Quaternarius ſit actus* (quemadmodum ſapientiſſimus Philo ait) *Denarius potentia*. Porro cùm Denarius Numerorum omnium è Monadè cõpoſitorum finis, meta, ac cardo ſit, atque iſ à Quaternario virtute comprehendatur: ideò hunc Numerum, Numeri omnium abſolutiſſimi fontem ac radicem, meritò vocaueris. Hinc & Pythagorici τῆς τετραδῶν cultores mirifici, *πᾶσαν ἀνάγκη φύσιν, καὶ τῶ πάντων πλῆξιν*, iure appellant: nimirum quòd è quatuor elementis omnia compoſita Naturæ ſuæ originem ac principia huic debere videantur. Quare eundem Numerum τὸν πάντα alij dixere, à quatuor, quæ dixi, Naturæ principiis, à quaternis Mundi partibus, totidemque cæli regionibus, ac Ventorum ſtationibus; vnde multitudinem omnem in magno ac decretorio die olim congregandam, Diuina etiam monumenta teſtantur. Addere liceret de ſacro Quaternarij cubo, eiſque inter Tetragõna antiquitate ac maieltate; de variis eiſ figuris ac Myſteriis; de eius

Vniuerſi.

lib. de Plan-  
tas. Noe.

In Auv.  
Carm. Pythag.  
Quaternionis  
Fontem Na-  
turæ ſemper  
ſuentis, &  
Vniuerſi ra-  
dicem.  
Omnia.



eius in re Musicâ proportionē; de eius in corpore & animo humanis vi ac potestate; aliaque quamplurima quæ in Numero isto admirando mirabilia ac pænè diuina continentur; sed hæc Pythagoricæ Sapientiæ interpretibus, ac Theorices Arithmeticæ Scriptoribus pensiculatiùs examinanda relinquam. Mihi impræsentiarum suffecerit ostendisse, Numerum illum ritè atque ordine Supplicationi omnium Nationum in Vrbe præscriptum, qui Naturæ Vniuersæ imaginem gerit, rebusque Diuinis celebrandis à Diuinâ Sapentiâ, inter primos, est commendatus.

## CAPVT XX.

*Sacra Urbis Stationes. Stantes olim orasse Christianos. Septem Ecclesie. Martyrum Sepulchra; ad ea orare antiquissimum ac piissimum esse. INDVLTARIVM vsus hinc maximè propagatum videri. Eunapij Sardijs, Iuliani Parabata, & Maximi Madaurensis in Christianam Pietatem calumnie.*



**S**TATIONVM (vt præmisi) in Vrbe Româ antiquissima origo est; quas alij ad LEONEM I. PONT. alij ad GREGORIVM referre malunt: dubio ferè semper rerum vetustissimarum principio. Iacobus Seuertius, è  
senten-

*e. 20. de Haer. ref. Sect. 10.*



lib. de Station.

c. Quoniam.  
de Feriis.

De Onoma-  
tographia,  
dictione  
SABBAOTH

sententiã nobilium Theologorũ, nomen à GRE-  
GORIO, & publicationem de scripto esse ait;  
institutum à LEONE. Nomen certè *Stationum*  
apud Christianos planè antiquum est, vt vel ex  
vno Tertulliano liquet; res ipsa LEONE & GRE-  
GORIO Papis fortassè antiquior. A re militari  
desumptum vocabulum Onuphrius putat, eius-  
que imitatione factum vt Pontifices statis qui-  
busdam diebus, maximè Ieiuniorum ac Festis,  
ad Basilicas Martyrum accederent, ibique in  
concionibus habendis, ac *λειτεργείαις*, stantem  
populum detinerent. Stantes autè orauisse tunc  
Christianos, cum ex variis Tertulliani locis, qui  
id *de geniculis adorare* dicit; tum ex isto D. Cy-  
priani apparet, *Sermone de Oratione Domini: Quã-  
do autem stamus ad orationem, fratres dilectissimi,  
vigilare, & incumbere ad preces toto corde debemus.*  
Et ex altero ibidem: *Cogitemus nos in conspectu  
Dei stare.* Quod tamen non perpetuò seruatum,  
sed Dominicis tantum diebus, totoque eo tem-  
pore, quod Paschæ & Pentecostes solennia in-  
teriacet, à doctissimo viro Onuphrio Panuino  
itidem obseruatum est. Atque ita cautum vide-  
mus Decreto ALEXANDRI III. Pont. sic tamen  
*vt in aliis præcipuis Festiuitatibus* idem quoque ob-  
seruandum præcipiat. Fuisse etiam huiusmodi  
voce militari, quæ *SABA* est, apud Hebræos di-  
ctas *custodias*, siue *peruigilia*, à Leuitis alioque po-  
pulo facta ad Tabernaculum Testimonij, & in  
Templo Domini postea seruata, Ballesterus Va-  
lentinus annotauit: vnde fortè Ecclesia nominis  
exemplum mutuata. Nisi fortè altius hanc vo-  
cem repetere libet à Stationibus nimirum Ange-  
lorum,



lorum, in conspectu Domini assistentium & ministrantium, quæ voce Hebraicâ SABAOth exprimuntur; voce, inquam, illâ illustri & nobili, ac Diuinis cognomentis singulariter adscriptâ. Ex illâ Verustatis origine solennes ac statæ in Vrbe Româ ad Diuorum ac Martyrum templa Supplicationes eo nomine censentur: illæ maxime, quas sacro Quadragesimæ tempore summâ cum pietate P. R. in hanc vsque diem obire cōsuevit. Quin totius anni tempore quâ indigenis, quâ peregrinis, Septenarum Stationum in totidem Ecclesiis *αγλὸδ* religiosè circūitur: quòd is numerus Deo acceptus sit, & celebriora Urbis Templa eo ambitu comprehendantur. Sunt verò ista vulgò notissima: S. SALVATORIS in Laterano, S. CRVCIS in Ierusalem, S. MARIE MAIORIS, S. PETRI in Vaticano, S. PAULLI viâ Ostiensi, S. LAURENTII in agro Verano, SS. FABIANI & SEBASTIANI ad Catacumbas. Quæ omnes Stationes, quâ Veteres, quâ Nouæ, ab eo Ritu fluxisse videntur, quo vetustissimi Christiani ad Martyrum aut Apostolorum sepulcra prouoluti reuerentiam iis impendere, & orationes illhic effundere, consueuerant. Quâ in re antiquissimum exemplum est HIPPOLYTI Episcopi Portuensis, antea Arabiæ Metropolitæ, Clementis Alexandrini discipuli; qui eius persuasû Romam veniens Alexandri Seueri principatu, ad Apostolicos Tumulos supplex iacuit; mox Triumphalem Martyrij coronam ad ostia Tiberina cum sociis duobus affecutus. Eumdem Pietatis suæ fructum retulerunt nobilissimi coniuges Persæ MARIVS & MARTHA, cum AVDI-

*Euseb. lib. 5.  
Hystor. Eccl.  
c. 16.*

*Nicoph. lib. 5.  
c. 15.*

*Baron. in  
Martyr.*

*Martyrol.  
Rom. 14. Jan.  
Iurijus & alij.*

FACE



Martyr. Rom.  
5. Julij.

FACE & HABACVM liberis eorum, qui temporibus Claudij posterioris eadem de caussa Romam adierunt. Retulit pariter piissima illa ZOE, VXOR NICOSTRATI Martyris, quæ dum ad Confessionem B. PETRI in Vaticano oraret, sub Diocletiano Imp. à persecutoribus tenta, & gravissimis cruciatibus affecta, purissimum Deo spiritum reddidit. Si quis verò eos enumerare voluerit qui, omniæuo ac tempore, dignitate vel sanctitate eximij, præsertim post CONSTANTINI MAGNI imperium, idipsum præstiterint; is eadem operâ numerare tentet,

Quid.

— quot in æthere sidera lucent,

Paruaq; quot sicus corpora pulvis habet.

Manil.

Vel, — quot eant semper nascetes æquore fluctus,  
Et dilapsa cadant foliorum millia siluis.

sordidatos  
ad eorum  
sepulchra.  
interpretes  
orationum  
apud Deos.

Eam religionem impie nostris hominibus obiecit Eunapius, Sophista Sardonius, qui Alexandrinis exprobrans Serapæi sui demolitionem, & Deorum patriorum contemptum, MARTYRIBVS nihilominus cultum eximium adhibuisse scribit, *μολυνομένους πρὸς ταῖς τάφους*, quòd nimirum *πρὸς βεῖς τῶν ἐπισημῶν παρὰ τῶν θεῶν* sese ipsos habituros sperarent. Obiecit etiam Maximus, Grammaticus Madaurensis, ciues suos item Christianos irridens quòd, spretis maiorum cærimoniis ac Templis, NAMPHANIONIS, quem Archimartyrem vocabant, & sociorum busta frequentarent. cui eâ prudentiâ, facundiâ, ac religione à D. Augustino, gentili suo, responsum est, vt meritò *Stulti* nomen ipse tulerit, qui id Sapientissimis veræ Religionis cultoribus sacrilegâ temeritate

ep. 46.

a ffin.



affingere est ausus. Obiecerat ante illos, Porphy-  
 rij secutus exemplū, impius parabates Imp. Iu-  
 lianus, cuius hæc verba leguntur apud D. Cy-  
 rillum: *Omnia Monumenta [ MARTYRVM ] Chri-*  
*stiani implestis: quamquam vobis numquam dictum*  
*sit aduolui sepulcris, & ea amplecti debere.* Quo in  
 loco, more suo ac desertorum omnium, probare  
 multis contendit, nusquam eum Riturum Diuinæ  
 Scripturæ testimoniis, aut mandato, inculcatum.  
 quod venenum si quis hauserit, ad antidotum  
 confugiat in D. Cyrilli Apologiâ piis omnibus  
 propinatum. Neque mirandum si (quod profa-  
 ni exprobrârunt) aduoluerentur his sepulchris,  
 & amplectererentur ea Christiani, cum sacra Mar-  
 tyrum *λείψανα* sub Altari plerumque sepulta &  
 religionem ipsi darent, & ab eo acciperent. Qui  
 Ritus è Concilio Africano disertè probatur  
 Can. L. quo *Altaria illa, vel Memoria, in quibus*  
*nulla Martyrum Reliquia essent, ab Episcopis euerti*  
*iubentur.* Quod non de hodiernâ consuetudine,  
 quæ Altare aliquod sine sacro pignore dedicari  
 non sinit; sed antiquâ illâ MARTYRVM corpora  
 sub Altari recondendi a Baronius & Panuinius  
 b accipiendum putant: vnde postea magnificen-  
 tissima Templâ in SS. MARTYRVM memoriam  
 Altaribus eiusmodi superinducere moris fuit.  
 Quam verò iustè ac legittimè MARTYRES ho-  
 norarent, quemue fructum ex huiusmodi SS.  
 cinerum *προσκυήσεις* Christiani referrent, ele-  
 gantibus verbis & ardenti pietate D. Ambrosius  
 expressit: *Honoro in carne Martyris exceptas pro*  
*CHRISTI nomine cicatrices: honoro viuientis me-*  
*moriam perennitate virtutis: honoro per confessionem*  
*Domini*

lib. 6. c. 16.  
 contra Iulian.

a in prole-  
 gom. ad Mar-  
 tyr. Rom.  
 b Lib. de Cer-  
 nis. c. 6.

veneratione.

Serm. de SS.  
 Mar. & Celse.



Domini sacros cineres : honoro in cineribus semina  
 Aeternitatis : honoro corpus quod mihi Dominum  
 meum ostendit diligere , quod me propter Dominum  
 mortem docuit non timere . Cur autem non honorent  
 corpus illud Fideles quod reuerentur & demones?  
 quod affligerunt in supplicio , tamen glorificant in  
 Sepulchro? Honoro itaque corpus quod CHRISTVS ho-  
 norauit in gladio , quod cum CHRISTO regnabit in  
 caelo. Cui solutæ orationis testimonio aliud stri-  
 ctæ adiungam ex Prudentij , qui D. Ambrosio  
 σύγγρον & fuit, Libro πρὸς τὸν βασιλέα :

Illitas cruore sancto nunc arenas incolæ

Confrequentant, obsecrantes voce, votis, murmure

Exteri, necnon & Orbis huc colonus aduenit:

Fama nã terras in omneis præcucurrit proditrix,

Heic Patronos esse Mundi quos rogantes ambient.

Nemo puras heic rogãdo frustra cõgessit preces:

Letus hinc tersis reuertit supplicator stertibus,

Omne, quod iustum poposcit, impetratum sentiens.

Tanta pro nostris periculis cura suffragantiũ est,

Non sinant inane vt vllus voce murmur fuderit:

Audiunt, statimq; ad aureis Regis æterni ferunt.

Inde larga fonte ab ipso dona terris influunt,

Supplicum caussas petitis qua medelis irrigant;

Nil suis bonis negauit CHRISTVS vmquã testibus.

Illud verò pessimè Christiani nominis hostes  
 habuit quòd Templã ac Memoriam Martyrum  
 nomini passim erigerentur; Fana ac Delubra  
 Diis erepta ipsis consecrarentur; quòd ad eo-  
 rum Tumulos, neglectis Idolis, vota funderen-  
 tur; Reliquiæ ipsorum in honore haberentur;  
 Feriæ ac Festi dies, eorum Triumphis celebrã-  
 dis, indicerentur. Quos honores cum ipsi Diis  
 suis,

Hemiterium  
 & Chelido-  
 nium.  
 Marit. Cala-  
 guritanos.



(suis, vt notum est, exhiberent; eos mortalibus, & quidem infamiâ supplicij notatis ( vt sacrilegè calumniabantur ) impendi nullâ ratione ferebant. Quorum verè impiam Pietatem plurimî Christianæ Religionis propugnatores, ac præsertim Theodoretus Lib. VIII. *Euangelica Veritatis*, quem *de Martyribus* inscripsit, facundissimis ac neruosissimis scriptis, retuderunt & confutârunt. Quantò magis autem illi, & eorum æmuli Sectarij, debitum sacris pignoribus honorem minuere, & subsannando explodere conati; tantò feruentius *ἐκκλησία θεῶν ζώντων, σὺλῶ τῆς ἀληθείας*, augere illum nouis ornamentis, & Fidelibus populis semper commendare conata. Quamobrem Ritum illum seruans quo Martyres, in mortali adhuc vitâ degentes, *Pacem Delinquentibus* exorare consueuerant; eadem Priuilegia Triumphali Memorix esse voluit, quæ fuerant Vinculis ac Passioni. Thesauros igitur *INDVLGENTIARVM* illhîc orantibus concessit: quos ille lucraretur, qui per Merita illhîc sitorum, at iam in cælo regnantium, Deum inuocans, sibi ac Populo Christiano salutaria precaretur. *Si enim* (inquit lampas illa Ecclesiæ Hieronymus) *Apostoli & Martyres adhuc in corpore constituti possunt orare pro cæteris, quando pro se adhuc debent esse solliciti; quanto magis post victorias, coronas, & triumphos? Cuiusmodi religiosissimis atque antiquissimis DIVORVM MARTYRVVM* Memoriiis cùm Vrbs Sacra, velut cælum stellis, colluceat passim atque resplendeat; dignum se Christiano nomine, & legitimum auitæ pietatis hæredem ostendet, qui Quaternis Basilicis, quas diximus,

Ecclesia Dei  
Viuentis,  
columna  
Veritatis.

vide sup. c. 11

adu. Vigilanz



*Basl. in Psal.  
115.*

salutatis, cursum huc subinde reflectet: veniam delictorum per eorum patrocinia, & Sanctificationis communionem aliquam, per Sanctorum corporum venerationem, adepturus.

## CAPVT XXI.

*Quid RELIQUIAE apud profanos Scriptores, quid apud Christianos. Sacrarum Reliquiarum cultum, pium, utilem, ac vetustum esse. Urbis ROMAE in his possidendis Felicitas.*



Dicere incepimus de RELIQUIIS; pertexamus nonnihil hanc telam, & eò impensius, quòd Anno Romano Solenni Sacri illarum Theauri spectandi proponantur, adeoque ex earum cultu sacra omnis Peregrinatio, & Condonationum largitas, profecta videatur. Et verò quòd ad nomen ipsum attinet, id profanæ Antiquitati incognitum non est, immò inde ad vera nostra Sacra translatum. Vnde legimus apud Vlpianum I.C. *Si in eo monumento, quod imperfectum esse dicitur, Reliquia hominis condita sunt, nihil impedit quòd minus id perficiatur.* Et apud Plinium Iuniorem: *Potentibus quibusdam vt Reliquias suorum, secundum exemplum Procons. transferre permetterem.* Item in veteri Inscriptione, quam fide Iani Gruteri adscribo:

*L. fln. ff. de  
mori. inf.**In apist. ad  
Traian.*

D. M.



D. M.

M. VLPIO. AVG. LIB.

HERMIÆ

PROC. AVRARIARVM.  
CVIVS. RELIQUIÆ. EX  
INDVLGENTIA. AVG. N.  
ROMAN. TRANSLATÆ. SVNT

& sic alibi pluries. Nomine verò *Reliquiarum* apud illos cadauer, aut corpus defuncti integrū, non veniebat; sed alicuius peregrè mortui ossa vel cineres aliò transportati. Atque ideò apud Florentinum I. C. *Corpus & Reliquia* distinctim ponuntur. Corpus enim integrū condi dicebatur, vbi cremabatur. quod valdè eruditè, vt plura alia ad hanc rem facientia, in libris *de Iure a Manium ac b Veteri Pontificio*, Gutherius obseruauit. Proprio igitur ac solenni vocabulo vsus Ælius Spartianus in Hadriano, cū sic de ipso pronunciat: *Post hoc Antiochiã digressus est ad inspiciendas Reliquias Traiani, quas Taitanus, Plotina, & Mattidia secum deferebant.* Peregrè enim mortuum esse Traianum in Orientis expeditione nemo ignorat. Apud nostræ autem Religionis homines & Diui alicuius corpus, & pars inde sumpta, & multa alia corpori extranea, attactu tamen eius sacrata, *Reliquiarum* nomine censentur. Cultum verò, qui eiusmodi Reliquiis adhibetur, in Veteri Lege Moses suo exemplo firmavit, cū IOSEPHI ossa ex Ægypto in terram Chanaan, velut salutis pignus, honorificè secum vexit. Immò Deus ipse, fons omnis pietatis, vt sibi acceptum miraculo sanxit, dum Eliæ pallio Iordanem diuisit, & attactis Elisæi ossi-

a lib. 3.  
b lib. 2.

Exodi 13.  
Clem. in  
const. Apost.

4. Reg. 3. 17.  
23

I 2

bus



Marth. 14.

Actor. 5. &  
19.Greg. Nazianz.  
Carm. Iamb.  
18.  
Eucher. Lugd.  
de SS. Epistod.  
& Alex.  
Baron. ad  
an. 362.

bus vitam mortuo restauravit. Neque minis  
 miranda sunt quæ de ægrotis per fimbriam ve-  
 stis Dominicæ curatis, de umbrâ PETRI  
 languentibus saluari, de sudariolis ac semi-  
 cinctiis Apostolorum ἀλεξικάνοις, ipsis Ec-  
 clesiæ initiis, contigisse Sacræ Litteræ fi-  
 dem faciunt. Gliscente postea Persecutionum  
 tempestate, & sacrorum pignorum augescente  
 numero, Sanctorum Martyrum non modò Me-  
 moriæ, Altaria, Tempia, Passionum instrumen-  
 ta, aut Corporum particulæ, verum panniculi, &  
 vela qui ea contigerant, *Brandea* dicta; oleum è  
 lampadibus, quæ ibidem arserant, sumptum, aut  
 ex ipsis Sepulcris mirabiliter profluens: flores,  
 herbæ, pulvisculi inde collecti: Imagines quo-  
 que eorum ac Statuæ, veneratione cultæ, admi-  
 randa CHRISTI Fidelibus beneficia præstite-  
 runt. Neque his postremis Ecclesiæ Sanctæ  
 temporibus eadem in Beatorum hominum Mo-  
 nimentis vel Miracula vel Benefacta defunt:  
 honorante immortalis Numine seipsum in San-  
 ctis suis, & Ecclesiæ suæ Oecumenicæ, quæ sola  
*Sanctorum communionem* continet, dignitatem  
 atque excellentiam perpetuis testimoniis com-  
 probante. Quibus rebus perspectis Maiores no-  
 stri sacra huiusmodi χειμήλια studiosè colligere,  
 & collecta omni honoris genere (eo tamen, qui  
 soli Deo debetur, excepto) afficere cœperunt.  
 Quod tamen, ac si fecissent, impij olim homi-  
 nes Porphyrius, Eutactus, Iulianus, Eunapius,  
 Eunomius, Vigilantius, & eorum affectu nostri  
 temporis Sectarij, exprobrare non sunt veriti.  
 Quomodo verò, cultu λατρείας in omnibus sem-  
 per



per saluo, Dei Amicorum memoriam colamus,  
 ac Reliquias veneremur, luculentè olim osten-  
 derunt Augustinus Lib. VIII. *de Ciuitate Dei*  
*cap. XXVII. & eiusdem operis Lib. XXII. c. X. &*  
*contra Faustum Manichæum.* Damascenus Lib.  
 IV. *Fidei Orthodoxa cap. XVI.* Hieronymus *Epi-*  
*stolâ ad Riparium, & contra Vigilantium.* Ambro-  
 sius *in Epist. ad Felicem.* Theodoretus Lib. VIII.  
*Euang. Verit.* & recentiores pænè innumeri qui  
 pro domo Dei, & Sanctis eius, murum se ad-  
 uersus impurissimorum hominum tela opposue-  
 runt. De quo hominum genere benè admodum  
 à D. Hieronymo, Veritatis Achille, dictum est:  
*Hoc autem [ Reliquiarum scilicet Sacrarum cul-*  
*tum abiicere ] non tam illi faciunt, quam habitan-*  
*tes in iis Demones, fortitudinem & flagella sancti*  
*cineris non ferentes.* Oderunt namque membra  
 quod caput detestatur; & phreneticorum instar  
 in Medicos insaniunt, veram τῆς ψυχῆς ἰατρειάν,  
 Sanctorum, inquam, tutelam execrantes, &  
 respuentes. Interim Te, ô VRBIVM REGINA,  
 beatissimam ac fortunatissimam prædicare fas  
 est, quæ non, vt quondã, nescio quas nugas, aut  
 fabulosas quisquilias, *Ancilia, Palladis icunculam,*  
*Priami sceptrum, Acum Cybelles, Martis galeam, Iu-*  
*nonis clypeum, Sibyllæ folia,* & his similia impiæ  
 superstitionis asseruas monimenta; sed Thesau-  
 ris incomparabilibus veræ Religionis ditata,  
 IESV CHRISTI, DEORVM DEI, SACRATIS-  
 SIMAE VIRGINIS, PRINCIPVM APOSTO-  
 LORVM PETRI ac PAVLLI, Diuorumque in-  
 numerabilium sacrosancta λείψανα, Imperij Tui  
 pignora, hospitibus ostentas: *Latius nunc regnās*

adn. Vigilanti

animæ me-  
diciam.Sev. in 7a  
Aen.  
Dio. lib. 42a  
1. Obs.Leo Magn.  
Ser. de Appi



*Psalm. 29.  
Eccl. 51.*

*Esther cap. 6.*

*Psalm. 110.*

*Religione Diuinâ, quàm olim præsidebas dominatione terrenâ: Principatu etiam tantò nobiliori, quantò Diuina terrenis, æterna mortalibus præcellunt. Beati etiam, ac ter beati illi, qui ab Ecclesiâ malignantium, & à linguâ coinquinatâ, ac verbo mendacij separati, debitum Deo cultum in coetu Fidelium exhibent: nec minus honore congruo ac debito afficiunt illos, quos Rex ille Magnus honorare voluerit. cuius Pietatis fructum eximium referunt etiamnum in hac vitâ. & postea Diuorum suffragiis vberrimum consequentur in concilio iustorum æterno, & congregatione.*

## CAPVT XXII.

*Pompa Supplicationum in Vrbe Sacrà: eam Anno Seculari variam ac magnificam esse. Omnium Nationum in eâ re studia, ac præcipuè Italicæ apparere. Ritus Vetus, ac Sanctitas.*



*Icut Stationes militarium in castris excubiarum, ita Processiones, vel Supplicationes Christianæ, agminis in hostem & pugnam prodeuntis; aut pompæ eo deuicto triumphantis, similitudinem quamdam habent. Quemadmodum enim*

*2. Georgio.*

*— ingenti bello cùm longa cohortes  
Explicuit legio, & campo stetit agmen aperto.  
signa & vexilla proferuntur, Tubæ ac fistulæ  
audiuntur.*



audiuntur, ordinumque militarium discreta agmina suis quæque numeris incedunt, sub vnius summi Imperatoris ductu atque auspicio; ita in sacrâ militiâ

*Crux longis solido ex auro præfertur in hastis;* *Prudent.*  
adsunt Vexilla, siue Labara, victoriæ de Satanâ per CHRISTVM partæ symbola: adsunt preces, hymni, cantica, quibus velut clasticum inflatur, aut epinicion decantatur: adsunt agmina Fidelium

———— *paribus numeris dimensa viarum*  
per Ecclesiæ Tribunos & Campidoctores, Antistites, inquam, & Sacerdotes in arenam producta, *aduersus Principes tenebrarum ac Spiritualia nequitia* *Ephes. 6.* generosè certatura, interdum cinere ac cilicio contacta, interdum flagellis contusa ac nudo pede prodeuntia, interdum pio gemitu singulientia, ac suavi lachrymarû imbre perfusa: nonnumquam fessiuus Symphoniarum modulis, lætisq; facibus, ac regio pompæ apparatu, deteris velut mœroris nube gaudentia, ac Deo suo *in lætitiâ & iubilatione seruientia.* *Psal. 97.* Horum Spectaculorum vti feracissimus Annus Sacer est, ita in vnâ Vrbe tunc videas collectum quicquid vsquam vel maiestatis, vel pietatis, in hac re spectari potest. Omnium enim gentium homines illhic congregati, suo quique more ac ritu, quantum fas est, sacram obire pompam, & Diuorum Basilicas ac Stationes, non dicam centuriatim, sed multorum millium numero circumire consueuerunt. Ex vnâ Italiâ, vicinisq; Vrbi opidis ac populis, tot piorum hominum, sub Sacræ Crucis ductu, ac *φεγγεῖας*



Lib. 3. c. 5.  
Hist. Nat.

Sueton.  
Claud. c. 20.

Lib. 18. Orig.

Hieronym. in  
ep. ad Marc.

cuiusque vel Sodalitij insigni, manipuli in Urbem concurrunt, ut ipsa sola quæ, elogio Pliniano, *vna cunctarum gentium in toto orbe patria est*; solenni tanto ornando abundè sufficere, & nihil externum requirere videatur. Illhic Patientis CHRISTI lugubria Myſteria, illhic Virginis parentis admiranda opera, illhic Apostolorum & Martyrum laureata Tropæa, Diuorumque ac beatorum hominum prodigia, quæ pretiosis Labarorum vexillis depicta, quæ aureis argenteisque Thensis ac Ferculis circumlata, gratâ sui nouitate oculos pascunt, animosque suauissimo pietatis sensu perfundunt. Ut iurè meritò de Romanâ hac magnificentiâ veterem *LYDORVM SECVLARIVM* formulam, sed obiter immutatam, vsurpare liceat. *Ea esse Spectacula qua nec alibi viderint homines, nec alibi sint visuri.* Abeant tamen hinc cum impudicitis suis Theatra, cum Venationibus ac Scenicis Circensia, cum Gladiatoriâ suâ lanienâ Amphitheatrales arenæ; nihil hîc (ut cum Hîdoro loquar) *Satanæ Spiritus occupauerunt*, Dei & Angelorum eius ista Spectacula sunt, magnificentia & apparatu veteribus pompis fortasse paria, pietate certè ac religione immensum præferenda. Iure etiam de promiscuæ multitudinis ad Sacra Romana confluxu illud Doctoris Stridonensis vsurpem: *Cuncta populorum examina concurrunt ad hæc loca, & diuersarum nobis Virtutum specimen ostendunt. Vox quidem dissona, sed vna religio: tot pænè psallentium chori, quot gentium diuersitates. Dicam ego, tot innocentium chori, quot gentium diuersitates.* Omnis enim illa multitudo  
ex



ex toto terrarum orbe collecta, quatenus communioni ECCLESIAE CATHOLICAE adhæret, in sanguine Agni mundata, & per Ecclesiae Sacramenta, ac Remissionis gratiam, à delictis expiata, cælestis Ierusalem, in quâ immaculati Angelorum ac Beatorum, DEO in perpetuum concinentium chori, Typum repræsentat. Adiunge Te quisquis vales, quisquis potes: *Beatus enim populus qui scit iubilationem*: qui (vt alicubi Origenes ait) *ore & animo concordi Dei laudes annunciat, eiq; benedicit in exultatione*. Hac certè concordia multum profici ad Diuinam Misericordiam implorandam, eiusque iram auertendam multis ab omni Antiquitate exemplis demonstratum est: quæ Stephanus Durantus, Præses Tolosanus libro *de Ritibus Ecclesie Catholice* nuper euulgauit. Antiquitatem verò eius Ritus ac nominis, si quis ignoraret, idem Scriptor itidem asseruit ex Tertulliano Lib. II. *ad Vxorem: Vt si Statio est, maritus [ infidelis ] de die conducat ad balnea: si ieiunia obseruanda sunt, maritus eadem die conuiuia exerceat: si procedendum erit, nusquam magis familia occupatio adueniat*. Quo in loco tres pulcherrimi & vetustissimi Ecclesie Ritus exprimentur *Stationes, Ieiunia, Processiones*. Atque ita locum istum capiendum Pamelius & Rhenanus antè monuerunt. clarior tamen fortè fiet vnus litterulæ mutatione, si legamus, *Numquam magis f. o. a.* Idem Tertullianus iterum Lib. *de Prescript. adu. Hæres. Sit modesta Processio*. Et D. Hieronymus in *Epistolâ ad Eustochium: Martyres tibi quarantur in cubiculo, numquam tibi deerit caussa procedendi*.

Psal. 88.

in c. 6. Iosue.

Lib. 2. c. 10.



Eius item Ritus Concilium Loadicenum cap. XVII. D. Ambrosius Serm. VIII. D. Augustinus lib. XX. de Ciuit. Dei cap. VIII. Acta Gregorij Magni Pontif. Sidonius in Epistolâ ad Claudianum Mamertum, & alij quamplurimi disertè mentionem fecere.

## CAPVT XXIII.

*Vti ROMA omnium Gentium Mater, ita & ROMANA ECCLESIA. Anno Solenni id maximè apparere. Orbis Principatus quare olim hodieq; hic positus.*

Orbis compendium.



**V**RBS DOMINA meritò τῆς διασπῆ-  
 νης ἰστορικῆ ἀ Polemone Sophistâ  
 quondam appellata, à M. Tullio,  
 Modestino I. C. alijsq; *commu-*  
*nis Patria* dicta, benigno ac blan-  
 do sinu omnium Nationum populos ad se ve-  
 nientes semper excepit ac fouit, nemini nouer-  
 ca, omnibus æqua nutrix & parens, iis etiam  
 quos hostes paullo antè habuerat Ciuitatis suæ  
 iure benignissimè communicato. Quare iustif-  
 simè à Rutilio Numatiano prædicatur isto  
 Elogio:

in Itinerario.

*Fecisti Patriam diuersis gentibus vnã,  
 Profuit iniustis Te dominante capi:  
 Dumq; offers victis proprij consortia iuris  
 Vrbem fecisti quod prius Orbis erat,*

Et



Et à suauissimo Poëtâ Claudiano, in Panegyri  
ad Stiliconem:

*Hac est in gremium victos qua sola recepit  
Matris non Domina ritu, ciuesq; vocauit  
Quos domuit, nexuq; pio longinqua reuinxit.  
Huius pacificis debemus moribus omnes  
Quod veluti patriis regionibus utitur hospes,  
Quod sedem mutare licet, quod cernere Thulen  
Rursus, & horrendos quondam penetrare recessus.  
Quod bibimus passim Rhodanum, potamus Orontē,  
Quod cuncti gens vna sumus.*

Sanè quemadmodum magnus ille terrarum  
Oceanus omnes fluuiorum ac fontium origines  
ad se trahit, maior tamen non fit; ita VRBS RO-  
MA, gentium Parens ac Victrix, amplitudine suâ  
immensâ, cum vniuerso Orbi ciuitatis com-  
mercia, ac Legum suarum iura, morumque cul-  
tum, esset impertita; vix augeri inde vel minui  
Maiestatem suam sensit. Orbis namque simula-  
crum in se complexa, omniumque Gentium  
hominibus infessa, Imperij tanti capax fuit, nul-  
lis Terrarum limitibus circumscripti. De hac  
promiscuâ & innumerâ Antiquæ Urbis multi-  
tudine præclara Scriptorum Veterum testimo-  
nia sunt: illud inprimis Senecæ Sapientis in Con-  
solatione ad Elbiam: *Adspice hanc frequentiam, cui  
vix Urbis immensa tecta sufficiunt; maxima pars  
illa turba Patriâ caret, ex Municipiis & Coloniis  
suis, ex toto denique terrarum Orbe confluxerunt.*  
illud quoque Aristidis Sophistæ in Encomio Vr-  
bis, vt Carteromachus vertit: *Quod verò suis fini-  
bus, regionibusq; ciuitas quæpiam est, idipsam est  
ROMA vniuerso Orbi, quasi communis Vrbs Pro-  
uincia*



*vincia totius. Nec minùs magnificè quàm verè,  
de eadem Urbis multitudìne, Athenæus: Επι-  
λείπαι δ' ἂν γὰρ ἔτι ἡμέρας μίαν, ἕξασθήμενον τὰς ἐν τῇ  
ΡΩΜΑΙΩΝ ἕξαγοπόλει ἀριθμητέας πόλεις. ἀλλὰ πᾶ-  
σαι αἱ κατὰ τὸν ἐνιαυτὸν ἀριθμύμεναι διὰ τὸ πλῆθος.  
Καὶ γὰρ ὅλα ἔθνη ἀπὸ τοῦ αὐτοῦ συνάκτισται, ὡς τὸ Καπ-  
παδοκῶν, καὶ Σκυθῶν, καὶ Ποντικῶν, καὶ ἄλλων πλείονα.  
Quæ Latinè sic reddidit Dalechampius: Recen-  
sere me conantem quot opida Urbis caelestis ROMAE  
ambitus contineat, ob eorum multitudinem non uni-  
ca tantum dies defecerit, sed quotquot annum consi-  
ciunt. Quandoquidem in eâ Vrbe gentes etiam tota  
habitant, vt Cappadoces, Scythæ, Ponti nationes,  
& alia complures. Quo in loco ne cuiquam malâ  
fide verſatus videar, significandum duxi in his  
verbis: ἐν τῇ Ρωμαίων ἕξαγοπόλει πόλις, nomen πόλις  
à me expunctum, quod ab aliquo glossas scri-  
bente intrusum videbatur: vt cordatiori etiam  
cuique sic visum iri, nullatenùs dubito. Magni-  
ficum verò illud ἐπιφάνημα quod ab Athe-  
næo verbis suprâ dictis subiungitur: ἕτοι ἐν πάντες  
ὁ σύμπας δῆμος τῆς διασμένης. Omnes igitur isti  
omnis terra habitabilis multitudo est. Lucanus et-  
iam egregiè, more suo, de tantâ Urbis multi-  
tudine:*

*Pharsal.*

———— Generis quò turba redacta est  
Humani? toto populi qui nascimur Orbe  
Nec muros implere viris, nec possumus agros:  
VRBS NOS VNA CAPIT.

*Reginam  
Urbem,*

Idem alibi τὴν βασιλεύσαν πόλιν dicit,  
———— populis, victisq; frequentem  
Gentibus, & generis, coëat si turba, capacem  
Humani.

*Causæ*



Caussæ tanti in Urbem concursus, præter Imperij diffusam apud omnes reuerentiam, istæ præsertim à Scriptoribus adferuntur: Necessitas officij publici, Honorum assequendorum spes, Legatio suscepta, Liberalium studiorum cultus, Industriæ aut Ingenij fiducia, latam illhïc ostendendæ Virtuti nacta materiam, Urbis splendor, luxus, opulencia, Spectacula, ciuium & Principum virorum Humanitas, olim quoque Romano cælo velut diuinitus infusa, quam qui gustâssent velut *Lotophagi* in Vrbe fixi remanebant; aliæque res, prout varia hominum studia aut ingenia fuerunt. Nihil tamen æquè, (vt humanum genus curiosum, & voluptatum est auidum) multitudinem Urbanam adauxit, quàm Spectaculorum, aut Solennium, ex quauis caussâ indictorum, frequentia & magnificentia. Ouidius id indicat vbi de Triumpho Cæs. Germanici:

*Gratia, Fama, tibi, per quam spectata Triumphi  
Incluso mediis est mihi pompa Getis:  
Indice te didici, nuper visenda coisse  
Innumeras gentes ad Ducis ora sui:  
Quæq; capit vastis immensum mœnibus Orbem,  
Hospitiis ROMAM vix habuisse locum.*

Suetonius etiam de Ludis Cæsarianis capite, vt vulgò partiuntur, XXXVIII. sic habet: *Ad quæ omnia Spectacula tantum vndique confluit hominum, vt plerique aduena, aut inter vicos, aut inter vias, tabernaculis positus, manerent: ac sæpè præ turbâ elisi exanimatiq;: inter quos duo Senatores.* Ammianus Marcellinus de CONSTANTII CAES. in Urbem ingressu: *Inde cum se vertisset ad ple-*  
*bem,*

*Seneca Cæs.  
ad Elbiam.  
Iunen. Sat. 3.  
Ammian. lib.  
19. & alij.*

*2. de Poeta.*

*lib. 16.*



bem, stupebat quâ celeritate omne, quod ubique est, hominum genus confluxerit Romam. Turgidus quidem ille Scriptor interdum, & ὑπερβολικὸς fateor; sed numquid hisce paria ex Athenæo, Lucano, Ouidio, antea attulimus? De multitudine ad FLAVIORVM CAESARVM Spectacula confluente notissima sunt quæ Statius Papinius in Siluis, Martialis in Epigrammatum Præludiis, Iuuenalis Sat. III. atque alij illorum temporum Scriptores prodiderunt. Ea certè tam prodigiosa fuit, vt Martialis velut attonitus exclamauerit:

*Quæ tam seposita est, quæ gens tam barbara,*

CAESAR,

*Ex quâ spectator non sit in Vrbe tuâ?*

*Venit ab Orpheio cultor Rhodopeius Hæmo,*

*Venit & epoto Sarmata pastus equo:*

*Et qui prima bibit deprensi flumina Nili,*

*Et quem suprema Tethyos vnda ferit:*

*Festinauit Arabs, festinauere Sabæi,*

*Et Cilices nimbis hic maduere suis:*

*Crinibus in nodum tortis venere Sicambri,*

*Atque aliter tortis criminibus Aethiopes:*

*Vox diuersa sonat, popularum vox tamen vna est,*

*Cùm verus Patriæ diceris esse Pater.*

Quod elegantissimum Epigramma ego quondam Romæ positus, perspectis Longin quarum Gentium ad PAVLLVM V. PONT. MAX. Legationibus, inque iis Antiquæ Urbis Maiestatem velut ob oculos positam contemplanis, *παροδῶν* ita conuertebam:

*Quæ tam seposita est, quæ gēs tā distita, PAVLLE,*

*Ex quâ Legatus non sit in Vrbe tuâ?*

*Venit*



*Venit ab extremis Libya submissus arenis*

*Hinc, vbi longæuus pondere nutat Atlas:*

*Venit ab Inachiâ numerosus Perside cultor,*

*Venit odoratâ missus ab Armeniâ:*

*Et qui Sarmaticis armatus colla sagittis*

*Prouocat hostiles ad fera bella Getas:*

*Aurea vix notos tibi subdidit India ciues,*

*Et tremit imperiis vltima terra tuis.*

*Dispare voce sonant; cunctorû vox tamen vna est,*

*Vnum dum cunctis diceris esse caput.*

Vnum certè cunctis spectabile caput ROMANVS PONTIFEX illius ECCLESIAE quæ velut *Lucerna in monte posita*, aut *pulchra vt Luna*, *electa vt Sol*, *formosa vt Aurora consurgens* ab omnium gentium hominibus, in Spiritu sancto congregata, vnica spectatur & colitur. De quâ Ecclesiæ, eiusque in terris Capitis conspicuâ Monade diuinè olim dictum ab Optato Mileuitano: *Igitur negare non potes [ô Donatista] scire te in VRBE ROMA PETRO primò CATHEDRAM EPISCOPALEM esse collatam, in quâ sederit omnium APOSTOLORVM CAPVT PETRVS, vnde & CEPHAS appellatus est; in quâ VNA CATHEDRA VNITAS AB OMNIBVS SERVARETVR: ne ceteri Apostoli singulas sibi quisque defenderent, vt iam Schismaticus & Peccator esset, qui contra singularem Cathedram alteram collocaret.* Neque aliâ sanè de causâ Diuinâ olim Providentia totum pænè Terrarum Orbem sub vnus Urbis dominatione constrinxit, nisi vt verâ postmodum accedente Religione, sub vnus Pacis fœdere gentes omnes continerentur. Quâ in re eximium illud & verè magnum, à

LEO-



Serm. 2. de  
SS. Apost.

LEONE illo MAGNO, testimonium producam: Isti sunt [ PRINCIPES APOSTOLI ] qui Te, Ô ROMA, ad hanc gloriam prouexerunt, ut Gens sancta, Populus electus, Ciuitas Sacerdotalis & Regia per sacram B. PETRI sedem CAPVT ORBIS effecta latius præsideres religione Diuinâ quàm dominatione terrenâ. Quamuis enim multis aucta victoriis ius Imperij tui terrâ mariq; protuleris, minus tamen est quod tibi bellicus labor subdidit, quàm quod Pax Christiana subiecit. Dispositio namque diuinitus operi maximè conueniebat ut multa regna vno confœderarentur Imperio, & eundem peruios haberet populos prædicatio generalis, quos vnius teneret regimen ciuitatis. Et ibidem iterum: Beatissimus PETRVS, PRINCEPS APOSTOLICI ORDINIS, ad Arcem Romani destinatur Imperij, ut lux Veritatis, quæ in omnium gentium reuelabatur salutem, efficacius se ab ipso capite per totum Mundi corpus effunderet. Cuius autem Nationis homines in hac tunc Vrbe non essent? aut quæ vsquam gentes ignorarent quod ROMA didicisset? Quibus pænè gemina scribuntur apud Aratorem in Actis:

St. 2. Rip. Ap.

PETRVS in ECCLESIAE sacro corpore  
Princeps;

Romam intelligit.

Hæc turrata caput Mundi circumtulit oris  
Conueniunt meliora sibi, speculentur ut omnes  
Terrarum domina fundata cacumina SEDIS.

fortè leg.  
hæc præses  
aræ.

Gentibus electus PAVLLVS sine fine Magister,  
Aequius his Præses oris diffundit habenas,  
Quæ gentes prælata monet, quodq; intonat isthic  
VRBIS cogit honor subiectus ut audiat Orbis.

Venustissimum certè illud quod ab eodẽ Poëtâ in eundem sensum dicitur:

Duo



— Duo LUMINA MVNDI

Deuenisse simul, tamisq; è partibus vnum

Ibidem.

Delegisse locum per quem sua sidera iungant.

Pari ratione D. Chrystostomus, Principes Apostolorum, binos Urbis oculos, & geminas Mundi Lampades dixit, inter alias piissimas & elegantissimas comparationes. Illa ergo Ciuitas quasi fataliter ad dominandum Christianis etiam Populis electa, quæ à Poëtâ quondam suo vaticinante audiuit:

in c. 16. ad Rom.

Tu regere imperio populos, ROMANE, memento:

6. Aeneid.

Hæ tibi erunt artes, Pacisq; imponere leges,

Parcere subiectis, & debellare superbos.

Et à peregrinâ virilis enthusiasmi feminâ:

Erinnis poëtriâ.

Σοὶ μόνῃ πρόσβισα δίδωκε μοῖρα

Κῦδος ἀρρήκτω βασιλῆϊοι ἀρχᾶς,

Ὅφρα κοίρανήϊον ἔχουσα κάρτε

Ἀγεμοίνης.

Quod Lipsius Latino carmine sic expressit:

in Admirandis.

Nam dedit sola tibi cana Parca

Regium sceptrum minimè atterendum:

Vt potens rerum domineris vna,

Impertesq;.

Populi igitur Sanctioris huius Imperij legibus

caelestem Romanorum Urbem.

adstricti merito τῆς Ῥωμαίων ἐρανοπόλις, quæ nunc,

— quicquid non possidet armis,

Prosper.

Religione tenet;

Anno Romano Solenni eâ frequentiâ inuisere solent, quæ videntibus stuporem, Sacris ipsis dignitatem, Deo ac cælestibus lætitiâ & voluptatem affert. Cui sacræ frequentiæ illud olim à Rege Prophetâ velut decantatum est: Omnes

Psalms. 46.

gentes plaudite manibus, iubilare Deo in voce exulta-

K

tionis.



Psal. 65.

*tionis. Item illud : Iubilare Deo omnis terra, psal-  
mum dicite nomini eius, date gloriam laudi eius.  
Quidni enim plaudat manibus, & iubilet, Flos  
Christiani Orbis in vnum locum collectus, cum  
non in vnâ gente, vel populo, vt quondam  
apud Hebræos; sed in vniuersum terrarum or-  
bem publicetur Annus veræ Libertatis ac Re-  
missionis: Annus Deo & hominibus acceptus,  
Satanæ formidabilis, Impietati exitiosus? cum  
Iustis pietatis suæ merces accrescit, Iniustus, si  
conuersi fuerint ab impietate suâ, pax & venia  
conceditur? cum Deo ac Diuinis honor addi-  
tur? cum Ecclesiæ, quæ in igne est, cælestis Pa-  
triæ spes certa tribuitur? denique ea omnia ho-  
minibus conceduntur queis nec animus maiora  
optare, nec cælestis beneficentia meliora possit  
elargiri?*

## CAPVT XXIV.

*Pontificum Maximorum paterna in Annum  
Sacrum Prouidentia. Ciuium ac Princi-  
pum Romanorum mira in exteros, & verè  
Christiana, Benignitas.*



*Sicuti cælestis Prouidentia in illâ  
Urbe quæ, veteri Priuilegio, Ma-  
ter & caput Urbium est, Ecclesiæ  
eius fundamenta posuit, quæ Ec-  
clesiarum omnium Parens & Ver-  
tex est; ita Spectabilis eius in Terrâ Capitis  
PON-*



PONTIFICIS MAXIMI cathedram illhïc collocatam voluit, quem alterum ORBIS PARENTEM, saluâ Numinis magnitudine, Orthodoxi iurè appellamus. Hunc & *Vniuersalis Ecclesiæ Pontificem, & Episcopum Episcoporum, & Sanctissimum ac Beatissimum Præsulem*, plerumque tamen sacra Ecclesiæ monumenta blandissimo nomine PAPAM, vel PATREM appellât. Quem admodum enim is qui *ὁ τοῖς ἁγίοις*, cæli ac terre *in calis.* formator, amabili potius PATRIS nomine, quàm DOMINI cōpellari à nobis voluit; ita is, qui Vicariam eius potestaté obtinet, cùm Clementiæ ac Misericordiæ Diuinæ fidelis dispensator sit, Paternis Titulis non immeritò vocatur & scribitur. Equidem cùm boni Parentis officium sit quæ ad liberorum incolumitatem pertinent in animo & in corpore curare; id eufi nullo non tempore, præcipuè tamen Anno Sacro in Pontificibus Maximis elucet. Ex illo enim *Remissionis* beneficio quod Christiano Orbi indulgent, quantum diuini hominis parti consulant, intelligitur: cùm verò Annonæ abundantiam, hospitiorum commoditatem, viarum & itinerum securitatem peregrinantibus præstant, quæ corpori eorum curando ac conseruando necessaria sint, non omittere eos apparet. De quâ Sanctissimorum Mundi Præsulum sollicitudine dictum est ab Aur. Cassiodoro: *Pascitis quidem spiritualiter commissum vobis gregem, sed nec illa potestis negligere, quæ corporis videntur substantiam continere. Nam sicut homo constat ex dualitate, ita boni patris est vtraq; reformare. Primum penuriam temporis, quam delicta pro-*



merentur, orationibus sanctis amouere; si quid tamen (quod absit) acciderit, tunc bene necessitas excluditur, quando contra eam sub vbertate tractatur. Hanc necessitatem, siue penuriam, cæteraque eius incommoda, egregiè exclusisse legitur NICOLAUS V. Pontifex egregius, de quo Platina: *Cauit etiam diligentissimè nè abundante tantâ multitudine, commeatus & omnia ad victum necessaria in Vrbe deessent. Curauit item execrationibus & satellitibus ne grassatores in Peregrinos ad Urbem accedentes seuirent. Et paulò antè de eodem: NICOLAUS autem Pontifex, totam Italiam ad arma concitari cernens, auctoritatem suam sapius interposuit quò pax componeretur, vt sequenti anno liberè omnibus ex totâ Europâ ad Iubileum venire liceret. Pia etiam illa ac verè paterna sollicitudo SIXTI IV. Pont. de quo apud eundem scriptorem legitur, Pontem Ianiculensem, quem Ruptum ciues appellabant, magnâ curâ & impensâ è lapide Tiburtino reparari iussisse: Xenodochium illud nobilissimum, quod S. SPIRITVS vocant, obsoletum ac sordidum & vetustate pænè collapsum, totum vsque ad solum disiecisse, & pulcherrimis ædificiis, in meliorem splendidiorémque formam, ampliâsse: Pueros expositos, puellasq; alimentarias, ad pedes suos cum nutricibus prostratos, loco habitandi iis assignato dotauisse: Nobilium quoque calamitate & ægritudine permotum, seorsum à promiscuâ plebe loca idonea decenterque ornata his attribuisse. De IULIO III. Viro etiam Magno, apud Onuphrium legitur, Cùm Vrbs graui frumenti inopiâ laboraret. [Anno Seculari M.D.L.]*

in eius Vita.

ibidem.

in eius Vita.

in Vita Platinae adhibet.



eritico aduecto famis incommoda, quantum potuit,  
 subleuasse. GREGORII ITEM XIII. CLEMEN-  
 TIS VIII. PONTT. MAXX. celebratissima heic  
 Prouidentia est, à victuro aliquo stylo, cum  
 sanctissimâ eorum vitâ, Heroicisq̃ue actioni-  
 bus aliis, digna prædicari. De VRBANO VIII.  
 hodierno Principe compertum habeo quòd  
 vias in Latio magno impendio sterni curauerit:  
 Pontem *Senatorium*, quem D. MARIAE nunc  
 vocant, VII.∞. impensâ reparauerit: Anno-  
 nam è Sicilia & Regno Neapolitano, missâ Le-  
 gatione, aduehi curauerit; P.R. Ærarium ad  
 sustentationem egentium peregrinorum libera-  
 litate suâ auxerit: mare turum nauigantibus no-  
 uâ institutâ Militiâ reddiderit: denique alia  
 multa præstiterit quæ non breuis Elogij titu-  
 lum, sed iustum sibi Panegyricum quærent.  
 Cuius Principis virtuti sicut Orbis Christianus,  
 Dignitati eius submissus, fauet; ita Encomium  
 illud è sanctissimo Martyre & Antistite Mogun-  
 tino optimè adscribi posse videtur: *Quod si (vt*  
*summopere sibi & bonis omnibus expedit) zelo domus*  
*Dei sine intermissione tabescens* [ROMANVS PON-  
 TIFEX] *Fidelis Dispensator & Prudens, Deo &*  
*hominibus opere & sermone irreprehensibilem sese*  
*conseruare studuerit, vt verè fatear, vniuersum pæ-*  
*nè Mundum secum attonitum & sollicitum post*  
*DEVM currere facit: ex utroq; sexu populos diuer-*  
*sa professionis, conditionis, & atatis, cateruatim in*  
*Domino suo super omnia bona ipsius constituendus*  
*ducit. Annus certè Secularis, quem ingredimur;*  
*Tempus Sacrum, quod ordimur, dictis meis fi-*  
*dem adstruet si modò (quod Diuina auertat*

D. Benifacio  
 in Epistolis.



propensam  
charitatem.

Benignitas) medium Virtutum eius cursum fatalis aliqua fors non interruperit. Hanc SACRATISSIMORVM PRINCIPVN φιλοσοφίας, ac prolixam in omne Humanum Genus Benevolentiam, Principes ac Ciues Romani ANNIS IVBILIS diligenter æmulari soliti, magnum in se populorum affectum & amorem omni ævo conciliârunt. Quis enim non amet eam Civitatem cuius Principes videat, omni stemmatum genere clarissimos, pauperibus hominibus ad mensam ministrantes? pedes in pelui abluentes, ac linteo detergentes? vlcera eorum & ἀποστήματα curantes? ægrotis humanissime affidentes, eosque consolantes, ac necessaria omnia ministrantes? tam pro se, quàm pro populo Dei, flagellis nuda corpora proscindentes? ieiuniis ac vigiliis sese macerantes? largissima Donatiua Veteri generositate in egena CHRISTI membra diuidentes? Quis populum illum non æstimet cuius ciues Principum virorum calore incitati omnia Pietatis exempla præbeant? omnia Benignitatis officia præstent? omnia Hospitalitatis iura cum pauperrimo etiam & miserrimo quoque exercent? Eant nunc isti execrandorum venenorum collectores qui VRBEM SANCTAM, GENTEM ELECTAM, CIVITATEM REGIAM ac SACERDOTALEM, præpudiosis ac nuper natis ad Genevæ lacum Titulis, inscribere non erubescunt; ego nefandis eorum scriptis ac calumniis, pia Ciuium & Principum Romanorum opera: ego virulentis eorum toxicis, amuletum ex VRBANA MANV proponam. Hauri mecum, Lector,

Uro Magn.

VRBANI  
SÆC. VIII.  
PONT.  
MAX.



DE ANNO IUBILEO. 151  
tor, & ruma: nam ex illo Myrothecio est,  
cuius ἀλιζήθειον experieris: amulecum

ROMA sibi quondam qua robore subdidit orbem,  
Argiuo ROBVR nomine significat.  
Obsita tunc tenebris taurino polluit aras  
Sanguine, cum faceret sacra nefanda Ioui;  
Vertit ab his mentem cultus exosa Deorum,  
Et Veri floret relligione DEI.

Si nomen veritas, AMOR est. vt congruit? illi  
Nam pius in populos cuncta subegit AMOR.  
Verè pius ille Amor, cuius impulsu & instinctu  
Vrbs Domina, populos etiam maximè inimic  
ac remotos,

— sola recepit

Matris non Domina ritu, ciuesq; vocavit Claudian  
Quos domuit, nexuq; pio longinqua reuinxit.  
nexu scilicet illo veræ Relligionis ac Pietatis,  
quo gentes omnes Orthodoxæ fœderatæ con-  
tinentur: qui amabilem illam atque admirabi-  
lem τῶν ἁγίων κοινότητα continet, nullis terrarum sanctorum  
communio-  
nem,  
limitibus, nullis Oceani finibus circumscri-  
ptam.

K 4

CA.



## CAPVT XXV.

*IVBILEVM extra Ordinem non raro, & quibus de causis, concedi. IVBILEVM Priuatorum Anni Quinquagesimi, eiusq; origo discussa. Pseudo-Iubileum sectæ Lutheranae. Operis conclusio* *παρακλιση.*



**I**VBILEVM esse aliquod extra Ordinem publicè concedi solitum, initio à nobis assertum est, cum partes IVBILEI vniuersas proponeremus. Gratiâ quidem illud ac Indulgentiâ ab Ordinario non differt; indictione differt, quòd ea arbitraria sit, ac variis de causis, iustis tamen atque legitimis, omni tempore fieri consuevit. Plurimis verò earum prætermisissis, quæ à Theologis ac Decretorum interpretibus commodè peti possunt; insigniores sunt illæ, quando Militantibus in Expeditione Sacrà, vel eam promouentibus, Remissio criminum plenissima conceditur. Qualis omninò fuit nondum IVBILEI nomen adepta, sed CRUCIATÆ titulo proposita sub VRBANO II. Pont. Max. in nobili illo bello *a* quod in Saracenos, Terræ Sanctæ recuperandæ ergo, generosissimus Dux GODEFRIDVS BYLIONIVS mouit, Anno Christiano CIO. LXXXIV. Talis etiam Pontificatu *b* IOANNIS XXIII. & HONORII II. publicata in eorum utilitatem qui iura Ecclesiæ contra

*a* Platina in  
Vrb. 2.  
Guil. Tyrinus  
lib. 1. c. 15.

*b* Baron. ad  
annum 1127.  
Aen. Sylu.  
Hist. Boern.  
c. 35.



contra rebelles atque inualesores defendissent. Talis item tempore BONIFACII c IX. indi-  
 cta, suppetias ferentibus Imperatori Byzantino contra terrorem illum Orientis Scytham Ta-  
 merlanem. Talis denique nostrâ memoriâ con-  
 cessa à Pio V. & GREGORIO XIII. Pontt. pro-  
 pter apparatus belli Naualis in Othomannicam  
 gentem : quem nobilis illa victoria ad Echina-  
 das insulas consecuta. Quâ quidem Gratiâ ac  
 Remissione non modò milites ipsos aut Duces,  
 sed & eos qui fauorem, auxiliû, opem, quâ Diui-  
 nam quâ Humanam, impenderent donari con-  
 sueuisse, ex Diplomatum Pontificiis apparet.  
 Solet etiam IUBILEVM extra ordinem dari  
 Precantibus pro salute Regni alicuius, aut Pro-  
 uinciæ in adflictione positæ : vt à GREGORIO  
 XIV. concessum est Anno CIO. IO. XCI. eo  
 scilicet tempore quo regnum Galliarum, pars  
 Orbis Christiani quondam florentissima, inte-  
 stinâ seditione pænè consumptum miserabilem  
 omnibus sui speciem præbuerat. Quam Præ-  
 cessoris sui *συνεχόμενος* pietatem æmulatus GRE-  
 GORIVS nuper XV. perspectis Galliæ Belgicæ  
 calamitatibus, iam quinquaginta, & amplius, an-  
 nis ciuilibus bellis miserabiliter attritæ, simili  
 malo simile antidotum applicuit Anno CIO.  
 IOC. XXII. cuius sacræ PONTIFICIS Memorix  
*ἠντιφρασιον* hoc *μνημεσιον*, auditâ eius morte, me-  
 ritissimò ponebam.

*Thom. V. Val-  
 xinghamus &  
 ex eo Exen.*

*cognominis.*

*Epitaphij  
 monumentum.*

*Quam breuis ancipiti fors omnia sidere verset  
 Exemplo ostendunt maxima queque suo:  
 En qui terrarum senior comprehendere habenas  
 Cæperat, ætherias & subiisse vices:*

K 5

Cuius



Cuius adoratis tellus dedit oscula plantis,  
 Quem Dominū agnouit Martia ROMA suum,  
 Quem sibi Romulidum præfulgens murice Patrem  
 Curia non vanis legerat arbitriis:  
 Ereptus subito rebus regnisq; caducis  
 Angustâ tegitur nunc LODOVISVS humo.  
 Immortale tamen Virtutum nomen in orbe  
 Restat, & extinctos Gloria post cineres:  
 Qua miseris procul à curis stabiluit Olympo,  
 Regna vbi terrenis nobiliora gerit.

Similia antedictis sunt ea **IVBILEA**, quæ pro incolumitate Ecclesiæ vniuersæ, pro Principum Christianorum Pace & Concordiâ, pro Schismatum & Hæreseon extirpatione, cõcedi solent: quale non ita pridem suscepimus à **CLEMENTE VIII.** Anno videlicet **CIO. IO. XCVII.** & nuper à **PAVLO V.** Anno præsentis Seculi **VIII.** Pontificatus sui **IV.** Vel pro felicibus initiis **NOUORUM** Pontificum; quale postremū fuit **REGORII XV. LVDOVISII.** Anno huius Seculi **XX.** nam **VRBANVS VIII.** paullo hîc restrictior fuit, ob instantem **Ordinarij IVBILEI** solennitatem. Illud verò heic monendum occurrit, **IVBILEVM Extraordinarium** non videri appellandum quod, Anno Sacro Romæ finito, ad alias Prouincias extendi solet; cùm illud **Ordinarij ac Stati**, in capite celebrati, per vniuersâ **Christi Corporis** membra quædâ potiùs propagatio sit, quàm nouæ Gratia elargitio. Alias **IVBILEI** eius causas alibi, vti dixi, petendas relinquo: nobis nobiliorem quamque attigisse suffecerit, & κατὰ κεφάλαιον (vt Græci aiunt) hanc doctrinam tradisse.

summatim.

Est



Est verò *ἀξιωματιώτερον* IUBILEVM quoddam memoratu dignum.  
 (ita vocant) Priuatæ consuetudinis, cum scilicet  
 aliquis sanctiori vitæ addictus *Quinquagesimum*  
 Ordinis, Voti, aut Sacerdotij annum impleuit:  
 vel cum ij, qui coniugalem vitam ducunt, indi-  
 uiso toro eum annum attigerunt. Solent enim  
 gratiis Deo solenniter actis, Genialique epulo  
 amicis dato, Nouum veluti Seculum condere, &  
 Priuilegiis quibusdam ac Remissionibus, si Mo-  
 nasticâ lege constricti sunt, deinceps gaudere.  
 Quo in genere nuper spectatu dignum fuit So-  
 lenne illud, quod Illustrissimus Mechliniensium  
 Antistes MATTHIAS HOVIUS ciuitati suæ præ-  
 buit, Anno CIO. IDC. XVII. qui ipsi à suscepto  
 Sacerdotio *Quinquagesimus* fuit, magno sacræ  
 Magnificentiæ apparatu, & celeberrimâ Anti-  
 stitum Belgicorum, ac multitudinis promiscuæ,  
 ad rei nouitatem vndique concurrentis, fre-  
 quentissimâ panegyri. Huius cærimonix Riturum  
 etsi à IOBELO Hebræorum deducat Episcopus Quest. 2. de  
Iubil.  
*Ruræmundensis*, & vulgo IUBILEARIJ vocentur  
 huiusmodi felicitatem adepti; ego potius credi-  
 derim à *Leuitarum* priuilegio fluxisse, quibus eâ  
 ætate dimissio à seruitio Tabernaculi indulge-  
 batur. Ita enim Num. VIII. legimus: *A viginti-  
 quinque annis, & supra, ingredientur [LEVITAE]  
 vt ministrent in Tabernaculo fœderis. Cumq; quin-  
 quagesimum annum ætatis impleuerint, seruire ces-  
 sabunt, eruntq; ministri fratrum suorum in Taber-  
 naculo fœderis, vt custodiant quæ sibi fuerint commē-  
 data: opera autem ipsa non faciant.* Eâ etiam ætate  
 apud quasdam nationes Missio à militiâ impetra-  
 batur, teste Macrobio in Excerptum M. Tullij lib. 3. de

de



*de somnio Scipionis.* Quin apud Romanos, accuratae disciplinae magistros, Pediti post XX. Equiti post X. annorum confecta stipendia Libertas & immunitas concedebatur. Hoc tamen distat Sacra nostra Militia à Profanâ, quòd plenam numquam Missionem impetret in hac vitâ, DEO à suis exigente vt *in finem vsque* laborantes perseuerent, quò coronam illam in cælestibus percipiant sine fine duraturam.

Epist. lib. 9. de  
Mil. Rom.

Matth. 24.

Seculo autem nostro GERMANIA (vt monstrorum proh! dolor, ferax esse cœpit, non minùs quàm Africa) PSEUDO-IVBILEVM vidit, & videndo ingemuit, Ecclesiae Lutheranae Anno CIO. IO C. XVII. illum Secularem Centesimum esse iactantis, quo Euangelicae Veritatis (si D<sup>s</sup> placet) lux per Lutherum mundo alluxisset. cuius funestam Festiuitatem iidem ipsi qui celebrauerât editis Francofurti libellis, rudi impietate, sed exercitatissimâ calumniandi peritiâ referētis publicam esse iusserunt. At non defuit vir doctus qui inconditos eorum & agrestes βουλοισμὸς urbano sale eleganter defricuit: cuius, inter cætera, præclaram hanc sententiam legimus: *Inter tot mutationes [quot passa est eo Seculo Lutherana superstitione] tot conflictus, proscriptiones, anathemata, animarum exitia, concussiones R. P. non esse iubilandum. moestum esse gaudium cuius causa lugenda est.*

Adam. Cotson. S. L.

Psalm. 99.

Joan. 7.

Vos autem quibus vera Iubilandi ac seruiendi Domino in letitiâ causa est, ROMANAE ORTHODOXAE ECCLESIAE FILII, quacumque tandem estis terrarum regione dispersi, *ascendite ad diem festum hunc, diem veri gaudij, diem solennitatis*



tatis & lætitiæ, *introite in conspectu Domini in exultatione, introite portas eius in confessione, atria eius in hymnis, & cōstitemini illi.* Introite atria illa sacrosancta ROMANÆ VRBIS, sanctissimorum pignorum præsentia, ac Dei Maiestate, plena. Illhïc effundite corda vestra, illhïc delictorum vestrorum orate veniam, illhïc Vota concipite vobis ac R. P. CHRISTIANÆ publicè priuatimque salutaria. Concipite, inquam, impetrandi securi, ac Diuinæ Indulgentiæ confili. *Oculi enim eius ad fideles terræ, ut sedeant cum ipso, in tranquillitate animi, & quiete. Elegit nobis hereditatem suam, speciem IACOB quam dilexit. IACOB enim elegit Dominus Romanæ mansuetudinis, Esau contentionum Hæreticarum reiecto ac fastidito. Concipite Vota tempore hoc, quod Indulgentiâ suâ ac Remissione votum omne superat: quo Dominus in terram adspexit ut au- diat gemitus compeditorum, & soluat filios interemptorum: quo prædicatur Annus placabilis Domino, dies salutis ac lætitiæ generi humano. Beatus populus (ait Regius Propheta) qui scit IUBILATIONEM. Beatissimi illi, qui in populo sancto & electo gratiam Dei in vacuum non recipiunt, neque, porcorum instar, oblatas sibi margaritas fastidiunt, sterquilinio suo contenti; sed inuentâ vnâ pretiosâ, è cælestibus Thesauris depromptâ, comparare eam satagunt, reiectisq; impedimentis acquirere moluntur. Hæc est vera illa lætitia Filiorum Dei & Ecclesiæ; hæc Iubilatio & Deliciæ pœnitentis animæ, & amari cordis, cuius gaudio non miscbitur extraneus, hæc vera illa felicitas, de quâ iure maximo dicemus,*

*Felices*

*Psalm. 99.*

*Psalm. 61.*

*Psalm. 100.*

*Psalm. 46.*

*Psalm. 101.*

*Luc. 4.  
2. Cor. 6.  
Psalm. 22.*

*2. Cor. 6.*

*Matth. 7. &  
13.*

*Prou. 14.*



158 IVST. RYCO, DE ANNO IVBIL.

*Virg. in civi.*

*Psalm. 33. 6.  
244.*

*Felices qui talem annum videre, diemq<sup>3</sup>!*  
*Felices, qui gustabunt ac videbunt quam suavis est*  
*Dominus, & quam miserationes eius super omnia*  
*opera eius!*

F I N I S,

A D

DEI OPTIMI MAXIMI,

&

DEIPARÆ VIRGINIS

G L O R I A M.

I N D E X